

D.R. 15/98

Naskhah Sahih—Bahasa Kebangsaan

AKTA KOMUNIKASI DAN MULTIMEDIA 1998

SUSUNAN FASAL

BAHAGIAN I

PERMULAAN

Fasal

1. Tajuk ringkas.
2. Mula berkuat kuasa.
3. Matlamat.
4. Pemakaian wilayah dan luar wilayah.
5. Kuasa Menteri untuk mengecualikan orang, kawasan geografi tertentu, dll.
6. Tafsiran.

BAHAGIAN II

KUASA DAN TATACARA MENTERI

Bab 1

Arahan Menteri

7. Arahan oleh Menteri.
8. Perubahan arahan.
9. Daftar arahan.

Bab 2

Penentuan Menteri

10. Penentuan oleh Menteri.
11. Perubahan penentuan.
12. Daftar penentuan.

Rang Undang-Undang

Bab 3

Perisytiharan Menteri

Fasal

13. Perisytiharan oleh Menteri.
14. Pengubahsuaian, perubahan atau pembatalan perisytiharan.
15. Daftar perisytiharan.

Bab 4

Peraturan-Peraturan Oleh Menteri

16. Kuasa Menteri untuk membuat peraturan.

BAHAGIAN III

TRIBUNAL RAYUAN

17. Penubuhan Tribunal Rayuan.
18. Perkara yang boleh dikaji semula oleh Tribunal Rayuan.
19. Kelayakan anggota.
20. Peletakan jawatan dan penamatan lantikan.
21. Kekosongan jawatan dan pelantikan pemangku.
22. Kuorum bagi Tribunal Rayuan.
23. Keputusan.
24. Tatacara Tribunal Rayuan.
25. Penggantungan anggota.
26. Pendedahan kepentingan.

BAHAGIAN IV

LESEN

Bab 1

Lesen Individu

27. Permohonan bagi mendapatkan lesen individu.
28. Maklumat lanjut.
29. Syor oleh Suruhanjaya.
30. Pemberian lesen individu.
31. Sekatan ke atas pemberian lesen individu.

Fasal

32. Pematuhan syarat-syarat lesen individu.
33. Pengubahsuaian, perubahan atau pembatalan syarat-syarat lesen individu.
34. Pembaharuan lesen individu.
35. Penyerahan lesen individu.
36. Pindah hakmilik lesen individu atau penukaran pemunyaan.
37. Syor bagi penggantungan atau pembatalan lesen individu.
38. Penggantungan atau pembatalan lesen individu oleh Menteri.
39. Tarikh kuat kuasa penggantungan atau pembatalan lesen individu.
40. Penyiaran mengenai penggantungan atau pembatalan lesen individu.
41. Kesan penggantungan, pembatalan, penyerahan atau habis tempoh lesen individu.
42. Daftar lesen individu.
43. Hak dan kewajipan yang disertakan dengan lesen individu.

Bab 2

Lesen Kelas

44. Menteri boleh memberikan lesen kelas.
45. Permohonan bagi pendaftaran.
46. Kehendak bagi pendaftaran.
47. Syor oleh Suruhanjaya.
48. Pembatalan pendaftaran oleh Menteri.
49. Daftar lesen kelas.
50. Daftar notis pendaftaran.

BAHAGIAN V

KUASA DAN TATACARA SURUHANJAYA KOMUNIKASI
DAN MULTIMEDIA MALAYSIA

Bab 1

Arahan

51. Arahan oleh Suruhanjaya.
52. Pengubahsuaian, perubahan atau pembatalan arahan oleh Suruhanjaya.
53. Kesalahan kerana tidak mematuhi arahan Suruhanjaya.
54. Daftar arahan.

Bab 2

Penentuan

Fasal

55. Penentuan oleh Suruhanjaya.
56. Pengubahsuaian, perubahan atau pembatalan penentuan oleh Suruhanjaya.
57. Daftar penentuan.

Bab 3

Siasatan

58. Siasatan oleh Suruhanjaya.
59. Menggabungkan dua siasatan atau lebih.
60. Penjalanan siasatan.
61. Siasatan hendaklah secara terbuka.
62. Pengecualian terhadap siasatan terbuka.
63. Bahan sulit tidak boleh didedahkan.
64. Arahan mengenai siasatan.
65. Laporan mengenai siasatan.
66. Pelindungan daripada tindakan sivil.
67. Daftar laporan.

Bab 4

Penyiasatan Bagi Maksud Pentadbiran, Siasatan, Dll.

68. Penyiasatan oleh Suruhanjaya.
69. Aduan kepada Suruhanjaya.
70. Penjalanan penyiasatan.
71. Laporan mengenai penyiasatan.
72. Penyiaran laporan.

Bab 5

Kuasa Untuk Mengumpul Maklumat

73. Pemberian maklumat.
74. Kesalahan kerana tidak patuh.
75. Kesalahan kerana memberikan maklumat, keterangan atau dokumen, dll. palsu atau mengelirukan.
76. Bukti pematuhan.

Fasal

77. Suruhanjaya boleh menyimpan dokumen.
78. Rekod tidak betul.
79. Rekod maklumat.
80. Penyiaran maklumat.

Bab 6

Daftar

81. Daftar semua perkara.

Bab 7

Pemberitahuan Dan Penyelesaian Pertikaian

82. Pertikaian.
83. Pemberitahuan mengenai pertikaian.
84. Suruhanjaya hendaklah bertindak hanya apabila diberitahu.
85. Suruhanjaya boleh menyiarkan garis panduan.
86. Suruhanjaya hendaklah membuat keputusan tentang pertikaian yang telah diberitahukan.
87. Keputusan hendaklah secara bertulis.
88. Daftar keputusan.
89. Penguatkuasaan.

Bab 8

Pendaftaran Perjanjian

90. Permohonan bagi pendaftaran perjanjian.
91. Bila Suruhanjaya hendaklah mendaftarkan perjanjian itu.
92. Kesan pendaftaran.
93. Kandungan daftar perjanjian.

Bab 9

Kod Industri Sukarela

94. Forum industri.
95. Kod oleh forum industri.
96. Suruhanjaya boleh menentukan kod industri sukarela.

Fasal

97. Kod industri sukarela yang terpakai.
98. Pematuhan kod industri sukarela berdaftar suatu pembelaan yang sah.
99. Arahan supaya kod industri sukarela berdaftar dipatuhi.
100. Penalti sivil bagi ketakpatuhan.
101. Pembatalan kod.
102. Pengemukaan kod industri sukarela baru oleh forum industri.
103. Daftar kod industri sukarela semasa.

Bab 10

Standard Mandatori

104. Penentuan standard mandatori.
105. Standard mandatori hendaklah selaras.
106. Pengubahsuaian, pengubahan atau pembatalan standard mandatori.
107. Standard mandatori hendaklah diberi keutamaan.
108. Pematuhan standard mandatori suatu pembelaan yang sah.
109. Penalti sivil bagi ketakpatuhan.

Bab II

Aku Janji

110. Aku janji oleh seseorang.
111. Pendaftaran aku janji.
112. Kaedah-kaedah berkenaan dengan aku janji.
113. Penarikan balik aku janji.
114. Penggantian aku janji.
115. Daftar aku janji.
116. Penguatkuasaan aku janji.

Bab 12

Peninggalan Pengawalseliaan

117. Peninggalan pengawalseliaan.
118. Penentuan oleh Menteri.

Bab 13

Kajian Semula Keputusan

Fasal

119. Kajian semula oleh Suruhanjaya.
120. Kajian semula oleh Tribunal Rayuan.
121. Kajian semula kehakiman.

Bab 14

Kajian Semula Peraturan

122. Kajian semula perundangan subsidiari oleh Suruhanjaya.

Bab 15

Pengawasan Dan Pelaporan

123. Laporan kepada Menteri mengenai prestasi industri.
124. Perkara untuk diawasi dan dilaporkan.
125. Laporan hendaklah disiarkan.

BAHAGIAN VI

PENGAWALSELIAAN EKONOMI

Bab 1

Pelesenan

126. Pelesenan kemudahan rangkaian, perkhidmatan rangkaian dan perkhidmatan aplikasi.
127. Pematuhan syarat-syarat lesen.
128. Takrif sempadan rangkaian.
129. Pengecualian bagi pemberi perkhidmatan aplikasi yang tidak tertakluk kepada lesen kelas.
130. Pemberi kemudahan yang dinamakan.
131. Pemberi di bawah lesen kelas hendaklah mendaftar.
132. Lesen berasingan.

Bab 2

Amalan Persaingan Am

133. Larangan terhadap tingkah laku anti-persaingan.
134. Suruhanjaya boleh menyiarkan garis panduan.

Fasal

135. Larangan terhadap pembuatan perjanjian pakatan sulit.
136. Larangan terhadap perkiraan kaitan atau pautan.
137. Penentuan pemegang lesen dominan.
138. Garis panduan mengenai maksud "kedudukan dominan".
139. Suruhanjaya boleh mengarahkan pemegang lesen pada kedudukan dominan.
140. Pembenaran tingkah laku.
141. Daftar kebenaran.
142. Remedi bagi ketidakpatuhan.
143. Penalti bagi kesalahan.
144. Menteri boleh membuat kaedah-kaedah.

Bab 3

Capaian Kepada Perkhidmatan

145. Kemudahan dan perkhidmatan yang boleh dimasukkan dalam senarai capaian.
146. Penentuan kemudahan dan perkhidmatan oleh Suruhanjaya.
147. Syor oleh forum capaian.
148. Daftar senarai capaian.
149. Kewajipan capaian standard bagi kemudahan dan perkhidmatan.
150. Pendaftaran perjanjian capaian.
151. Pemberitahuan pertikaian capaian.
152. Forum capaian.
153. Kod capaian.
154. Pendaftaran kod capaian.
155. Aku janji capaian industri.
156. Pendaftaran aku janji.

BAHAGIAN VII

PENGAWALSELIAAN TEKNIK

Bab 1

Penguntukan Spektrum

157. Larangan menggunakan spektrum tanpa penguntukan.
158. Kuasa Menteri untuk membuat peraturan-peraturan.

Fasal

159. Pengeluaran penguntukan spektrum.
160. Penguntukan spektrum hendaklah mematuhi rancangan spektrum.
161. Pengeluaran semula penguntukan spektrum.
162. Pindah hakmilik pihak ketiga.
163. Kaedah-kaedah pindah hakmilik.
164. Pengeluaran penguntukan radas.
165. Penguntukan radas hendaklah mematuhi rancangan spektrum.
166. Situasi apabila penguntukan radas tidak boleh dikeluarkan.
167. Pembenaran pihak ketiga.
168. Tempoh maksimum bagi penguntukan radas.
169. Penguntukan kelas.
170. Penguntukan kelas hendaklah mematuhi rancangan spektrum.
171. Situasi apabila penguntukan kelas tidak boleh dikeluarkan.
172. Rancangan spektrum.
173. Kandungan rancangan spektrum.
174. Hak keutamaan.
175. Pertikaian mengenai gangguan.
176. Menteri boleh menentukan spektrum bagi penguntukan spektrum.
177. Rancangan spektrum hendaklah termasuk tatacara bagi penguntukan spektrum dan penguntukan radas.
178. Pengambilan wajib penguntukan dalam spektrum yang ditentukan.

Bab 2

Penomborn Dan Pengalamatan Elektronik

179. Kawalan, perancangan dan pentadbiran penomboran dan pengalamatan elektronik.
180. Rancangan penomboran dan pengalamatan elektronik.
181. Pengurusan atau penyenggaraan pangkalan data nombor awam atau alamat elektronik bersepadu.

Standard Teknik

Fasal

182. Menghalang kesalingbolehkendalian suatu kesalahan.
183. Menjejaskan keselamatan awam suatu kesalahan.
184. Forum standard teknik.
185. Perkara-perkara bagi kod teknik.
186. Agensi pemerakuan.

BAHAGIAN VIII

PELINDUNGAN PENGGUNA

Bab t

Mutu Perkhidmatan

187. Pengecualian daripada peruntukan kesalahan.
188. Pemberian perkhidmatan rangkaian atau perkhidmatan aplikasi.
189. Forum pengguna.
190. Perkara-perkara bagi kod pengguna.
191. Penyiaran kod pengguna.

Bab 2

Perkhidmatan Aplikasi Dikehendaki

192. Perkhidmatan aplikasi dikehendaki.
193. Arahan Menteri supaya perkhidmatan aplikasi dikehendaki disediakan.
194. Arahan boleh menyatakan perincian pengendalian.

Bab 3

Penyelesaian Pertikaian Pengguna

195. Pertikaian antara pengguna dengan pemegang lesen.
196. Tatacara bagi aduan pengguna.

*Komunikasi dan Multimedia*11

Bab 4

Pengawalseliaan Kadar

Fasal

197. Penetapan kadar oleh pemberi.
198. Prinsip mengenai penetapan kadar.
199. Penetapan kadar oleh Menteri.
200. Kuasa Menteri untuk menentukan orang atau kawasan bagi kadar khas.
201. Kaedah-kaedah mengenai kadar.

Bab 5

Pemberian Perkhidmatan Sejagat

202. Sistem pemberian perkhidmatan sejagat.
203. Takrif "kawasan yang kurang liputan perkhidmatan" dan "kumpulan yang kurang diberi perkhidmatan dalam masyarakat", dll.
204. Kumpulan Wang Pemberian Perkhidmatan Sejagat.

BAHAGIAN IX

PENGAWALSELIAAN SOSIAL

Bab 1

Pelesenan

205. Larangan terhadap pemberian perkhidmatan aplikasi kandungan.
206. Pematuhan syarat-syarat lesen.
207. Perkhidmatan aplikasi kandungan tertutup.
208. Pengecualian bagi kandungan sampingan.
209. Perkhidmatan aplikasi kandungan terhad.
210. Pendapat mengenai kategori perkhidmatan.

Bab 2

Kehendak Kandungan

211. Larangan terhadap pemberian kandungan jelik.
212. Forum kandungan.
213. Kod kandungan.

BAHAGIAN X

AM

Bab 1

*Pemasangan Kemudahan Rangkaian, Capaian
Kepada Kemudahan Rangkaian, Dll.*

Fasal

214. Pemeriksaan tanah.
215. Pemasangan kemudahan rangkaian.
216. Kerosakan minimum.
217. Pemberi kemudahan rangkaian hendaklah membaik pulih tanah.
218. Pengurusan aktiviti.
219. Perjanjian dengan kemudahan awam.
220. Syarat-syarat yang kepadanya permit pemasangan kemudahan rangkaian tertakluk.
221. Notis kepada pemunya tanah.
222. Notis kepada pemunya tanah bagi pencantasan pokok, dll.
223. Notis kepada pihak berkuasa jalan raya, kemudahan awam, dll.
224. Jalan, dll. hendaklah terus dibuka bagi laluan.
225. Permit pemasangan kemudahan rangkaian.
226. Kriteria bagi pengeluaran permit pemasangan kemudahan rangkaian.
227. Permit pemasangan kemudahan rangkaian mempunyai kuat kuasa tertakluk kepada Akta ini dan undang-undang lain.
228. Akses kepada tiang, kemudahan rangkaian atau hak laluan.
229. Suruhanjaya hendaklah mengawal selia perkara mengenai akses kepada tiang, dll.
230. Menteri boleh membuat peraturan.

Bab 2

Kesalahan Dan Penalti Tambahan

231. Kesalahan jika menggunakan radas atau peranti tanpa kelulusan.
232. Penggunaan secara fraud kemudahan rangkaian, perkhidmatan rangkaian, dll.
233. Penggunaan tidak wajar kemudahan rangkaian atau perkhidmatan rangkaian, dll.
234. Pemintasan dan pendedahan komunikasi dilarang.

Fasal

235. Kerosakan kepada kemudahan rangkaian, dll.
236. Praud dan aktiviti berkaitan berhubung dengan peranti capaian, dll.
237. Larangan terhadap perkhidmatan panggil balik.
238. Pemancaran daripada kelengkapan atau peranti tidak standard.
239. Penggunaan, pemilikan atau pembekalan tidak dibenarkan, kelengkapan atau peranti tidak standard.
240. Kesalahan mengagihkan atau mengiklankan apa-apa kelengkapan atau peranti komunikasi bagi pemintasan komunikasi.
241. Kesalahan kerana memberikan pernyataan palsu dan mengelirukan.
242. Kesalahan dan penalti am,
243. Pengkompaunan kesalahan.
244. Kesalahan oleh pertubuhan perbadanan.

Bab 3

*Kuasa Untuk Masuk, Penyiasatan Kesalahan
Dan Pendakwaan*

245. Pegawai diberi kuasa.
246. Kuasa untuk menyiasat.
247. Penggeledahan dengan waran.
248. Penggeledahan dan penyitaan tanpa waran.
249. Capaian kepada data berkomputer.
250. Senarai benda yang disita.
251. Pelepasan benda yang disita.
252. Kuasa untuk memintas komunikasi.
253. Galangan penggeledahan.
254. Kuasa tambahan.
255. Kuasa untuk menghendaki kehadiran orang yang tahu mengenai kes.
256. Pemeriksaan orang yang tahu mengenai kes.
257. Kebolehterimaan pernyataan sebagai keterangan.
258. Pegawai diberi kuasa hendaklah menyempurnakan penyiasatan dan menyerahkannya kepada polis.
259. Pendakwaan.
260. Pelucuthakan.
261. Bidang kuasa untuk membicarakan kesalahan.
262. Ganjaran.

Rang Undang-Undang

Bab 4

Perkara Kepentingan Negara

Fasal

263. Kewajipan am pemegang lesen.
264. Orang yang tidak boleh disabitkan bagi perbuatan yang dilakukan dengan suci hati.
265. Kemampuan pemintasan rangkaian.
266. Kuasa khas semasa darurat.
267. Rancangan bencana.

Bab 5

Pelbagai

268. Menteri boleh membuat kaedah-kaedah mengenai penyirapanan rekod.
269. Kerjasama dengan pihak berkuasa lain.
270. Surat cara yang diberikan di bawah Akta ini.
271. Akta ini mengatasi Akta lain.
272. Pelindungan pegawai dan orang lain.

BAHAGIAN XI

PERUNTUKAN PERALIHAN

Bab 1

Pemansuhan Dan Kecualian

273. Pemansuhan.
274. Pembubaran Kumpulan Wang Telekomunikasi.
275. Kecualian.

Bab 2

Peruntukan Peralihan Bagi Lesen

276. Lesen lama hendaklah berkuat kuasa.
277. Lesen kelas baru hendaklah menggantikan lesen lama.
278. Lesen lama hendaklah didaftarkan.

Fasal

279. Lesen berdaftar tidak memberikan faedah baru.
280. Pemegang lesen lama hendaklah menyatakan hasrat.
281. Pemegang lesen berdaftar boleh memohon untuk mendapatkan lesen individu di bawah Akta ini.
282. Penentuan kemudahan dan perkhidmatan tersenarai.

JADUAL

RANG UNDANG-UNDANG

b e r n a m a

Suatu Akta untuk mengadakan peruntukan tentang dan mengawal selia industri komunikasi dan multimedia yang menjurus ke arah percantuman dan perkara-perkara yang bersampingan dengannya.

[]

MAKA INILAH DIPERBUAT UNDANG-UNDANG oleh Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti yang berikut:

BAHAGIAN I

PERMULAAN

1. Akta ini bolehlah dinamakan Akta Komunikasi dan Multimedia 1998. Tajuk ringkas.
2. Akta ini hendaklah mula berkuat kuasa pada tarikh yang ditetapkan oleh Menteri melalui pemberitahuan dalam *Warta*, dan Menteri boleh menetapkan tarikh yang berlainan bagi peruntukan yang berlainan dalam Akta tni. Mula berkuat kuasa.
3. (1) Matlamat Akta ini ialah— Matlamat.
 - (a) menggalakkan matlamat dasar kebangsaan bagi industri komunikasi dan multimedia;
 - (b) mewujudkan rangka kerja pelesenan dan pengawalseliaan bagi menyokong matlamat dasar kebangsaan bagi industri komunikasi dan multimedia;

- (c) mewujudkan kuasa dan fungsi bagi Suruhanjaya Komunikasi dan Multimedia Malaysia; dan
- (d) mewujudkan kuasa dan tatacara bagi pentadbiran Akta ini.

(2) Matlamat dasar kebangsaan bagi industri komunikasi dan multimedia ialah—

- (a) menjadikan Malaysia sebagai pusat dan tumpuan utama dunia bagi perkhidmatan komunikasi dan perkhidmatan maklumat dan kandungan multimedia;
- (b) menggalakkan pewujudan masyarakat madani yang dalamnya perkhidmatan berdasarkan maklumat akan menyediakan asas bagi peningkatan yang berterusan kepada mutu kerja dan hidup;
- (c) mencambahkan dan memupuk sumber maklumat dan perlambangan budaya tempatan yang membantu mengetengahkan identiti kebangsaan dan kepelbagaian sejagat;
- (d) mengawal selia bagi faedah jangka panjang pengguna akhir;
- (e) menggalakkan tahap keyakinan pengguna yang tinggi dalam penyampaian perkhidmatan daripada industri itu;
- (f) memastikan penyediaan perkhidmatan sama rata yang mampu dibayar melalui infrastruktur kebangsaan yang sentiasa ada;
- (g) mewujudkan suasana penggunaan yang giat bagi pengguna akhir;
- (h) memudahkan pengagihan secara berkesan sumber seperti tenaga buruh mahir, modal, pengetahuan dan aset kebangsaan;
- (i) menggalakkan pembinaan keupayaan dan kecekapan dalam industri percantuman Malaysia; dan
- (j) menjamin keselamatan maklumat dan kebolehpercayaan dan keutuhan rangkaian.

(3) Tiada apa-apa jua dalam Akta ini boleh ditafsirkan sebagai membenarkan penapisan Internet,

4. (1) Akta ini dan perundangan subsidiarinya terpakai di dalam dan di luar Malaysia. Pemakaian wilayah dan luar wilayah.

(2) Walau apa pun subseksyen (1), Akta ini dan perundangan subsidiarinya hendaklah terpakai bagi mana-mana orang di luar had geografi Malaysia dan perairan wilayahnya jika orang itu—

(a) ialah pemegang lesen di bawah Akta ini; atau

(b) memberikan atau akan memberikan kemudahan atau perkhidmatan yang berkaitan di bawah Akta ini di suatu tempat di dalam Malaysia.

(3) Bagi maksud seksyen ini, "suatu tempat" ertinya suatu titik daripada apa-apa jenis atau perihalan sama ada di darat, di atmosfera, di angkasa lepas, di bawah tanah, di bawah air, di laut atau di mana-mana jua.

(4) Bagi maksud seksyen ini, suatu tempat yang berada—

(a) di atau di bawah stratosfera; dan

(b) di atas had geografi Malaysia dan perairan wilayahnya,

dianggap sebagai suatu tempat dalam had geografi Malaysia dan perairan wilayahnya.

5. Walau apa pun seksyen 4, Menteri boleh, melalui perintah yang disiarkan dalam *Warta*, mengecualikan atau tidak memasukkan mana-mana orang atau tempat, premis atau kawasan geografi daripada apa-apa perihalan daripada peruntukan Akta ini. Kuasa Menteri untuk mengecualikan orang, kawasan geografi tertentu, dll.

6. Dalam Akta ini, melainkan jika konteksnya menghendaki makna yang lain— Tafsiran.

"agensi pemerakuan" ertinya agensi pemerakuan yang didaftarkan di bawah seksyen 186;

"arahan" ertinya arahan yang dikeluarkan oleh Menteri di bawah seksyen 7, atau oleh Suruhanjaya di bawah seksyen 51;

"capaian" ertinya capaian kepada suatu kemudahan rangkaian atau perkhidmatan rangkaian yang disenaraikan di bawah Bab 3 Bahagian VI;

"daftar" ertinya mana-mana satu daftar yang diwujudkan atau disenggarakan oleh Suruhanjaya bagi maksud Akta ini;

"daftar pendapat" ertinya daftar pendapat yang disenggarakan di bawah seksyen 97 atau 210, atau mana-mana seksyen lain yang berkaitan;

"forum capaian" ertinya forum yang ditetapkan di bawah seksyen 152;

"forum industri" ertinya forum yang ditetapkan di bawah seksyen 94;

"forum kandungan" ertinya forum yang ditetapkan di bawah seksyen 212;

"forum pengguna" ertinya forum yang ditetapkan di bawah seksyen 189;

"forum standard teknik" ertinya forum yang ditetapkan di bawah seksyen 184;

"jalur frekuensi" ertinya suatu julat frekuensi spektrum yang berterusan;

"kandungan" ertinya apa-apa bunyi, teks, gambar pegun, gambar bergerak atau persembahan audiovisual lain, persembahan sentuhan atau apa-apa gabungan yang sedemikian yang mampu direka, dimanipulasi, disimpan, diambil atau disampaikan secara elektronik;

"kandungan sampingan" ertinya suatu kandungan yang bersampingan dengan bekalan perkhidmatan aplikasi kerana—

- (a) ia berkait semata-mata dengan antara muka antara suatu perkhidmatan aplikasi dengan seorang pengguna akhir; atau
- (b) sebab-sebab yang dinyatakan dalam penentuan Menteri yang dibuat di bawah seksyen 10;

"kelengkapan pelanggan" ertinya apa-apa kelengkapan, sama ada perkakasan atau perisian, atau peranti, yang digunakan di sebelah pihak pengguna di sempadan rangkaian;

"kemampuan pemintasan" ertinya kemampuan mana-mana kemudahan rangkaian atau perkhidmatan rangkaian atau perkhidmatan aplikasi untuk memintas komunikasi di bawah seksyen 265;

"kemudahan awam" ertinya suatu badan yang mengadakan untuk orang ramai—

- (a) keluaran atau perkhidmatan yang berselirat, seperti elektrik, gas, air, pembedungan atau peparitan;
- (b) perkhidmatan telekomunikasi;
- (c) perkhidmatan pengangkutan; atau
- (d) keluaran atau perkhidmatan daripada jenis yang serupa dengan keluaran atau perkhidmatan yang diliputi oleh perenggan (a), (b) atau (c);

"kemudahan rangkaian" ertinya apa-apa unsur atau gabungan unsur infrastruktur fizikal yang digunakan terutamanya bagi, atau berkaitan dengan, pemberian perkhidmatan rangkaian, tetapi tidak termasuk kelengkapan pelanggan;

"kod capaian" ertinya kod industri sukarela yang disediakan di bawah seksyen 153;

"kod industri sukarela" ertinya kod industri sukarela yang disediakan di bawah Bab 9 Bahagian V;

"kod kandungan" ertinya kod industri sukarela yang disediakan di bawah Bab 2 Bahagian IX;

"kod pengguna" ertinya kod industri sukarela yang disediakan di bawah Bab 1 Bahagian VIII;

"kod teknik" ertinya kod industri sukarela yang disediakan di bawah Bab 3 Bahagian VII;

"komunikasi" ertinya apa-apa komunikasi, sama ada antara orang dengan orang, benda dengan benda, atau orang dengan benda, dalam bentuk bunyi, data, teks, imej visual, isyarat atau apa-apa bentuk lain atau mana-mana gabungan bentuk-bentuk itu;

"lesen individu" ertinya lesen bagi seseorang orang yang dinyatakan untuk menjalankan sesuatu aktiviti yang dinyatakan dan boleh termasuk syarat-syarat yang dengannya penjalanan aktiviti itu hendaklah tertakluk;

"lesen kelas" ertinya lesen bagi mana-mana atau semua orang untuk menjalankan sesuatu aktiviti yang dinyatakan dan boleh termasuk syarat-syarat yang dengannya penjalanan aktiviti itu hendaklah tertakluk;

"mahkamah" ertinya mahkamah yang mempunyai bidang kuasa berwibawa;

"maklumat dan kandungan multimedia" ertinya kandungan berdigit;

"mel" termasuk perkhidmatan pos;

"memintas" ertinya pemerolehan kandungan mana-mana komunikasi dengan cara pendengaran atau selainnya melalui penggunaan apa-apa kelengkapan, peranti atau radas elektronik, mekanikal atau yang lain;

"menghantar" atau "penghantaran" ertinya menyebabkan apa-apa pancaran tenaga elektromagnet tak berpandu dalam mana-mana bahagian spektrum;

"Menteri" ertinya Menteri yang pada masa ini dipertanggungjawabkan dengan tanggungjawab bagi komunikasi dan multimedia;

"nombor" ertinya nombor, huruf atau simbol;

"pasaran komunikasi" ertinya pasaran ekonomi bagi suatu perkhidmatan rangkaian, atau suatu perkhidmatan aplikasi, atau bagi barang-barang atau perkhidmatan yang digunakan bersama dengan suatu perkhidmatan rangkaian atau suatu perkhidmatan aplikasi, atau bagi capaian kepada kemudahan yang digunakan bersama dengan sama ada suatu perkhidmatan rangkaian atau suatu perkhidmatan aplikasi;

"pegawai diberi kuasa" ertinya mana-mana pegawai awam atau pegawai yang dilantik oleh Suruhanjaya dan diberi kuasa secara bertulis oleh Suruhanjaya bagi maksud Akta ini;

"pemberi kemudahan rangkaian" ertinya seseorang yang menjadi pemunya mana-mana kemudahan rangkaian;

"pemberi kemudahan yang dinamakan" ertinya seseorang, selain pemunya kemudahan rangkaian, yang diisytiharkan oleh Menteri sebagai pemberi kemudahan yang dinamakan;

"pemberi perkhidmatan aplikasi" ertinya seseorang yang memberikan perkhidmatan aplikasi;

"pemberi perkhidmatan rangkaian" ertinya seseorang yang memberikan perkhidmatan rangkaian;

"pembuluh" ertinya—

- (a) apa-apa pembuluh, sama ada sendirinya suatu talian elektrik atau tidak, disenggarakan oleh suatu syarikat elektrik bagi maksud menutup, mengelilingi atau menyokong talian itu, termasuklah, jika pembuluh itu disambungkan kepada mana-mana kotak, kebuk atau struktur

lain (termasuklah suatu bangunan) yang disenggarakan oleh sesuatu syarikat pembekalan elektrik bagi maksud yang berkaitan dengan penyaluran, penghantaran atau pengagihan elektrik, kotak, kebuk atau struktur itu;

- (b) suatu paip air utama atau apa-apa pembuluh lain yang disenggarakan oleh sesuatu pihak berkuasa air bagi maksud penyaluran air dari suatu tempat ke tempat lain;
- (c) betung awam;
- (d) pembedung atau alur air; atau
- (e) apa-apa kemudahan bawah tanah lain untuk membawa, menutup, mengelilingi atau menyokong kemudahan rangkaian;

"pemegang lesen" ertinya seseorang yang sama ada memegang suatu lesen individu, atau melakukan aktiviti yang tertakluk kepada suatu lesen kelas, yang diberikan di bawah Akta ini;

"pemintasan dibenarkan" ertinya pemintasan oleh pemegang lesen mana-mana kemudahan rangkaian, perkhidmatan rangkaian atau perkhidmatan aplikasi yang dibenarkan di bawah seksyen 265;

"pemunya" ertinya pemunya di sisi undang-undang atau pemunya benefisial;

"penentuan" ertinya penentuan yang dibuat oleh Menteri di bawah seksyen 10, atau oleh Suruhanjaya di bawah seksyen 55;

"pengarah" mempunyai erti yang diberikan kepadanya dalam Akta Syarikat 1965;

Akta 125.

"penguntukan" ertinya penguntukan oleh Suruhanjaya hak untuk menggunakan spektrum, nombor atau alamat elektronik dan boleh termasuk syarat-syarat yang dengannya penjalanan hak sedemikian hendaklah tertakluk;

"penguntukan kelas" ertinya penguntukan yang dikeluarkan di bawah seksyen 169;

"penguntukan radas" ertinya penguntukan yang dikeluarkan di bawah seksyen 164;

"penguntukan spektrum" ertinya penguntukan yang dikeluarkan di bawah seksyen 159;

"peranti capaian" ertinya apa-apa kad, plat, kod, nombor akaun, nombor siri elektronik, nombor pengenalan mudah gerak, nombor pengenalan peribadi, atau perkhidmatan rangkaian, perkhidmatan aplikasi atau perkhidmatan kandungan lain, kelengkapan, atau pengenal pasti kemudahan, atau cara capaian lain yang boleh digunakan, secara sendirian atau bersama dengan suatu peranti capaian lagi, bagi maksud apa-apa komunikasi;

"peranti pemproses data" ertinya apa-apa barang atau peranti yang daripadanya maklumat mampu dikeluarkan semula, dengan atau tanpa bantuan apa-apa barang atau peranti lain;

"perisytiharan" ertinya perisytiharan yang dibuat oleh Menteri di bawah seksyen 13;

"perjanjian" ertinya suatu perjanjian, sama ada rasmi atau tidak rasmi, lisan atau bertulis, yang nyata atau yang tersirat;

"perkhidmatan aplikasi" ertinya perkhidmatan yang diberikan dengan menggunakan, tetapi tidak hanya semata-mata dengan menggunakan, satu perkhidmatan rangkaian atau lebih;

"perkhidmatan aplikasi dikehendaki" ertinya perkhidmatan aplikasi yang terdapat dalam senarai yang ditentukan oleh Menteri di bawah seksyen 192;

"perkhidmatan aplikasi kandungan" ertinya perkhidmatan aplikasi yang memberikan kandungan;

"perkhidmatan aplikasi kandungan terhad" ertinya perkhidmatan aplikasi kandungan yang daya tarikannya terhad kerana—

- (a) perkhidmatan itu disasarkan kepada suatu kumpulan yang mempunyai minat khas;
- (b) perkhidmatan itu boleh didapati dalam suatu kawasan geografi yang terhad;
- (c) perkhidmatan itu boleh didapati bagi suatu tempoh masa yang singkat;
- (d) perkhidmatan itu diasaskan pada kandungan yang daya tarikannya terhad; atau
- (e) sebab-sebab yang dinyatakan dalam penentuan Menteri yang dibuat di bawah seksyen 10;

"perkhidmatan rangkaian" ertinya suatu perkhidmatan bagi menjalankan komunikasi dengan menggunakan sinaran elektromagnet berpandu dan/atau tak berpandu;

"perkiraan" ertinya sesuatu perkiraan, sama ada rasmi atau tidak rasmi, lisan atau bertulis, yang nyata atau yang tersirat;

"rancangan bencana" ertinya rancangan bencana yang boleh diadakan mengikut seksyen 267;

"rancangan penomboran dan pengalamatan elektronik" ertinya rancangan penomboran dan pengalamatan elektronik yang diadakan di bawah seksyen 180;

"rancangan spektrum" ertinya rancangan spektrum yang diadakan di bawah seksyen 172;

"sempadan rangkaian" ertinya sempadan rangkaian yang diperuntukkan di bawah seksyen 128;

"senarai capaian" ertinya senarai kemudahan atau perkhidmatan yang diwujudkan di bawah Bab 3 Bahagian VI;

"spektrum" ertinya julat berterusan frekuensi gelombang elektromagnetik sehingga dan termasuklah frekuensi 420 terahertz;

"standard mandatori" ertinya standard mandatori yang diwujudkan di bawah Bab 10 Bahagian V;

"surat cara" termasuk arahan, penentuan atau perisytiharan;

"Suruhanjaya" ertinya Suruhanjaya Komunikasi dan Multimedia Malaysia yang ditubuhkan di bawah Akta Suruhanjaya Komunikasi dan Multimedia Malaysia 1998; *Akta*

"tarikh ditetapkan" ertinya tarikh Akta ini mula berkuat kuasa;

"tiang" ertinya tiang, pancang, menara, tonggak, penyokong, topang atau kemudahan lain atas tanah bagi membawa, menggantung atau raenyokong apa-apa kemudahan rangkaian;

"Tribunal Rayuan" ertinya Tribunal Rayuan yang ditubuhkan di bawah Bahagian III.

BAHAGIAN II

KUASA DAN TATACARA MENTERI

Bab 1

Arahan Menteri

1. (1) Menteri boleh, dari semasa ke semasa, mengeluarkan arahan kepada Suruhanjaya mengenai perjalanan kuasa Suruhanjaya dan pelaksanaan fungsi dan kewajipan Suruhanjaya di bawah Akta ini, sama ada yang bersifat am atau selainnya. *Arahan oleh Menteri.*

(2) Apa-apa arahan Menteri hendaklah selaras dengan matlamat dan peruntukan Akta ini yang berkaitan dengan perkara atau aktiviti yang tertentu itu.

(3) Suruhanjaya hendaklah menjalankan kuasanya yang diberikan di bawah Akta ini dengan cara yang selaras dengan arahan Menteri.

(4) Tiap-tiap arahan Menteri hendaklah didaftarkan oleh Suruhanjaya secepat yang dapat dilaksanakan.

(5) Sesuatu arahan hendaklah mula berkuat kuasa pada tarikh pendaftaran atau pada suatu tarikh selepas itu yang boleh dinyatakan oleh Menteri dalam surat cara bertulis itu.

(6) Sesuatu arahan hendaklah habis tempoh pada tarikh yang boleh dinyatakan oleh Menteri dalam surat cara bertulis itu atau, jika tiada tarikh dinyatakan, arahan itu hendaklah berkuat kuasa sehingga arahan itu dibatalkan.

Perubahan arahan.

8. (1) Menteri boleh pada bila-bila masa mengubahsuaikan, mengubah atau membatalkan sesuatu arahan.

(2) Tatacara yang dinyatakan dalam seksyen 7 hendaklah terpakai *mutatis mutandis* berkenaan dengan apa-apa pengubahsuaian, perubahan atau pembatalan sesuatu arahan.

Daftar arahan.

9. Suruhanjaya hendaklah menyenggarakan suatu daftar semua arahan yang dikeluarkan oleh Menteri mengikut Bab 6 Bahagian V.

Bab 2

Penentuan Menteri

Penentuan oleh Menteri.

10. (1) Menteri boleh, dari semasa ke semasa, menentukan apa-apa perkara yang dinyatakan dalam Akta ini sebagai tertakluk kepada penentuan Menteri, tanpa berunding dengan pemegang lesen atau sesiapa.

(2) Apa-apa penentuan hendaklah selaras dengan matlamat dan peruntukan Akta ini yang berkaitan dengan perkara atau aktiviti yang tertentu itu.

(3) Suruhanjaya hendaklah menjalankan kuasanya yang diberikan di bawah Akta ini dengan cara yang selaras dengan penentuan itu.

(4) Menteri hendaklah memberikan satu salinan penentuan di bawah Bab ini kepada Suruhanjaya secepat yang dapat dilaksanakan.

(5) Tiap-tiap penentuan hendaklah didaftarkan oleh Suruhanjaya secepat yang dapat dilaksanakan.

(6) Sesuatu penentuan hendaklah mula berkuat kuasa pada tarikh pendaftaran atau pada suatu tarikh selepas itu yang boleh dinyatakan oleh Menteri dalam surat cara bertulis itu.

(7) Sesuatu penentuan hendaklah habis tempoh pada tarikh yang boleh dinyatakan oleh Menteri dalam surat cara bertulis itu atau, jika tiada tarikh dinyatakan, penentuan itu hendaklah berkuat kuasa sehingga penentuan itu dibatalkan.

11. (1) Menteri boleh pada bila-bila masa mengubahsuaikan, mengubah atau membatalkan sesuatu penentuan. Perubahan penentuan.

(2) Tatacara yang dinyatakan dalam seksyen 10 hendaklah terpakai *mutatis mutandis* berkenaan dengan apa-apa pengubahsuaian, perubahan atau pembatalan sesuatu penentuan.

12. Suruhanjaya hendaklah menyenggarakan suatu daftar semua penentuan yang dibuat oleh Menteri mengikut Bab 6 Bahagian V. Daftar penentuan.

Bab 3

Perisytiharan Menteri

13. (1) Menteri boleh, dari semasa ke semasa, membuat suatu perisytiharan bertulis bahawa sesuatu lesen individu, atau sesuatu kelas lesen individu, atau sesuatu lesen kelas— Perisytiharan oleh Menteri.

(a) adalah tertakluk kepada syarat-syarat; atau

(b) menikmati faedah,

yang difikirkan patut oleh Menteri.

(2) Apa-apa perisytiharan mengenai syarat-syarat lesen hendaklah berkaitan dengan perkara yang dinyatakan dalam Jadual.

(3) Menteri boleh juga membuat suatu perisytiharan bertulis untuk mengecualikan seorang pemegang lesen daripada mematuhi mana-mana syarat lesen.

(4) Sebelum membuat sesuatu perisytiharan di bawah subseksyen (2), Menteri hendaklah memberi pemegang lesen yang terlibat suatu notis bertulis mengenai hasratnya untuk berbuat demikian bersama dengan satu salinan draf perisytiharan itu, dan pemegang-pemegang lesen itu boleh membuat penghujahan kepada Menteri dengan mengemukakan kepada Suruhanjaya dalam tempoh masa yang dinyatakan oleh Menteri tetapi tempoh masa itu tidaklah boleh kurang daripada tiga puluh hari.

(5) Selepas habis tempoh notis yang dinyatakan dalam subseksyen (4), Menteri hendaklah, atas syor Suruhanjaya, menentukan langkah tindakan seterusnya, dengan mengambil kira apa-apa penghujahan yang dibuat oleh pemegang lesen yang terlibat.

(6) Menteri hendaklah memberi pemegang lesen yang terlibat suatu notis bertulis mengenai perisytiharan yang dibuat di bawah subseksyen (2) secepat yang dapat dilaksanakan.

(7) Apa-apa perisytiharan hendaklah selaras dengan matlamat dan peruntukan Akta ini yang berkaitan dengan perkara atau aktiviti yang tertentu itu.

(8) Suruhanjaya hendaklah menjalankan kuasanya yang diberikan di bawah Akta ini dengan cara yang selaras dengan perisytiharan itu.

(9) Menteri hendaklah memberikan satu salinan perisytiharan di bawah Bab ini kepada Suruhanjaya secepat yang dapat dilaksanakan.

(10) Tiap-tiap perisytiharan hendaklah didaftarkan secepat yang dapat dilaksanakan.

(11) Sesuatu perisytiharan selain perisytiharan di bawah subseksyen (2) hendaklah mula berkuat kuasa pada tarikh pendaftaran atau pada suatu tarikh selepas itu yang boleh dinyatakan oleh Menteri dalam surat cara itu.

(12) Sesuatu perisytiharan hendaklah habis tempoh pada tarikh yang boleh dinyatakan oleh Menteri dalam notis bertulis itu atau, jika tiada tarikh dinyatakan, perisytiharan itu hendaklah berkuat kuasa sehingga perisytiharan itu dibatalkan.

14. (1) Menteri boleh pada bila-bila masa mengubahsuaikan, mengubah atau membatalkan sesuatu perisytiharan berkenaan dengan suatu lesen. Pengubahsuaian, perubahan atau pembatalan perisytiharan.

(2) Tatacara yang dinyatakan dalam seksyen 13 hendaklah terpakai *mutatis mutandis* berkenaan dengan apa-apa pengubahsuaian, perubahan atau pembatalan sesuatu perisytiharan,

15. Suruhanjaya hendaklah menyenggarakan suatu daftar semua perisytiharan yang dibuat oleh Menteri mengikut Bab 6 Bahagian V. Daftar perisytiharan.

Bab 4

Peraturan-Peraturan Oleh Menteri

16. (1) Menteri boleh, atas syor Suruhanjaya atau selainnya, membuat peraturan-peraturan, yang hendaklah disiarkan dalam *Warta*, bagi semua atau mana-mana maksud yang berikut: Kuasa Menteri untuk membuat peraturan.

(a) tatacara bagi Suruhanjaya dan Tribunal Rayuan dalam penjalanan kuasa dan fungsinya di bawah Akta ini;

(b) bentuk dan kehendak kebenaran bertulis, penguntukan dan lesen yang diberikan atau dikeluarkan di bawah Akta ini;

- (c) tatacara bagi penguntukan hak kepada spektrum atau nombor di bawah Bahagian VII, termasuklah mekanisme bagi penguntukan berdasarkan kadar;
- (d) apa-apa fi, bayaran atau kadar yang hendak dikenakan;
- (e) tatacara bagi pelaksanaan suatu sistem pemberian perkhidmatan sejagat di bawah Bahagian VIII, termasuklah tetapi tidak terhad kepada mutu standard perkhidmatan;
- (f) tatacara bagi penggunaan kemudahan rangkaian, perkhidmatan rangkaian dan perkhidmatan aplikasi dalam situasi darurat atau kecemasan;
- (g) pengkompaunan kesalahan;
- (h) apa-apa tebus rugi, termasuklah pampasan atau penalti berkenaan dengan pelanggaran atau kesalahan terhadap mana-mana perundangan subsidiari;
- (i) apa-apa perkara yang baginya Akta ini membuat peruntukan nyata; dan
- (j) apa-apa perkara lain yang perlu bagi memberikan kuat kuasa penuh kepada peruntukan Akta ini dan bagi pentadbiran wajarnya.

(2) Peraturan-peraturan yang dibuat di bawah subseksyen (1), atau apa-apa perundangan subsidiari lain yang dibuat di bawah Akta ini, boleh menetapkan apa-apa perbuatan yang melanggar peraturan-peraturan itu, atau perundangan subsidiari lain itu, sebagai suatu kesalahan dan boleh menetapkan penalti denda tidak melebihi tiga ratus ribu ringgit atau pemenjaraan selama tempoh tidak melebihi tiga tahun atau kedua-duanya bagi kesalahan sedemikian.

BAHAGIAN III

TRIBUNAL RAYUAN

Penubuhan
Tribunal
Rayuan.

17. (1) Menteri boleh menubuhkan suatu Tribunal Rayuan, yang hendaklah bermesyuarat atas dasar *ad hoc*, sebagaimana yang dianggap perlu atau suaimanfaat oleh

Menteri untuk tujuan yang baik dan demi kepentingan keadilan, atau untuk membantu dalam pelaksanaan fungsi Suruhanjaya, atau demi kepentingan awam.

(2) Menteri hendaklah melantik, melalui perintah yang disiarkan dalam *Warta*—

- (a) seorang Pengerusi Tribunal Rayuan; dan
- (b) sekurang-kurangnya, dua orang anggota lain, atau apa-apa bilangan anggota yang lebih banyak, Tribunal Rayuan,

untuk mengkaji semula sesuatu perkara tertentu di bawah sesuatu lesen, Akta ini atau perundangan subsidiarinya.

(3) Menteri hendaklah melantik seorang yang pada masa ini ialah seorang Hakim Mahkamah Tinggi untuk menjadi Pengerusi Tribunal Rayuan.

(4) Pelantikan mana-mana anggota Tribunal Rayuan boleh dibaharui setelah habis tempohnya sebagai anggota.

(5) Tiada anggota Tribunal Rayuan boleh dilantik bagi suatu tempoh melebihi tiga tahun.

(6) Walau apa pun subseksyen (5), seseorang anggota Tribunal Rayuan boleh dilantik semula bagi suatu tempoh selanjutnya.

18. (1) Tribunal Rayuan boleh mengkaji semula apa-apa perkara yang dirayukan terhadap sesuatu keputusan atau arahan Suruhanjaya tetapi tidak terhadap sesuatu penentuan oleh Suruhanjaya.

Perkara yang boleh dikaji semula oleh Tribunal Rayuan.

(2) Apa-apa keputusan Tribunal Rayuan adalah muktamad dan mengikat pihak-pihak dalam rayuan itu dan tidak boleh dirayukan selanjutnya.

19. Seseorang layak menjadi anggota Tribunal Rayuan jika dia mempunyai pengetahuan mengenai atau pengalaman dalam—

Kelayakan anggota.

- (a) industri komunikasi dan multimedia;
- (b) kejuruteraan;

- (c) undang-undang;
- (d) ekonomi atau perdagangan; atau
- (e) pentadbiran awam.

Peletakan jawatan dan penamatan lantikan.

20. (1) Menteri boleh pada bila-bila masa menamatkan lantikan Pengerusi atau mana-mana anggota lain Tribunal Rayuan jika—

- (a) dia meletakkan jawatannya;
- (b) dia menjadi tidak sempurna akal atau selainnya tidak berupaya untuk melaksanakan tugasnya atau menguruskan hal ehwalnya;
- (c) dia menjadi bankrap atau tak solven;
- (d) dia dilarang menjadi pengarah syarikat di bawah mana-mana undang-undang bertulis berkenaan dengan syarikat;
- (e) dia telah disabitkan atas suatu kesalahan, di bawah mana-mana undang-undang, oleh mahkamah di Malaysia;
- (f) dia bersalah melakukan salah laku yang berat berkenaan dengan tugasnya;
- (g) dia tidak melakukan kewajibannya di bawah seksyen 26; atau
- (h) prestasinya tidak memuaskan selama suatu tempoh masa yang ketara.

(2) Pengerusi atau mana-mana anggota boleh, pada bila-bila masa, meletakkan jawatannya dengan memberikan suatu notis bertulis kepada Menteri.

Kekosongan jawatan dan pelantikan pemangku.

21. (1) Jawatan Pengerusi atau mana-mana anggota Tribunal Rayuan hendaklah menjadi kosong jika—

- (a) dia mati;
- (b) dia meletakkan jawatan atau selainnya mengosongkan jawatannya sebelum habis tempoh yang baginya dia dilantik; atau
- (c) pelantikannya ditamatkan.

(2) Menteri hendaklah melantik seseorang mengikut seksyen 17 untuk menggantikan Pengerusi atau mana-mana anggota lain semasa kekosongan jawatan Pengerusi atau mana-mana anggota lain.

(3) Menteri hendaklah melantik seseorang mengikut seksyen 17 untuk bertindak sebagai Pengerusi, atau mana-mana anggota lain—

(a) dalam apa-apa tempoh apabila Pengerusi atau mana-mana anggota lain tidak ada untuk menjalankan apa-apa tugas atau tidak ada di Malaysia; atau

(b) jika Pengerusi atau mana-mana anggota lain, kerana apa-apa sebab, tidak berupaya untuk melaksanakan tugas jawatan itu.

(4) Penjalanan kuasa, atau pelaksanaan fungsi, Tribunal Rayuan tidak terjejas hanya kerana terdapat kekosongan dalam keanggotaan Tribunal itu.

22. Kuorum bagi Tribunal Rayuan hendaklah terdiri daripada—

Kuorum bagi
Tribunal
Rayuan.

(a) seorang Hakim; dan

(b) sekurang-kurangnya dua orang anggota lain, atau apa-apa bilangan anggota yang lebih banyak yang tidak melebihi empat, yang tiada seorang pun daripada mereka ialah Hakim,

bagi maksud fungsi Tribunal Rayuan di bawah Akta ini.

23. Keputusan Tribunal Rayuan, mengenai apa-apa perkara, hendaklah diputuskan dengan undi majoriti anggotanya.

Keputusan.

24. Menteri boleh menentukan, mengikut seksyen 10, dan membuat peraturan-peraturan berkenaan dengan tatacara perjalanan Tribunal Rayuan, termasuklah tetapi tidak terhad kepada—

Tatacara
Tribunal
Rayuan.

(a) pembiayaan Tribunal Rayuan;

(b) saraan anggota;

- (c) pelantikan anggota untuk membentuk kuorum Tribunal Rayuan;
- (d) pelantikan anggota pemangku;
- (e) penjalanan pendengaran;
- (f) apa-apa perkara lain yang bersampingan dengan pendengaran itu; dan
- (g) pengajian kakitangan, jika ada.

Penggantungan anggota. 25. Menteri boleh, mengikut budi bicaranya, menggantung keanggotaan mana-mana anggota Tribunal Rayuan atas alasan perangai buruk atau ketakupayaan.

Pendedahan kepentingan. 26. (1) Seseorang anggota Tribunal Rayuan hendaklah mendedahkan, secepat yang dapat dilaksanakan, kepada Pengerusi apa-apa kepentingan, sama ada penting atau tidak, yang mungkin bercanggah dengan tugas anggota itu sebagai anggota Tribunal, dalam sesuatu perkara tertentu.

(2) Jika Pengerusi berpendapat bahawa kepentingan anggota itu bercanggah dengan tugas anggota itu, Pengerusi hendaklah memaklumkan semua pihak, termasuklah perayu dan responden, kepada perkara itu tentang percanggahan itu.

(3) Jika tiada pihak kepada perkara itu membantah percanggahan itu, anggota itu boleh terus melaksanakan tugasnya sebagai anggota Tribunal berkenaan dengan perkara itu.

(4) Jika sesuatu pihak kepada perkara itu membantah percanggahan itu, anggota itu tidaklah boleh terus melaksanakan tugasnya sebagai anggota Tribunal berkenaan dengan perkara itu.

(5) Kegagalan oleh seseorang anggota untuk mendedahkan kepentingannya dalam perkara itu hendaklah menjadikannya tertakluk kepada langkah tata tertib yang berkaitan di bawah seksyen 20 atau 25.

BAHAGIAN IV

LESEN

Bab I

Lesen Individu

27. (1) Tertakluk kepada subseksyen (2), seseorang boleh memohon, secara bertulis, kepada Suruhanjaya bagi mendapatkan suatu lesen individu berkenaan dengan apa-apa perkara yang menghendaki suatu lesen individu di bawah Akta ini.

Permohonan bagi mendapatkan lesen individu.

(2) Bagi maksud subseksyen (1), Menteri boleh menyatakan dalam peraturan-peraturan yang dibuat di bawah seksyen 16 orang atau kelas orang yang tidak layak untuk memohon bagi mendapatkan suatu lesen individu.

(3) Sesuatu permohonan di bawah seksyen ini boleh ditarik balik pada bila-bila masa sebelum ia dipenuhi atau ditolak.

28. (1) Suruhanjaya boleh pada bila-bila masa selepas permohonan bagi mendapatkan suatu lesen individu dibuat, meminta pemohon supaya memberi Suruhanjaya, dalam tempoh yang dinyatakan dalam permintaan itu, maklumat lanjut mengenai permohonan itu.

Maklumat lanjut.

(2) Jika apa-apa maklumat atau dokumen tambahan yang dikehendaki di bawah subseksyen (1) tidak diberikan oleh pemohon itu dalam masa yang dinyatakan dalam permintaan itu atau apa-apa tempoh lanjutan yang dibenarkan oleh Suruhanjaya, permohonan itu hendaklah disifatkan telah ditarik balik dan tidaklah boleh diteruskan, tetapi tanpa menjejaskan hak pemohon untuk membuat *suatu* permohonan baru.

29. Suruhanjaya hendaklah, dalam masa enam puluh hari dari penerimaan sesuatu permohonan bagi mendapatkan suatu lesen individu di bawah Bahagian

Syor oleh Suruhanjaya.

ini atau apa-apa tempoh lain yang boleh dinyatakan oleh Menteri, memberikan syor bertulis kepada Menteri yang menyatakan—

- (a) sama ada lesen individu itu patut diberikan kepada pemohon;
- (b) apa-apa syarat khas atau tambahan yang kepadanya lesen individu itu patut tertakluk, jika Suruhanjaya mengesyorkan pemberian lesen individu itu; dan
- (c) sebab-sebab bagi syornya.

Pemberian
lesen
individu.

30. (1) Menteri hendaklah mengambil kira dengan sewajarnya syor Suruhanjaya yang diberikan di bawah seksyen 29 sebelum membuat keputusan.

(2) Menteri boleh, bertindak atas syor Suruhanjaya, melalui notis bertulis—

- (a) memberikan suatu lesen individu mengikut peruntukan Bahagian ini; dan
- (b) mengisytiharkan bahawa sesuatu lesen individu yang diberikan di bawah Bahagian ini adalah tertakluk kepada syarat-syarat khas atau tambahan.

(3) Jika Menteri memberikan suatu lesen individu di bawah subseksyen (2), Suruhanjaya hendaklah memaklumkan pemohon melalui notis bertulis—

- (a) bahawa lesen individu itu telah diberikan; dan
- (b) mengenai apa-apa syarat khas atau tambahan, yang telah diisytiharkan oleh Menteri di bawah seksyen 13.

(4) Walau apa pun subseksyen (2), syarat-syarat standard lesen yang berkaitan yang dinyatakan dalam Jadual hendaklah disifatkan telah dimasukkan dalam semua lesen individu.

(5) Lesen individu yang diberikan di bawah subseksyen (2) adalah tertakluk kepada apa-apa kelulusan lain pihak berkuasa yang berkaitan, termasuklah Pihak Berkuasa Negeri, bagi peletakan, pembinaan atau penyenggaraan mana-mana kemudahan rangkaian di atas, melalui, di bawah, atau merentangi mana-mana tanah.

(6) Jika Menteri enggan memberikan suatu lesen individu kepada seseorang pemohon, Menteri hendaklah memberi pemohon itu suatu notis bertulis yang memaklumpkannya—

(a) bahawa permohorian itu telah ditolak; dan

(b) sebab-sebab bagi penolakan itu.

(7) Bagi maksud seksyen ini, Menteri hendaklah memaklumkan pemohon itu melalui notis bertulis mengenai keputusannya, secepat yang dapat dilaksanakan, selepas membuat keputusan untuk meluluskan atau menolak permohonan itu.

(8) Jika Menteri tidak memberikan dan tidak pula enggan memberikan, suatu lesen individu dalam masa tiga puluh hari dari penerimaan syor Suruhanjaya, Menteri adalah disifatkan, pada akhir tempoh itu, telah enggan memberikan lesen individu itu melainkan jika pemohon menerima suatu notis bertulis yang meluluskan permohonan bagi suatu lesen individu selepas tempoh itu.

(9) Suatu fi kelulusan, yang hendaklah ditentukan oleh Menteri, hendaklah dibayar apabila permohonan itu diluluskan.

31. Menteri tidak boleh memberikan lesen individu kepada seseorang jika orang itu sedang mengendalikan urusan di bawah suatu lesen kelas yang sedia ada berkenaan dengan perkhidmatan atau aktiviti yang sama.

Sekatan ke atas pemberian lesen individu.

32. Seseorang pemegang lesen individu hendaklah mematuhi—

Pematuhan syarat-syarat lesen individu.

(a) syarat-syarat standard yang berkaitan bagi lesen individu itu sebagaimana yang dinyatakan dalam Jadual; dan

- (b) apa-apa syarat khas atau tambahan lesen individu itu sebagaimana yang diisytiharkan oleh Menteri dan dimasukkan dalam lesen individu itu.

Pengubah-
suaian,
perubahan
atau
pembatalan
syarat-syarat
lesen
individu.

33. (1) Menteri boleh, pada bila-bila masa, melalui perisytiharan mengikut seksyen 13—

- (a) mengubahsuaikan atau mengubah syarat-syarat khas atau tambahan sesuatu lesen individu yang sedia ada;
- (b) membatalkan syarat-syarat khas atau tambahan sesuatu lesen individu yang sedia ada; atau
- (c) mengenakan syarat-syarat tambahan lanjut kepada sesuatu lesen individu yang sedia ada.

(2) Tatacara yang dinyatakan dalam seksyen 13 hendaklah terpakai *mutatis mutandis* bagi pengubahsuaian, perubahan atau pembatalan sesuatu syarat lesen di bawah seksyen ini.

Pembaharuan
lesen
individu.

34. (1) Pemegang lesen boleh memohon bagi pembaharuan sesuatu lesen individu tidak lewat daripada enam puluh hari sebelum tarikh habis tempohnya.

(2) Fi pembaharuan, yang hendaklah ditentukan oleh Menteri, hendaklah dibayar apabila permohonan itu diluluskan.

(3) Permohonan bagi pembaharuan sesuatu lesen individu hendaklah dipenuhi oleh Menteri melainkan jika Menteri, atas syor Suruhanjaya, menentukan bahawa pemegang lesen itu—

- (a) telah tidak mematuhi terma dan syarat lesen individu itu;
- (b) telah tidak mematuhi mana-mana peruntukan Akta ini; atau
- (c) telah tidak mematuhi mana-mana surat cara yang dikeluarkan, dibuat atau diberikan oleh Menteri atau Suruhanjaya.

(4) Jika Menteri tidak berhasrat untuk membaharui lesen individu itu, Suruhanjaya hendaklah—

- (a) memaklumkan pemegang lesen itu melalui notis bertulis, secepat yang dapat dilaksanakan, mengenai keengganan Menteri untuk membaharui lesen individu itu; dan
- (b) memberitahukan dan menyiarkan, sekurang-kurangnya tiga puluh hari sebelum habis tempoh lesen individu itu, hasrat sedemikian dalam sekurang-kurangnya satu surat khabar harian nasional bahasa kebangsaan dan satu surat khabar harian nasional bahasa Inggeris selama sekurang-kurangnya tiga hari berturut-turut.

(5) Pemegang lesen yang terjejas hendaklah diberi peluang yang munasabah untuk membuat penghujahan bertulis kepada Menteri dalam suatu tempoh masa yang dinyatakan dalam notis itu dan tempoh raasa itu tidaklah boleh kurang daripada empat belas hari.

(6) Pemegang lesen yang terjejas itu boleh, dalam tempoh masa yang dinyatakan dalam notis itu, mengemukakan suatu penghujahan bertulis dan Menteri hendaklah mengambil kira penghujahan itu.

35. (1) Seseorang pemegang lesen boleh, melalui notis bertulis, menyerahkan lesen individunya kepada Menteri—

Penyerahan
lesen
Individu.

- (a) pada bila-bila masa; atau
- (b) mengikut kehendak yang dinyatakan dalam lesen individu itu.

(2) Penyerahan itu hendaklah mula berkuat kuasa pada tarikh Suruhanjaya menerima lesen individu itu dan notis di bawah subseksyen (1), atau jika suatu tarikh selepas itu dinyatakan dalam notis itu, pada tarikh itu.

(3) Penyerahan sesuatu lesen indiyidu tidak boleh dibatalkan melainkan jika dinyatakan bahawa penyerahan itu mula berkuat kuasa pada suatu tarikh selepasnya dan

sebelum tarikh itu Suruhanjaya, dengan notis secara bertulis kepada pemegang lesen itu, membenarkan penyerahan itu ditarik balik.

Pindah hakmilik lesen individu atau penukaran pemunyaan.

36. (1) Pemberian sesuatu lesen individu hendaklah bersifat peribadi untuk pemegang lesen dan lesen individu itu tidaklah boleh diserahkan, disublesenkan atau dipindahkan hakmiliknya kepada mana-mana pihak lain melainkan jika kelulusan bertulis Menteri telah diberikan terlebih dahulu.

(2) Menteri boleh meminta nasihat Suruhanjaya sebelum memberikan kelulusan di bawah subseksyen (1).

Syor bagi penggantungan atau pembatalan lesen individu.

37. Menteri boleh, atas syor Suruhanjaya, melalui perisytiharan mengikut seksyen 13, menggantung atau membatalkan sesuatu lesen individu yang diberikan di bawah Akta ini dalam mana-mana keadaan yang berikut:

- (a) pemegang lesen itu telah tidak membayar apa-apa amaun yang dikehendaki oleh Akta ini atau lesen individu itu;
- (b) pemegang lesen itu telah tidak mematuhi peruntukan Akta ini atau terma dan syarat lesen individu itu;
- (c) pemegang lesen itu melanggar peruntukan mana-mana undang-undang bertulis lain yang berkaitan dengan industri komunikasi dan multimedia;
- (d) pemegang lesen telah tidak mematuhi mana-mana surat cara yang dikeluarkan, dibuat atau diberikan oleh Menteri atau Suruhanjaya; atau
- (e) penggantungan atau pembatalan itu adalah demi kepentingan awam.

Penggantungan atau pembatalan lesen individu oleh Menteri.

38. (1) Menteri boleh, melalui perisytiharan mengikut seksyen 13, menggantung atau membatalkan sesuatu lesen individu yang diberikan di bawah Bahagian ini dalam salah satu keadaan yang dinyatakan dalam seksyen 37.

(2) Tatacara yang dinyatakan dalam seksyen 13 hendaklah terpakai *mutatis mutandis* bagi penggantungan atau pembatalan sesuatu lesen individu di bawah seksyen ini.

39. Penggantungan atau pembatalan sesuatu lesen individu hendaklah mula berkuat kuasa apabila habis tempoh empat belas hari dari tarikh notis penggantungan atau pembatalan itu diserahkan kepada pemegang lesen itu.

Tarikh kuat kuasa penggantungan atau pembatalan lesen individu.

40. (1) Jika penggantungan atau pembatalan sesuatu lesen individu telah berkuat kuasa, Suruhanjaya hendaklah, secepat yang dapat dilaksanakan, menyebabkan penggantungan atau pembatalan itu disiarkan dalam sekurang-kurangnya satu surat khabar harian nasional bahasa kebangsaan dan satu surat khabar harian nasional bahasa Inggeris selama sekurang-kurangnya tiga hari berturut-turut.

Penyiaran mengenai penggantungan atau pembatalan lesen individu.

(2) Apa-apa kelewatan atau kegagalan untuk menyiarkan notis penggantungan atau pembatalan itu tidaklah boleh dengan apa-apa cara menjejaskan kesahan penggantungan atau pembatalan itu.

41. (1) Jika penggantungan atau pembatalan sesuatu lesen individu di bawah seksyen 37, atau penyerahan sesuatu lesen individu di bawah seksyen 35, telah berkuat kuasa, atau jika lesen individu itu telah habis tempoh, pemegang lesen itu hendaklah dengan serta-merta berhenti memberikan apa-apa kemudahan atau perkhidmatan yang berkaitan dengannya lesen individu itu diberikan.

Kesan penggantungan, pembatalan, penyerahan atau habis tempoh lesen Individu.

(2) Walau apa pun subseksyen (1), Menteri boleh, atas syor Suruhanjaya, memberi kuasa kepada pemegang lesen itu secara bertulis untuk meneruskan pemberian mana-mana kemudahan atau perkhidmatan selama tempoh yang boleh dinyatakan oleh Menteri dalam pemberian kuasa itu bagi maksud penggulungan hal ehwal pemegang lesen itu.

(3) Walau apa pun subseksyen (1), pemegang lesen yang lesen individunya telah habis tempoh adalah berhak untuk terus memberikan sesuatu kemudahan atau perkhidmatan seolah-olah lesen individunya belum habis tempoh apabila bukti dikemukakan kepada Suruhanjaya bahawa pemegang lesen itu telah memohon pembaharuan lesen individu itu mengikut seksyen 34 dan permohonan itu sedang menanti penentuan oleh Menteri.

(4) Tertakluk kepada subseksyen (2) dan (3), seseorang yang melanggar subseksyen (1) melakukan suatu kesalahan dan apabila disabitkan boleh didenda tidak melebihi lima ratus ribu ringgit atau dipenjarakan selama tempoh tidak melebihi lima tahun atau kedua-duanya.

Daftar lesen Individu.

42. (1) Menteri hendaklah memberi Suruhanjaya satu salinan—

- (a) apa-apa lesen individu yang diberikan di bawah Bahagian ini;
- (b) apa-apa syarat khas atau tambahan yang dinyatakan dalam lesen individu itu;
- (c) apa-apa notis bertulis yang mengubah, membatalkan atau mengenakan apa-apa syarat khas atau tambahan yang dinyatakan dalam lesen individu itu;
- (d) apa-apa notis bertulis oleh pemegang lesen itu yang menyerahkan lesen individunya;
- (e) apa-apa notis bertulis oleh Menteri yang menggantung atau membatalkan lesen individu itu; dan
- (f) apa-apa notis bertulis yang meluluskan pemindahan hakmilik sesuatu lesen individu atau penukaran pemunyaan benefisial lesen individu itu.

(2) Suruhanjaya hendaklah menyenggarakan suatu daftar, yang hendaklah terbuka kepada orang ramai, mengenai semua lesen individu yang telah diberikan di bawah Bahagian ini.

(3) Suruhanjaya hendaklah menyenggarakan suatu daftar berasingan, yang hendaklah terbuka kepada orang ramai, mengenai semua perkara yang disenaraikan dalam perenggan (1)(b) hingga (f).

(4) Suruhanjaya hendaklah menyenggarakan daftar-daftar itu mengikut Bab 6 Bahagian V.

43. (1) Pemberian lesen individu tertentu boleh dijadikan tertakluk kepada pendaftaran aku janji oleh seseorang bakal pemegang lesen.

Hak dan kewajiban yang disertakan dengan lesen individu.

(2) Dalam memberikan lesen individu, Menteri boleh mengisytiharkan faedah tertentu hanya bagi pemegang lesen yang mempunyai aku janji berdaftar semasa di bawah seksyen ini.

(3) Menteri boleh membuat peraturan-peraturan mengenai jenis perkara yang boleh dimasukkan dalam sesuatu aku janji oleh seseorang bakal pemegang lesen dan faedah sepadan yang layak didapati oleh pemegang lesen itu berkenaan dengan perkara sedemikian.

(4) Peraturan-peraturan yang dibuat oleh Menteri di bawah seksyen 16 dan seksyen ini boleh mengadakan peruntukan supaya mana-mana atau semua faedah tertentu berkuat kuasa apabila seseorang pemegang lesen memenuhi mana-mana satu terma atau lebih dalam aku janjinya di bawah subseksyen (1), sebagaimana yang disifatkan patut oleh Menteri.

(5) Suatu fi lesen hendaklah dibayar oleh seseorang pemegang lesen kepada Suruhanjaya di bawah seksyen ini, tertakluk kepada terma yang diperuntukkan dalam peraturan-peraturan yang dibuat, dan sebagaimana yang dikehendaki dalam lesen individu yang diberikan itu, di bawah Bahagian ini.

Bab 2

Lesen Kelas

Menteri
boleh
memberikan
lesen kelas.

44. (1) Menteri boleh memberikan suatu lesen kelas berkenaan dengan apa-apa perkara yang menghendaki suatu lesen di bawah Akta ini.

(2) Boleh dimasukkan dalam sesuatu lesen kelas yang diberikan di bawah subseksyen (1) syarat-syarat standard yang berkaitan sebagaimana yang dinyatakan dalam Jadual dan/atau apa-apa syarat standard lain yang boleh diisytiharkan oleh Menteri dari semasa ke semasa.

(3) Menteri hendaklah memberikan satu salinan semua lesen kelas kepada Suruhanjaya secepat- yang dapat dilaksanakan dan Suruhanjaya hendaklah mendaftarkannya.

Permohonan
bagi
pendaftaran.

45. (1) Seseorang yang berhasrat untuk menjalankan urusan di bawah suatu lesen kelas hendaklah mendaftar dengan Suruhanjaya dengan mengemukakan suatu notis pendaftaran kepada Suruhanjaya.

(2) Suatu fi pendaftaran, yang hendaklah ditentukan oleh Menteri melalui pemberitahuan dalam *Warta*, hendaklah dibayar oleh orang itu kepada Suruhanjaya setelah pendaftaran orang itu.

Kehendak
bagi
pendaftaran.

46. Tertakluk kepada pengecualian yang diperuntukkan dalam Akta ini, tiada seorang pun boleh menjalankan urusan di bawah mana-mana lesen kelas melainkan jika orang itu didaftarkan sewajarnya oleh Suruhanjaya.

Syor oleh
Suruhanjaya.

47. Suruhanjaya boleh memberikan suatu syor bertulis kepada Menteri bahawa orang yang tertakluk kepada suatu lesen kelas di bawah Bahagian ini dibatalkan pendaftarannya dalam mana-mana keadaan yang berikut:

- (a) orang itu telah tidak membayar apa-apa amaun yang dikehendaki oleh Akta ini atau lesen itu;
- (b) orang itu telah tidak mematuhi peruntukan Akta ini atau terma dan syarat lesen itu;

- (c) orang itu telah melanggar peruntukan mana-mana undang-undang bertulis yang berkaitan dengan industri komunikasi dan multimedia;
- (d) orang itu telah tidak mematuhi mana-mana surat cara yang dikeluarkan, dibuat atau diberikan oleh Menteri atau Suruhanjaya; atau
- (e) pembatalan pendaftaran itu adalah demi kepentingan awam.

48. (1) Menteri boleh, melalui perisytiharan mengikut seksyen 13, membatalkan pendaftaran seseorang di bawah Bahagian ini mengikut syor Suruhanjaya yang dibuat di bawah seksyen 47.

Pembatalan pendaftaran oleh Menteri.

(2) Orang yang pendaftarannya telah dibatalkan hendaklah memberhentikan aktiviti yang baginya pendaftaran itu terpakai sehingga Suruhanjaya, dengan arahan nyata yang diberikan sebelum itu oleh Menteri, telah bersetuju untuk mendaitarkan semula orang itu.

49. Suruhanjaya hendaklah menyenggarakan suatu daftar berasingan, yang hendaklah terbuka kepada orang ramai, mengenai—

Daftar lesen kelas.

- (a) semua lesen kelas;
- (b) semua perisytiharan oleh Menteri yang mengubah atau membatalkan syarat-syarat, atau yang mengenakan syarat-syarat standard lain sebagaimana yang dinyatakan dalam lesen itu; dan
- (c) semua notis bertulis oleh Menteri yang membatalkan mana-mana pendaftaran.

50. Suruhanjaya hendaklah raenyenggarakan suatu daftar mengenai semua notis pendaftaran yang diluluskan dan didaftarkan di bawah Akta ini, mengikut Bab 6 Bahagian V.

Daftar notis pendaftaran.

BAHAGIAN V

KUASA DAN TATACARA SURUHANJAYA
KOMUNIKASI DAN MULTIMEDIA MALAYSIA

Bab 1

Arahan

Arahan oleh
Suruhanjaya.

51. (1) Suruhanjaya boleh, dari semasa ke semasa, mengeluarkan arahan secara bertulis kepada mana-mana orang berkenaan dengan pematuhan atau ketakpatuhan mana-mana syarat lesen, dan termasuklah tetapi tidak terhad kepada remedi sesuatu pelanggaran syarat lesen, dan peruntukan Akta ini atau perundangan subsidiarinya.

(2) Sebelum mengeluarkan sesuatu arahan di bawah subseksyen (1), Suruhanjaya hendaklah mengeluarkan suatu notis secara bertulis kepada orang itu dengan menyatakan jenis pematuhan yang dikehendaki.

(3) Orang itu hendaklah diberi peluang untuk didengar atau boleh mengemukakan suatu penghujahan bertulis dalam suatu tempoh masa yang munasabah yang dinyatakan dalam notis itu tentang sebab-sebab bagi tingkah laku atau aktivitinya.

(4) Selepas habis tempoh notis yang dinyatakan dalam subseksyen (3), Suruhanjaya hendaklah mengambil kira apa-apa sebab yang diberikan oleh orang itu sebelum membuat keputusan berkenaan dengan tingkah laku atau aktiviti orang itu yang berkaitan.

(5) Selepas menimbang dengan sewajarnya apa-apa sebab yang diberikan oleh orang itu, Suruhanjaya boleh mengeluarkan suatu arahan di bawah subseksyen (1) yang menghendaki orang itu mengambil tindakan tertentu yang bertujuan untuk memastikan bahawa orang itu tidak melanggar atau terus melanggar mana-mana syarat lesennya dan/atau mana-mana peruntukan Akta ini atau perundangan subsidiarinya.

(6) Suruhanjaya hendaklah memberi orang itu notis bertulis mengenai arahannya secepat yang dapat dilaksanakan.

(7) Orang itu hendaklah mematuhi arahan yang dikeluarkan oleh Suruhanjaya di bawah subseksyen (6).

(8) Sesuatu arahan yang dikeluarkan oleh Suruhanjaya di bawah Bab ini hendaklah didaftarkan secepat yang dapat dilaksanakan.

(9) Arahan itu hendaklah berkuat kuasa mulai tarikh pendaftaran atau suatu tarikh selepas itu yang boleh dinyatakan oleh Suruhanjaya.

(10) Arahan itu hendaklah habis tempoh pada tarikh yang boleh dinyatakan oleh Suruhanjaya dalam surat cara bertulis itu, atau jika tiada tarikh dinyatakan, arahan itu hendaklah berkuat kuasa sehingga dibatalkan.

52. (1) Suruhanjaya boleh mengubahsuaikan, mengubah atau membatalkan sesuatu arahan.

Pengubahsuaian, perubahan atau pembatalan arahan oleh Suruhanjaya.

(2) Tatacara yang dinyatakan dalam seksyen 51 hendaklah terpakai *mutatis mutandis* berkenaan dengan apa-apa pengubahsuaian, perubahan atau pembatalan sesuatu arahan.

53. Seseorang yang tidak mematuhi sesuatu arahan Suruhanjaya melakukan suatu kesalahan dan apabila disabitkan boleh didenda tidak melebihi tiga ratus ribu ringgit atau dipenjarakan selama tempoh tidak melebihi tiga tahun atau kedua-duanya.

Kesalahan kerana tidak mematuhi arahan Suruhanjaya.

54. Suruhanjaya hendaklah menyenggarakan suatu daftar semua arahan yang dikeluarkan oleh Suruhanjaya, termasuklah mana-mana surat cara bertulis yang mengubahsuai, mengubah atau membatalkan suatu arahan, mengikut Bab 6 Bahagian ini.

Daftar arahan.

Bab 2

Penentuan

Penentuan
oleh
Suruhanjaya.

55. (1) Suruhanjaya boleh, dari semasa ke semasa, menentukan apa-apa perkara yang dinyatakan dalam Akta ini sebagai tertakluk kepada penentuan Suruhanjaya.

(2) Suruhanjaya boleh menjalankan suatu siasatan untuk membuat keputusan sama ada sesuatu penentuan patut dibuat atau tidak, sama ada—

(a) sebagai gerak balas kepada suatu permintaan bertulis daripada seseorang; atau

(b) atas daya usahanya sendiri.

(3) Walau apa pun subseksyen (1), Suruhanjaya tidak boleh menjalankan suatu siasatan melainkan jika Suruhanjaya berpuas hati bahawa perkara itu penting sama ada kepada orang ramai atau kepada pemegang lesen semasa atau bakal pemegang lesen di bawah Akta ini.

(4) Sesuatu siasatan hendaklah dijalankan mengikut Bab 3 Bahagian ini, dan mengikut standard dan dengan cara yang selaras dengan peruntukan Akta ini dan perundangan subsidiarinya dan apa-apa surat cara yang dikeluarkan, dibuat atau diberikan di bawah Akta ini.

(5) Dalam tempoh empat puluh lima hari dari tamatnya siasatan itu, Suruhanjaya hendaklah menentukan perkara itu.

(6) Apa-apa penentuan oleh Suruhanjaya hendaklah selaras dengan matlamat, dan mana-mana kehendak yang diperuntukkan dalam, Akta ini yang berkaitan dengan perkara atau aktiviti yang tertentu itu.

(7) Sesuatu penentuan yang dibuat oleh Suruhanjaya di bawah Bab ini hendaklah didaftarkan secepat yang dapat dilaksanakan.

(8) Sesuatu penentuan hendaklah mula berkuat kuasa pada tarikh pendaftaran atau pada suatu tarikh selepas itu yang boleh dinyatakan oleh Suruhanjaya.

(9) Sesuatu penentuan hendaklah habis tempoh pada tarikh yang boleh dinyatakan oleh Suruhanjaya, atau jika tiada tarikh dinyatakan, penentuan itu hendaklah berkuat kuasa sehingga penentuan itu dibatalkan.

56. (1) Tertakluk kepada peruntukan Akta ini, Suruhanjaya boleh mengubahsuaikan, mengubah atau membatalkan sesuatu penentuan, sebagai gerak balas kepada suatu permintaan bertulis atau atas daya usahanya sendiri.

Pengubahsuaian, perubahan atau pembatalan penentuan oleh Suruhanjaya.

(2) Tatacara yang dinyatakan dalam seksyen 55 hendaklah terpakai *mutatis mutandis* berkenaan dengan apa-apa pengubahsuaian, perubahan atau pembatalan penentuan itu.

57. Suruhanjaya hendaklah menyenggarakan suatu daftar semua penentuan yang dibuat oleh Suruhanjaya, termasuk mana-mana surat cara bertulis yang mengubahsuaikan, mengubah atau membatalkan sesuatu penentuan, mengikut Bab 6 Bahagian ini.

Daftar penentuan.

Bab 3

Siasatan

58. (1) Suruhanjaya hendaklah, sebagai gerak balas kepada arahan Menteri, mengadakan suatu siasatan awam mengenai apa-apa perkara yang bersifat am yang berkaitan dengan pentadbiran Akta ini atau perundangan subsidiarinya yang akan memenuhi matlamat Akta ini.

Siasatan oleti Suruhanjaya.

(2) Suruhanjaya boleh mengadakan siasatan di bawah subseksyen (1)—

(a) sebagai gerak balas kepada suatu permintaan bertulis daripada seseorang; atau

(b) atas daya usahanya sendiri,

hanya jika Suruhanjaya berpuas hati bahawa perkara itu penting sama ada kepada orang ramai atau kepada pemegang lesen semasa atau bakal pemegang lesen di bawah Akta ini.

Menggabungkan dua siasatan atau lebih.

59. Suruhanjaya boleh menggabungkan dua siasatan atau lebih ke dalam suatu siasatan tunggal.

Penjalanan siasatan.

60. (1) Sesuatu siasatan di bawah Bahagian ini hendaklah dijalankan sebagaimana dan apabila difikirkan patut oleh Suruhanjaya.

(2) Suruhanjaya boleh, bagi tujuan suatu siasatan, menjalankan mana-mana atau semua kuasa penyiasatan dan pengumpulan maklumatnya di bawah Bab 4 dan 5 Bahagian ini.

Siasatan hendaklah secara terbuka.

61. (1) Tertakluk kepada seksyen 62, jika Suruhanjaya membuat keputusan untuk mengadakan suatu siasatan terbuka atau diarahkan supaya mengadakan suatu siasatan terbuka, Suruhanjaya hendaklah menyiarkan, dengan cara yang difikirkannya sesuai, notis mengenai—

- (a) hakikat bahawa Suruhanjaya mengadakan siasatan itu;
- (b) tempoh siasatan itu akan diadakan;
- (c) jenis perkara yang berkaitan dengan siasatan itu;
- (d) tempoh, sekurang-kurangnya erapat puluh lima hari, dan borang yang dengannya, orang awam dijemput untuk membuat penghujahan kepada Suruhanjaya mengenai perkara itu;
- (e) perkara yang Suruhanjaya mahu supaya pengemukaan dibuat mengenainya; dan
- (f) alamat atau alamat-alamat yang tempat pengemukaan itu boleh dihantar.

(2) Suruhanjaya tidak perlu menyiarkan notis pada masa yang sama atau dengan cara yang sama mengenai semua perkara yang disebut dalam subseksyen (1).

(3) Suruhanjaya hendaklah menimbangkan apa-apa penghujahan yang diterima dalam had tempoh sebagaimana yang dinyatakan dalam notis itu.

(4) Penghujahan yang dibuat oleh orang awam hendaklah dalam bentuk dan daripada jenis yang dinyatakan dalam notis itu.

62. Walau apa pun seksyen 61, siasatan atau sebahagian daripada siasatan boleh dijalankan secara tertutup jika Suruhanjaya berpuas hati bahawa—

Pengecualian terhadap siasatan terbuka.

- (a) dokumen atau maklumat yang mungkin diberikan, atau sesuatu perkara yang mungkin timbul semasa siasatan itu atau sebahagian daripada siasatan itu, bersifat sulit; atau
- (b) siasatan atau sebahagian daripada siasatan sesuatu perkara, atau sebahagian daripada sesuatu perkara, secara terbuka tidak berfaedah kepada pentadbiran wajar Akta ini.

63. (1) Jika sesuatu siasatan dijalankan secara terbuka dan Suruhanjaya berpendapat bahawa—

Bahan sulit tidak boleh didedahkan.

- (a) keterangan atau bahan lain yang dikemukakan kepada siasatan itu; atau
- (b) bahan dalam penghujahan bertulis yang diserahkan simpan dengan Suruhanjaya,

bersifat sulit, Suruhanjaya boleh mengarahkan supaya—

- (aa) keterangan atau bahan itu tidak disiarkan; atau
- (bb) pendedahannya dihadkan.

(2) Seseorang tidak boleh tanpa alasan yang munasabah tidak mematuhi sesuatu arahan di bawah subseksyen (1).

Arahan mengenai siasatan.

64. (1) Jika sesuatu siasatan atau sebahagian daripada sesuatu siasatan diadakan secara tertutup, Suruhanjaya—

- (a) hendaklah memberikan arahan tentang orang yang boleh menghadiri siasatan atau sebahagian daripada siasatan itu; dan
- (b) boleh memberikan arahan yang mengehendkan pendedahan keterangan atau bahan lain yang dikemukakan pada siasatan atau sebahagian daripada siasatan itu.

(2) Walau apa pun seksyen 53, seseorang yang tanpa alasan yang munasabah tidak mematuhi sesuatu arahan yang diberikan di bawah subseksyen (1) adalah melakukan suatu kesalahan dan apabila disabitkan boleh didenda tidak melebihi dua puluh ribu ringgit atau dipenjarakan selama tempoh tidak melebihi enam bulan atau kedua-duanya.

Laporan mengenai siasatan.

65. (1) Suruhanjaya hendaklah menyiarkan suatu laporan, yang menyatakan dapatannya hasil daripada apa-apa siasatan yang dijalankan olehnya.

(2) Suruhanjaya hendaklah menyiarkan laporan itu dalam masa tiga puluh hari dari tamatnya siasatan itu.

(3) Suruhanjaya tidak boleh memasukkan dalam laporan itu apa-apa bahan—

- (a) yang bersifat sulit;
- (b) yang pendedahannya mungkin menjejaskan perbicaraan adil seseorang;
- (c) yang mungkin melibatkan pendedahan yang tidak munasabah tentang maklumat peribadi mana-mana individu (termasuklah indiyidu yang telah mati); atau
- (d) yang menjadi perkara suatu arahan di bawah seksyen 63 atau 64.

66. Prosiding sivil tidaklah boleh diambil terhadap seseorang berkenaan dengan apa-apa kehilangan, kerosakan atau kecederaan daripada apa-apa jenis yang dialami oleh seorang yang lain disebabkan oleh mana-mana perbuatan yang berikut yang dilakukan dengan suci hati:

Pelindungan daripada tindakan sivil.

- (a) pembuatan suatu permintaan di bawah seksyen 58;
- (b) pembuatan pernyataan kepada, atau pemberian dokumen atau maklumat kepada, Suruhanjaya berhubung dengan suatu siasatan di bawah Bab ini.

67. Suruhanjaya hendaklah menyenggarakan suatu daftar semua laporan yang dibuat menurut suatu siasatan di bawah Bab ini, mengikut peruntukan dalam Bab 6 Bahagian ini.

Daftar laporan.

Bab 4

Penyiasatan Bagi Maksud Pentadbiran, Siasatan, Dll.

68. Walau apa pun peruntukan mana-mana undang-undang bertulis lain, Suruhanjaya hendaklah menyiasat apa-apa perkara yang berkaitan dengan pentadbiran Akta ini atau perundangan subsidiarinya jika—

Penyiasatan oleh Suruhanjaya.

- (a) Menteri mengarahkan Suruhanjaya supaya menjalankan suatu penyiasatan mengenai apa-apa kesalahan sivil atau jenayah di bawah Akta ini atau perundangan subsidiarinya yang mungkin telah atau akan dilakukan; atau
- (b) Suruhanjaya mempunyai alasan untuk mempercayai bahawa suatu kesalahan sivil atau jenayah di bawah Akta ini atau perundangan subsidiarinya telah, sedang atau akan dilakukan.

69. (1) Suruhanjaya boleh menjalankan penyiasatan mengenai sesuatu perkara yang disebut dalam seksyen 68 berdasarkan aduan bertulis oleh seseorang.

Aduan kepada Suruhanjaya.

(2) Aduan itu hendaklah menyatakan orang yang terhadapnya aduan itu dibuat ("responden").

(3) Jika tampak pada Suruhanjaya bahawa—

- (a) seseorang ingin membuat suatu aduan; dan
- (b) orang itu memerlukan bantuan untuk mengungkapkan aduan itu atau menuliskannya,

maka menjadi tugas Suruhanjaya untuk mengambil langkah yang munasabah untuk memberikan bantuan yang sesuai kepada orang itu.

(4) Jika suatu aduan telah dibuat kepada Suruhanjaya di bawah seksyen ini, Suruhanjaya boleh membuat siasatan terhadap responden bagi maksud membuat keputusan—

- (a) sama ada Suruhanjaya mempunyai kuasa untuk menyiasat perkara itu yang berkaitan dengan aduan itu; atau
- (b) sama ada Suruhanjaya patut, mengikut budi bicaranya, menyiasat perkara itu.

(5) Jika Suruhanjaya membuat keputusan untuk tidak menyiasat, atau untuk tidak menyiasat seterusnya, sesuatu perkara yang berkaitan dengan aduan itu, Suruhanjaya hendaklah secepat yang dapat dilaksanakan dan dengan apa-apa cara yang difikirkannya patut, memaklumkan pengadu dan responden mengenai keputusan itu dan sebab-sebab bagi keputusan itu,

Penjalanan
penyiasatan.

70. (1) Sebelum memulakan penyiasatan mengenai sesuatu perkara yang berkaitan dengan aduan itu, Suruhanjaya hendaklah memberitahu responden bahawa perkara itu akan disiasat.

(2) Suatu penyiasatan di bawah Bahagian ini hendaklah dijalankan sebagaimana yang difikirkan patut oleh Suruhanjaya.

(3) Suruhanjaya boleh, bagi maksud sesuatu penyiasatan, memperoleh maklumat daripada sesiapa yang difikirkannya patut.

(4) Tertakluk kepada subseksyen (5), seseorang pengadu atau seseorang responden tidak perlu diberi peluang untuk hadir di hadapan Suruhanjaya berkaitan dengan sesuatu penyiasatan.

(5) Suruhanjaya tidak boleh, hasil daripada penyiasatan itu, membuat suatu keputusan yang bertentangan dengan kepentingan seseorang pengadu atau seseorang responden melainkan jika Suruhanjaya telah memberi pengadu atau responden itu peluang untuk membuat penghujahan mengenai suatu perkara yang berkaitan dengan penyiasatan itu dalam suatu tempoh masa yang tidak kurang daripada tiga puluh hari.

(6) Suruhanjaya hendaklah menimbangkan penghujahan yang dibuat oleh pengadu atau responden di bawah subseksyen (5) sebelum membuat keputusannya.

71. (1) Selepas menamatkan sesuatu penyiasatan, Suruhanjaya boleh menyediakan dan memberi Menteri suatu laporan. Laporan mengenai penyiasatan.

(2) Laporan di bawah subseksyen (1) hendaklah meliputi—

- (a) perjalanan penyiasatan yang berkenaan;
- (b) apa-apa dapatan yang telah dibuat oleh Suruhanjaya hasil daripada penyiasatan itu;
- (c) keterangan dan bahan lain yang telah menjadi asas bagi keputusan itu; dan
- (d) apa-apa perkara lain yang berkaitan dengan, atau yang timbul daripada, penyiasatan itu yang difikirkan patut oleh Suruhanjaya atau yang diarahkan oleh Menteri.

72. Menteri boleh mengarahkan Suruhanjaya supaya menyiarkan suatu laporan mengenai sesuatu penyiasatan jika Menteri berpuas hati bahawa penyiaran itu adalah demi kepentingan negara. Penyiaran laporan.

Bab 5

Kuasa Untuk Mengumpul Maklumat

Pemberian
maklumat.

73, (1) Seksyen ini terpakai bagi mana-mana orang jika Suruhanjaya mempunyai sebab untuk mempercayai bahawa orang itu—

- (a) mempunyai apa-apa maklumat (termasuklah tetapi tidak terhad kepada akaun dan rekod) atau apa-apa dokumen yang berkaitan dengan pelaksanaan kuasa dan fungsi Suruhanjaya di bawah Akta ini atau perundangan subsidiarinya; atau
- (b) dapat memberikan apa-apa keterangan yang Suruhanjaya mempunyai sebab untuk percaya adalah berkaitan dengan pelaksanaan kuasa dan fungsi Suruhanjaya di bawah Akta ini atau perundangan subsidiarinya.

(2) Walau apa pun peruntukan mana-mana undang-undang bertulis lain, Suruhanjaya boleh, melalui notis bertulis, mengarahkan mana-mana orang—

- (a) supaya memberi Suruhanjaya, dalam tempoh dan dengan cara dan dalam bentuk yang dinyatakan dalam notis itu, mana-mana maklumat sedemikian;
- (b) supaya mengemukakan kepada Suruhanjaya, dalam tempoh dan dengan cara yang dinyatakan dalam notis itu, mana-mana dokumen sedemikian, sama ada dalam bentuk fizikal atau dalam media elektronik;
- (c) supaya membuat salinan mana-mana dokumen sedemikian dan mengemukakan salinan itu kepada Suruhanjaya dalam tempoh dan dengan cara yang dinyatakan dalam notis itu;
- (d) jika orang itu seorang individu, supaya hadir, pada pendengaran tertutup, di hadapan Suruhanjaya pada masa dan di tempat yang dinyatakan dalam notis itu untuk memberikan

apa-apa keterangan sedemikian, sama ada secara lisan atau bertulis, dan mengemukakan mana-mana dokumen sedemikian, sama ada dalam bentuk fizikal atau dalam media elektronik;

- (e) jika orang itu suatu pertubuhan perbadanan atau badan awam, supaya menyebabkan seorang pegawai berwibawa badan itu hadir, pada pendengaran tertutup, di hadapan Suruhanjaya pada masa dan di tempat yang dinyatakan dalam notis itu untuk memberikan apa-apa keterangan sedemikian, sama ada secara lisan atau bertulis, dan mengemukakan mana-mana dokumen sedemikian, sama ada dalam bentuk fizikal atau dalam media elektronik; atau
- (f) jika orang itu suatu perkongsian, supaya menyebabkan seorang individu yang menjadi pekongsi dalam perkongsian itu atau seorang pekerja perkongsian hadir, pada pendengaran tertutup, di hadapan Suruhanjaya pada masa dan di tempat yang dinyatakan dalam notis itu untuk memberikan apa-apa keterangan sedemikian, sama ada secara lisan atau bertulis, dan mengemukakan mana-mana dokumen, sama ada dalam bentuk fizikal atau dalam media elektronik.

(3) Suruhanjaya hendaklah memberi orang yang diarahkan di bawah subseksyen (2) tempoh masa yang munasabah untuk memberikan dan mengemukakan apa-apa maklumat dan/atau dokumen yang dinyatakan dalam notis itu.

(4) Mana-mana orang yang dikehendaki supaya memberikan maklumat di bawah subseksyen (2) hendaklah memastikan bahawa maklumat yang diberikan itu benar, tepat dan lengkap dan orang itu hendaklah memberikan suatu pernyataan yang bermaksud sedemikian, termasuklah suatu representasi bahawa dia tidak mengetahui apa-apa maklumat lain yang akan menjadikan maklumat yang diberikan itu tidak benar atau mengelirukan.

Kesalahan kerana tidak patuh.

74. Walau apa pun seksyen 53, seseorang yang tidak mematuhi sesuatu arahan Suruhanjaya di bawah Bab ini adalah melakukan suatu kesalahan dan apabila disabitkan boleh didenda tidak melebihi dua puluh ribu ringgit atau dipenjarakan selama tempoh tidak melebihi enam bulan atau kedua-duanya.

Kesalahan kerana memberikan maklumat, keterangan atau dokumen, dll. palsu atau mengelirukan.

75. Walau apa pun seksyen 53, seseorang yang tidak mendedahkan atau tidak memberikan apa-apa maklumat atau keterangan atau dokumen yang berkaitan, atau memberikan maklumat atau keterangan atau dokumen yang dia tahu atau mempunyai sebab untuk percaya adalah palsu atau mengelirukan, sebagai gerak balas kepada suatu arahan yang dikeluarkan oleh Suruhanjaya adalah melakukan suatu kesalahan dan apabila disabitkan boleh didenda tidak melebihi dua puluh ribu ringgit.

Bukti pematuhan.

76. (1) Seseorang hendaklah, jika pada bila-bila masa dipanggil secara bertulis oleh Suruhanjaya supaya berbuat demikian, mengemukakan kepada Suruhanjaya segala bukti dan memberikan segala maklumat yang dipunya oleh orang itu berkenaan dengan pematuhannya dengan mana-mana peruntukan Akta ini atau perundangan subsidiarinya, sebagaimana yang dikehendaki oleh Suruhanjaya secara am, atau berhubung dengan mana-mana hal tertentu.

(2) Peruntukan subseksyen (1) tidaklah menjejaskan mana-mana kuasa lain yang diberikan kepada Suruhanjaya di bawah Akta ini.

Suruhanjaya boleh menyimpan dokumen.

77. (1) Suruhanjaya boleh mengambil, dan menyimpan selama tempoh yang perlu, milikan sesuatu dokumen yang dikemukakan di bawah Bab ini.

(2) Orang yang jika tidak kerana itu adalah berhak kepada milikan dokumen itu berhak dibekali, secepat yang dapat dilaksanakan, suatu salinan yang diperakui oleh Suruhanjaya sebagai salinan yang benar.

(3) Walau apa pun peruntukan mana-mana undang-undang bertulis lain, salinan yang diperakui itu hendaklah diterima sebagai keterangan oleh semua mahkamah dan tribunal seolah-olah salinan itu merupakan yang asal.

(4) Sehingga suatu salinan yang diperakui dibekalkan, Suruhanjaya hendaklah, pada masa dan di tempat sebagaimana yang difikirkan sesuai oleh Suruhanjaya, membenarkan orang yang jika tidak kerana itu adalah berhak kepada milikan dokumen itu, atau seorang yang diberi kuasa oleh orang itu, untuk memeriksa dan membuat salinan, atau mengambil cabutan daripada, dokumen itu.

78. Seseorang tidak boleh, dalam mematuhi kehendak yang dikenakan oleh kaedah-kaedah penyimpanan rekod yang dibuat di bawah seksyen 268, membuat suatu rekod mengenai apa-apa perkara atau benda sebegitu cara sehingga perkara atau benda itu tidak direkodkan dengan betul.

Rekod tidak betul.

79. (1) Suruhanjaya hendaklah menyenggarakan rekod semua maklumat, keterangan atau dokumen yang diterima menurut arahan yang diberikan di bawah subseksyen 73(2).

Rekod maklumat.

(2) Rekod itu hendaklah terbuka kepada orang ramai.

80. (1) Suruhanjaya boleh menyiarkan maklumat yang diterima dalam menjalankan kuasa dan fungsinya di bawah Bab ini jika Suruhanjaya berpuas hati bahawa penyiaran itu selaras dengan matlamat Akta ini.

Penyiaran maklumat.

(2) Suruhanjaya hendaklah menimbangkan kepentingan komersial pihak yang berkaitan dengan maklumat itu sebelum menyiarkan maklumat itu.

Bab 6

Daftar

81. (1) Suruhanjaya hendaklah menyenggarakan suatu daftar, dalam bentuk fizikal dan elektronik kedua-duanya, semua perkara yang dikehendaki supaya didaftarkan di bawah Akta ini dan perundangan subsidiarinya.

Daftar semua perkara.

(2) Seseorang boleh, apabila dibayar caj (jika ada) yang ditentukan oleh Suruhanjaya—

(a) memeriksa daftar itu; dan

(b) membuat salinan, atau mengambil cabutan daripada, daftar itu.

(3) Jika seseorang meminta supaya suatu salinan diberikan dalam bentuk elektronik, Suruhanjaya boleh memberikan maklumat yang berkaitan itu—

- (a) dengan menggunakan peranti pemproses data; atau
- (b) melalui penghantaran elektronik.

Bab 7

Pemberitahuan Dan Penyelesaian Pertikaian

Pertikaian.

82. (1) Sesuatu pertikaian antara dua orang atau lebih ("pihak-pihak") berkenaan dengari apa-apa perkara di bawah Akta ini atau perundangan subsidiarinya hendaklah mula-mula cuba diselesaikan melalui perundingan antara pihak-pihak itu.

(2) Jika salah seorang daripada pihak-pihak kepada pertikaian itu telah memberikan suatu aku janji yang berkaitan dengan hal perkara pertikaian itu dan aku janji itu telah didaftarkan oleh Suruhanjaya mengikut Bab 11 Bahagian ini, pihak-pihak itu boleh menerima pakai syarat aku janji itu bagi maksud penyelesaian pertikaian itu.

(3) Jika pihak-pihak kepada pertikaian itu tidak dapat atau selainnya gagal untuk mencapai suatu persetujuan, dan tiada aku janji yang berkaitan telah didaftarkan, atau jika salah seorang daripada pihak-pihak kepada pertikaian itu tidak mahu menerima pakai syarat-syarat aku janji itu, pihak-pihak itu boleh meminta pertikaian itu diselesaikan oleh Suruhanjaya, jika Akta ini atau perundangan subsidiarinya dengan jelas mengadakan peruntukan bagi penyelesaian sedemikian.

Pemberitahuan mengenai pertikaian.

83. Sesuatu pihak kepada suatu pertikaian boleh, secara bertulis, memberitahu Suruhanjaya mengenai pertikaian itu.

Suruhanjaya hendaklah bertindak hanya apabila diberitahu.

84. Tertakluk kepada seksyen 83, Suruhanjaya hanya boleh menyelesaikan sesuatu pertikaian di bawah Bab ini jika Suruhanjaya diberitahu secara bertulis mengenai pertikaian itu.

85. Suruhanjaya boleh menyiarkan garis panduan yang menyatakan prinsip dan tatacara yang boleh diambil kira olehnya dalam menyelesaikan pertikaian atau sesuatu kelas pertikaian di bawah Bab ini.

Suruhanjaya boleh menyiarkan garis panduan.

86. (1) Setelah menerima pemberitahuan mengenai pertikaian yang dirujuk dalam seksyen 83, Suruhanjaya hendaklah, secepat yang dapat dilaksanakan bermesyuarat untuk membuat keputusan tentang pertikaian itu.

Suruhanjaya hendaklah membuat keputusan tentang pertikaian yang telah diberitahukan.

(2) Suruhanjaya hendaklah terikat di bawah subseksyen (1) untuk bermesyuarat bagi membuat keputusan tentang sesuatu pertikaian jika Suruhanjaya berpuas hati bahawa—

- (a) suatu persetujuan tidak akan dicapai, atau tidak akan dicapai dalam tempoh masa yang munasabah;
- (b) pemberitahuan mengenai pertikaian itu tidak ringan, remeh atau menyusahkan; dan
- (c) penyelesaian pertikaian itu akan menggalakkan pencapaian matlamat Akta ini.

(3) Tertakluk kepada matlamat Akta ini dan apa-apa garis panduan yang dikeluarkan oleh Suruhanjaya di bawah Bab ini, Suruhanjaya boleh menyelesaikan pertikaian itu dengan terma dan syarat sebagaimana yang disifatkannya patut.

87. (1) Terma dan syarat apa-apa penyelesaian pertikaian oleh Suruhanjaya di bawah Bab ini hendaklah disertakan dengan sebab dan hendaklah secara bertulis.

Keputusan hendaklah secara bertulis.

(2) Suruhanjaya hendaklah memberi pihak-pihak kepada pertikaian itu suatu salinan keputusannya secepat yang dapat dilaksanakan.

(3) Keputusan Suruhanjaya hendaklah mengikat pihak-pihak itu.

88. (1) Suruhanjaya hendaklah mendaftarkan semua keputusan yang dibuatnya di bawah Bab ini, mengikut Bab 6 Bahagian ini.

Daftar keputusan.

- (2) Daftar hendaklah mengandungi—
- (a) nama pihak-pihak kepada pertikaian itu;
 - (b) suatu perihalan am mengenai perkara yang berkaitan dengan keputusan itu; dan
 - (c) tarikh keputusan itu,

tetapi tidak terma dan syarat keputusan itu.

Penguatkuasaan.

89. (1) Suruhanjaya boleh mengarahkan suatu pihak kepada sesuatu pertikaian supaya mematuhi keputusan Suruhanjaya dalam pertikaian itu.

(2) Sesuatu keputusan yang dibuat oleh Suruhanjaya di bawah Bab ini boleh dikuatkuasakan oleh Mahkamah Tinggi seolah-olah keputusan itu merupakan suatu penghakiman Mahkamah itu dengan syarat suatu perakuan telah dikeluarkan oleh Suruhanjaya kepada pengadu bagi memberinya kebenaran untuk meneruskan tindakan di Mahkamah bagi penguatkuasaan keputusan itu kecuali dalam hal suatu injunksi.

(3) Tiada perakuan dikehendaki jika suatu tindakan diambil oleh Suruhanjaya di bawah seksyen ini.

Bab 8

Penda/taran Perjanjian

Permohonan bagi pendaftaran perjanjian.

90. Pihak-pihak kepada suatu perjanjian bertulis hendaklah memohon kepada Suruhanjaya bagi pendaftaran perjanjian itu, jika Akta ini menghendaki pendaftaran itu.

Bila Suruhanjaya hendaklah mendaftarkan perjanjian itu.

91. Suruhanjaya hendaklah mendaftarkan perjanjian bertulis itu jika Suruhanjaya berpuas hati bahawa perjanjian itu selaras dengan—

- (a) matlamat Akta ini;
- (b) mana-mana surat cara yang berkaitan di bawah Akta ini; dan

- (c) mana-mana peruntukan yang berkaitan dalam Akta ini atau perundangan subsidiarinya.

92. (1) Sesuatu perjanjian, yang dikehendaki supaya didaftarkan di bawah Akta ini, hendaklah hanya sah dan boleh dikuatkuasakan setelah didaftarkan. Kesan pendaftaran.

(2) Suruhanjaya boleh mengarahkan mana-mana pihak kepada suatu perjanjian berdaftar supaya mematuhi perjanjian berdaftar itu.

(3) Sesuatu arahan yang dibuat oleh Suruhanjaya berkenaan dengan suatu perjanjian berdaftar boleh dikuatkuasakan oleh Mahkamah Tinggi seolah-olah arahan itu merupakan suatu penghakiman Mahkamah itu dengan syarat suatu perakuan telah dikeluarkan oleh Suruhanjaya kepada pengadu bagi memberinya kebenaran untuk meneruskan tindakan di Mahkamah bagi penguatkuasaan arahan itu kecuali dalam hal suatu injunksi.

(4) Tiada perakuan dikehendaki jika suatu tindakan diambil oleh Suruhanjaya di bawah seksyen ini.

93. (1) Suruhanjaya hendaklah menyenggarakan suatu daftar semua perjanjian yang dikehendaki supaya didaftarkan di bawah Akta ini, mengikut Bab 6 Bahagian ini. Kandungan daftar perjanjian.

(2) Daftar itu hendaklah mengandungi—

(a) nama pihak-pihak kepada perjanjian itu;

(b) suatu perihalan am mengenai perkara yang berkaitan dengan perjanjian itu; dan

(c) tarikh perjanjian itu,

tetapi tidak terma dan syarat perjanjian itu.

(3) Walau apa pun subseksyen (1) dan (2), satu salinan perjanjian itu hendaklah didepositkan dengan Suruhanjaya.

*Kod Industri Sukarela*Forum
industri.

94. (1) Suruhanjaya boleh menetapkan suatu badan industri menjadi suatu forum industri bagi maksud Akta ini dengan memberitahu badan itu secara bertulis, jika Suruhanjaya berpuas hati bahawa—

- (a) keanggotaan badan itu terbuka kepada semua pihak yang berkaitan;
- (b) badan itu mampu menunjukkan prestasi sebagaimana yang dikehendaki di bawah peruntukan yang berkaitan dalam Akta ini; dan
- (c) badan itu mempunyai perlembagaan bertulis.

(2) Badan itu hendaklah bersetuju secara bertulis untuk menjadi suatu forum industri sebelum penetapan itu boleh didaftarkan.

(3) Suruhanjaya boleh membuat keputusan bahawa suatu badan industri yang sedia ada yang telah ditetapkan sebelum itu, di bawah subseksyen (1) menjadi suatu forum industri bukan lagi suatu forum industri bagi maksud Akta ini, jika Suruhanjaya berpuas hati bahawa badan itu tidak lagi memenuhi kehendak yang dinyatakan dalam subseksyen (1).

(4) Sesuatu penetapan atau penarikan balik penetapan di bawah seksyen ini hendaklah berkuat kuasa mulai tarikh pendaftaran, atau pada suatu tarikh selepas itu yang dinyatakan.

Kod oleh
forum
industri.

95. (1) Sesuatu forum industri boleh menyediakan kod industri sukarela berkenaan dengan apa-apa perkara yang diperuntukkan dalam Akta ini—

- (a) atas daya usahanya sendiri; atau
- (b) atas permintaan Suruhanjaya.

(2) Kod industri sukarela tidak boleh berkuat kuasa sehingga kod itu didaftarkan oleh Suruhanjaya.

(3) Suruhanjaya boleh enggan mendaftarkan kod industri sukarela itu, di bawah subseksyen (1), jika Suruhanjaya tidak berpuas hati bahawa peluang mencukupi bagi perundingan awam telah dilakukan dalam pembangunan kod industri sukarela itu oleh forum industri itu.

(4) Suruhanjaya hendaklah mendaftarkan suatu kod industri sukarela jika kod itu selaras dengan—

- (a) matlamat Akta ini;
- (b) mana-mana surat cara yang berkaitan di bawah Akta ini; dan
- (c) mana-mana peruntukan Akta ini yang berkaitan dengan perkara atau aktiviti yang tertentu itu,

(5) Suruhanjaya hendaklah sama ada mendaftarkan atau enggan mendaftarkan suatu kod industri sukarela.

(6) Jika Suruhanjaya enggan mendaftarkan suatu kod industri sukarela, maka Suruhanjaya hendaklah memberitahu forum industri yang berkaitan mengenai keputusannya secara bertulis dan memberikan sebab baginya.

(7) Jika Suruhanjaya tidak mendaftarkan dan tidak pula enggan mendaftarkan suatu kod industri sukarela dalam tempoh tiga puluh hari dari tarikh kod industri sukarela itu dikemukakan bagi pendattaran, Suruhanjaya disifatkan telah menolak pendaftaran kod industri sukarela itu melainkan jika forum industri itu menerima notis bertulis mengenai pendaftaran kod industri sukarela itu selepas tempoh itu.

96. (1) Suruhanjaya boleh menentukan suatu kod industri sukarela, mengikut seksyen 55, jika—

- (a) suatu kod industri sukarela tidak dibangunkan di bawah seksyen yang berkenaan dalam Akta ini; dan
- (b) Suruhanjaya berpuas hati bahawa suatu kod industri sukarela tidak mungkin dibangunkan oleh forum industri yang berkaitan dalam suatu tempoh masa yang munasabah.

Suruhanjaya boleh menentukan kod industri sukarela.

(2) Kod industri sukarela yang dirumuskan oleh Suruhanjaya di bawah subseksyen (1) hendaklah didaftarkan.

(3) Kod industri sukarela hendaklah hanya berkuat kuasa setelah didaftarkan.

Kod industri
sukarela yang
terpakai.

97. (1) Suruhanjaya hendaklah memastikan bahawa hanya terdapat satu kod industri sukarela yang berkuat kuasa yang terpakai bagi suatu perkara tertentu bagi orang atau kelas orang tertentu pada suatu masa tertentu.

(2) Jika terdapat apa-apa ketidakpastian atau ketaksaan, seseorang boleh memohon kepada Suruhanjaya supaya diberi pendapat Suruhanjaya, tentang kod industri sukarela yang manakah yang menjadi kod yang terpakai berhubung dengan hal keadaan pemohon itu.

(3) Suruhanjaya hendaklah memberikan pendapatnya dalam tempoh tiga puluh hari dari tarikh penerimaan permohonan itu.

(4) Suruhanjaya hendaklah mengambil kira apa-apa garis panduan Menteri dan apa-apa pendapat terdahulu yang berkaitan.

(5) Pendapat itu hendaklah mengikat Suruhanjaya dan pemohon itu selama tempoh tiga tahun dari tarikh pendapat itu diberikan di bawah subseksyen (3).

(6) Suruhanjaya hendaklah menyenggarakan suatu daftar pendapat yang diberikan di bawah seksyen ini, mengikut Bab 6 Bahagian ini.

(7) Walau apa pun subseksyen (5), Suruhanjaya boleh menarik balik suatu pendapat di bawah seksyen ini jika Suruhanjaya berpuas hati bahawa jenis aktiviti yang dijalankan oleh pemohon telah berubah secara matan.

98. (1) Tertakluk kepada seksyen 99, pematuhan suatu kod industri sukarela berdaftar tidaklah mandatori.

Pematuhan kod industri sukarela berdaftar suatu pembelaan yang sah.

(2) Pematuhan suatu kod industri sukarela berdaftar hendaklah menjadi suatu pembelaan terhadap apa-apa pendakwaan, tindakan atau prosiding daripada apa-apa jenis, sama ada dalam mahkamah atau selainnya, yang diambil terhadap seseorang (yang tertakluk kepada kod industri sukarela itu) berkenaan dengan suatu perkara yang diperkatakan dalam kod itu.

99. Suruhanjaya boleh mengarahkan seseorang atau sesuatu kelas orang, mengikut seksyen 51, supaya mematuhi suatu kod industri sukarela berdaftar.

Arahan supaya kod industri sukarela berdaftar dipatuhi.

100. (1) Walau apa pun seksyen 53, seseorang yang tidak mematuhi sesuatu arahan Suruhanjaya supaya orang itu mematuhi mana-mana peruntukan suatu kod industri sukarela boleh kena membayar kepada Suruhanjaya suatu denda tidak melebihi dua ratus ribu ringgit.

Penalti sivil bagi ketakpatuhan.

(2) Walau apa pun peruntukan mana-mana undang-undang bertulis lain, denda yang kena dibayar di bawah seksyen ini boleh didapatkan, tanpa menjejaskan apa-apa remedi atau sanksi lain, sebagai suatu hutang sivil.

101. Suruhanjaya boleh menentukan pembatalan sesuatu kod industri sukarela, mengikut seksyen 55, jika Suruhanjaya berpuas hati bahawa kod industri sukarela itu tidak lagi selaras dengan semua perkara yang disenaraikan dalam perenggan 95(4)(a), (b) dan (c).

Pembatalan kod.

102. (1) Sesuatu forum industri boleh mengemukakan suatu kod industri sukarela baru untuk menggantikan suatu kod industri sukarela yang sedia ada bagi industri itu.

Pengemukakan kod industri sukarela baru oleh forum industri.

(2) Pengemukakan kod baru itu hendaklah tertakluk kepada peruntukan Bab ini.

(3) Jika sesuatu forum industri mengemukakan suatu kod industri sukarela baru kepada Suruhanjaya yang

memperkatakan perkara yang sama sebagaimana suatu kod berdaftar yang sedia ada, kod berdaftar yang sedia ada itu dianggap tidak sah setakat apa-apa percanggahan dengan kod baru itu pada masa kod baru itu didaftarkan di bawah seksyen 95.

Daftar kod industri sukarela semasa.

103. Suruhanjaya hendaklah menyenggarakan suatu daftar semua kod industri sukarela semasa, mengikut Bab 6 Bahagian ini.

Bab 10

Standard Mandatori

Penentuan standard mandatori.

104. Suruhanjaya boleh menentukan suatu standard mandatori bagi apa-apa perkara yang mungkin menjadi hal perkara suatu kod industri sukarela jika Suruhanjaya berpuas hati bahawa kod industri sukarela itu telah gagal, dan akan terus gagal, untuk menggalakkan urusan industri yang selaras dengan—

- (a) matlamat Akta ini;
- (b) mana-mana surat cara yang berkaitan di bawah Akta ini; atau
- (c) mana-mana peruntukan yang berkaitan dalam Akta ini atau perundangan subsidiarinya.

(2) Suruhanjaya hendaklah menentukan suatu standard mandatori jika Suruhanjaya tertakluk kepada suatu arahan daripada Menteri supaya menentukan suatu standard mandatori sebagai ganti untuk suatu kod industri sukarela.

(3) Sesuatu arahan Menteri, untuk menentukan suatu standard mandatori, mungkin termasuk sebutan tentang—

- (a) perkara yang hendaklah diperkatakan dalam standard mandatori itu; dan
- (b) cara perkara tersebut hendaklah dikendalikan.

(4) Penentuan Suruhanjaya di bawah seksyen ini hendaklah mengikut seksyen 55.

105. (1) Sesuatu standard mandatori yang ditentukan oleh Suruhanjaya di bawah Bab ini hendaklah selaras dengan—

Standard mandatori hendaklah selaras.

- (a) matlamat Akta ini;
- (b) mana-mana surat cara yang berkaitan di bawah Akta ini; atau
- (c) mana-mana peruntukan yang berkaitan dalam Akta ini atau perundangan subsidiarinya.

(2) Suatu standard mandatori yang ditentukan oleh Suruhanjaya di bawah subseksyen (1) hendaklah menyatakan kelas pemegang lesen yang tertakluk kepada standard mandatori itu.

(3) Seseorang yang tertakluk kepada suatu standard mandatori hendaklah mematuhi standard mandatori itu.

106. (1) Suruhanjaya boleh menentukan pengubahsuaian, perubahan atau pembatalan suatu standard mandatori mengikut seksyen 55, jika Suruhanjaya berpuas hati bahawa standard mandatori itu tidak lagi selaras dengan semua perkara yang disenaraikan dalam perenggan 105(1)(a), (b) dan (c).

Pengubahsuaian, perubahan atau pembatalan standard mandatori.

(2) Apa-apa pengubahsuaian atau perubahan suatu standard mandatori di bawah subseksyen (1) hendaklah disifatkan sebagai suatu standard baru bagi maksud Bab ini dan hendaklah tertakluk kepada peruntukan Bab ini.

(3) Jika suatu standard mandatori baru memperkatakan standard yang sama sebagaimana suatu standard mandatori yang sedia ada, maka standard yang sedia ada itu dianggap sebagai tidak sah setakat apa-apa percanggahan dengan standard mandatori baru itu.

107. Suatu kod industri sukarela, atau suatu aku janji yang disebut dalam Bab 11 Bahagian ini, tidaklah sah setakat apa-apa percanggahan dengan suatu standard mandatori.

Standard mandatori hendaklah diberi keutamaan.

Pematuhan standard mandatori suatu pembelaan yang sah.

108. Pematuhan suatu standard mandatori hendaklah menjadi suatu pembelaan terhadap mana-mana pendakwaan, tindakan atau prosiding daripada apa-apa jenis, sama ada dalam mahkamah atau selainnya, yang diambil terhadap seseorang (yang tertakluk kepada standard mandatori itu) berkenaan dengan suatu perkara yang diperkatakan dalam standard mandatori itu.

Penalti sivil bagi ketakpatuhan.

109. (1) Walau apa pun seksyen 53, seseorang yang tidak mematuhi sesuatu arahan Suruhanjaya supaya orang itu mematuhi mana-mana peruntukan suatu standard mandatori boleh kena membayar kepada Suruhanjaya suatu denda tidak melebihi dua ratus ribu ringgit.

(2) Walau apa pun peruntukan mana-mana undang-undang bertulis lain, denda yang kena dibayar di bawah seksyen ini boleh didapatkan, tanpa menjejaskan apa-apa remedi atau sanksi lain, sebagai suatu hutang sivil.

Bab 11

Aku Janji

Aku janji oleh seseorang.

110. (1) Seseorang boleh memberikan suatu aku janji kepada Suruhanjaya berkenaan dengan apa-apa perkara yang mungkin menjadi hal perkara suatu kod industri sukarela di bawah Akta ini atau yang baginya Akta membuat peruntukan nyata.

(2) Suatu aku janji yang diberikan oleh seseorang di bawah subseksyen (1) boleh—

- (a) menyatakan terma dan syarat bagi aku janji itu; atau
- (b) menerima pakai terma dan syarat contoh daripada suatu kod industri sukarela berdaftar,

dan aku janji itu boleh termasuk tarikh kuat kuasa aku janji itu dan/atau tarikh habis tempohnya.

Pendaftaran aku janji.

111. (1) Suatu aku janji yang diberikan di bawah Bab ini hendaklah hanya sah dan boleh dikuatkuasakan setelah didaftarkan.

(2) Seseorang boleh mengemukakan suatu permohonan bertulis kepada Suruhanjaya untuk mendapatkan pendaftaran sesuatu aku janji oleh Suruhanjaya.

(3) Suruhanjaya hendaklah mendaftarkan sesuatu aku janji jika Suruhanjaya berpuas hati bahawa aku janji itu—

- (a) selaras dengan matlamat Akta ini;
- (b) selaras dengan mana-mana surat cara yang dibuat di bawah Akta ini;
- (c) selaras dengan mana-mana peruntukan yang berkaitan dalam Akta ini; dan
- (d) akan habis tempoh dalam masa tiga tahun dari tarikh permohonan untuk mendaftarkan aku janji itu.

(4) Walau apa pun subseksyen (3), Suruhanjaya hendaklah mendaftarkan sesuatu aku janji jika aku janji itu—

- (a) semata-mata menerima pakai terma dan syarat contoh daripada suatu kod industri sukarela berdaftar; dan
- (b) akan habis tempoh dalam tempoh tiga tahun dari tarikh permohonan untuk mendaftarkan aku janji itu.

(5) Suruhanjaya hendaklah sama ada mendaftarkan atau enggan mendaftarkan mana-mana aku janji lain dan hendaklah memberitahu orang yang memberikan aku janji itu mengenai keputusannya secara bertulis dalam tempoh tiga puluh hari dari tarikh penerimaan aku janji itu.

(6) Suruhanjaya hendaklah memberikan sebab kerana enggan mendaftarkan sesuatu aku janji.

(7) Jika Suruhanjaya tidak mendaftarkan dan tidak pula enggan untuk mendaftarkan suatu aku janji dalam tempoh tiga puluh hari dari tarikh penerimaan permohonan itu, Suruhanjaya disifatkan telah enggan mendaftarkan aku janji itu melainkan jika orang yang memberikan aku janji itu diberitahu mengenai pendaftaran itu selepas tempoh itu.

(8) Suatu aku janji yang diberikan di bawah Bab ini hendaklah hanya berkuat kuasa pada tarikh pendaftaran atau pada suatu tarikh selepas itu yang boleh dinyatakan dalam aku janji itu.

Kaedah-kaedah berkenaan dengan aku janji.

112. (1) Menteri boleh membuat kaedah-kaedah, yang hendaklah disiarkan dalam *Warta*, berkenaan dengan aku janji dan kaedah-kaedah itu hendaklah mengikat pihak yang membuat aku janji itu dan semua orang lain yang bergantung pada aku janji itu seolah-olah aku janji itu ditandatangani oleh setiap orang masing-masing dan mengandungi perjanjian pada pihak setiap orang bagi dirinya sendiri dan bagi penggantinya untuk mematuhi semua peruntukan kaedah-kaedah itu.

(2) Suruhanjaya boleh mengarahkan seseorang yang disebut dalam subseksyen (1) supaya mematuhi kaedah-kaedah yang dibuat di bawah subseksyen (1) dan mana-mana aku janji berdaftar yang dikeluarkan di bawah Bab ini.

Penarikan balik aku janji.

113. Seseorang yang memberikan suatu aku janji boleh menarik balik aku janji itu pada bila-bila masa dengan memberitahu Suruhanjaya secara bertulis.

Penggantian aku janji.

114. Jika seseorang mengemukakan kepada Suruhanjaya suatu aku janji baru yang memperkatakan perkara yang sama sebagaimana suatu aku janji berdaftar yang sedia ada yang diberikan oleh orang itu, aku janji berdaftar yang sedia ada itu dianggap tidak sah setakat apa-apa percanggahan dengan aku janji baru itu pada masa akujanji baru itu didaftarkan di bawah seksyen 111.

Daftar aku janji.

115. Suruhanjaya hendaklah menyenggarakan suatu daftar semua aku janji yang sedia ada, mengikut Bab 6.

Penguatkuasaan aku janji.

116. (1) Tertakluk kepada subseksyen (2), Suruhanjaya atau seseorang boleh memohon kepada mahkamah bagi penguatkuasaan suatu aku janji berdaftar terhadap orang yang memberikan aku janji itu jika sesuatu aku janji tidak dipatuhi.

(2) Jika suatu jumlah wang kena dibayar oleh mana-mana orang, atau jika apa-apa jua, selain pembayaran wang, dikehendaki supaya dilakukan atau tidak dilakukan oleh mana-mana orang disebabkan oleh apa-apa arahan yang diberikan oleh Suruhanjaya di bawah seksyen 112, dan arahan itu tidak dipatuhi oleh orang yang kepadanya arahan itu diberikan, maka arahan itu hendaklah, bagi segala maksud boleh dikuatkuasakan sebagai suatu penghakiman Mahkamah Tinggi, mengikut kaedah-kaedah mahkamah yang terpakai atau mengikut cara yang disifatkan oleh Mahkamah adil atau suaimanfaat dengan syarat suatu perakuan telah dikeluarkan oleh Suruhanjaya kepada pengadu itu yang memberikan kebenaran untuk meneruskan tindakan di Mahkamah bagi penguatkuasaan suatu aku janji berdaftar kecuali dalam hal suatu injunksi.

(3) Tiada perakuan dikehendaki jika suatu tindakan diambil oleh Suruhanjaya di bawah seksyen ini.

Bab 12

Peninggalan Pengawalseliaan

117. (1) Walau apa pun apa-apa jua yang terkandung dalam Akta ini, Menteri boleh atas syor Suruhanjaya mengarahkan Suruhanjaya supaya meninggalkan pemakaian mana-mana peruntukan Akta ini atau perundangan subsidiarinya terhadap seseorang pemegang lesen atau sesuatu kelas pemegang lesen, atau kepada seseorang atau sesuatu kelas orang, jika Menteri menentukan bahawa—

Peninggalan pengawalseliaan.

- (a) penguatkuasaan peruntukan sedemikian tidaklah perlu untuk memastikan pencapaian matlamat Akta ini;
- (b) penguatkuasaan peruntukan sedemikian tidaklah perlu bagi perlindungan pengguna;
- (c) peninggalan pemakaian peruntukan sedemikian adalah selaras dengan kepentingan negara; dan
- (d) peninggalan pemakaian sedemikian tidak akan menghalang pentadbiran Akta ini.

(2) Arahan oleh Menteri hendaklah dibuat mengikut seksyen 7.

Penentuan
oleh Menteri.

118. (1) Menteri hendaklah menimbangkan syor bertulis Suruhanjaya sebelum membuat penentuan, mengikut seksyen 10, untuk meninggalkan pemakaian peruntukan yang berkaitan dalam Akta ini atau perundangan subsidiarinya.

(2) Menteri hendaklah memberikan suatu notis bertulis secepat yang dapat dilaksanakan mengenai penentuannya tentang sama ada hendak meninggalkan pemakaian peruntukan sedemikian dan sebab bagi penentuannya.

(3) Jika Menteri menentukan untuk meninggalkan pemakaian sesuatu peruntukan Akta ini atau perundangan subsidiarinya, Menteri hendaklah menyiarkan notis peninggalan itu dalam bentuk suatu perintah pengecualian dalam *Warta*.

(4) Suatu pengecualian yang ditentukan di bawah subseksyen (3) boleh dijadikan atau tidak dijadikan tertakluk kepada apa-apa syarat.

Bab 13

Kajian Semula Keputusan

Kajian
semula oleh
Suruhanjaya.

119. (1) Seseorang yang terkilan dengan atau yang kepentingannya dimudaratkan oleh raana-mana keputusan Suruhanjaya yang dibuat menurut pelaksanaan kuasa dan fungsinya di bawah Akta ini atau perundangan subsidiarinya boleh meminta secara bertulis kepada Suruhanjaya bagi mendapatkan suatu pernyataan sebab-sebab bagi keputusan itu.

(2) Suruhanjaya hendaklah, apabila dibuat permintaan bertulis sedemikian, memberikan satu salinan pernyataan sebab-sebab bagi keputusan itu dan apa-apa maklumat yang berkaitan yang diambil kira dalam membuat keputusan itu dalam tempoh tidak lebih dari tiga puluh hari dari tarikh penerimaan permintaan itu oleh Suruhanjaya.

(3) Suruhanjaya tidak dikehendaki untuk menyiarkan, atau untuk mendedahkan kepada seseorang yang dengan hal ehwalnya pernyataan itu ada kaitan, suatu pernyataan sebab-sebab atau sebahagian daripada suatu pernyataan sebab-sebab jika penyiaran atau pendedahan itu akan—

- (a) mendedahkan suatu perkara yang bersifat sulit;
- (b) mungkin menjejaskan perbicaraan adil seseorang; atau
- (c) melibatkan pendedahan tidak munasabah maklumat peribadi mengenai mana-mana individu (termasuk orang yang sudah mati),

(4) Dalam Bab ini, "keputusan" termasuklah apa-apa tindakan, perintah, laporan atau kuasa yang diwakilkan.

120. (1) Tertakluk kepada subseksyen (2), seseorang yang terkilan dengan atau yang kepentingannya dimudaratkan oleh suatu keputusan atau arahan (tetapi tidak suatu penentuan) Suruhanjaya yang dibuat menurut pelaksanaan kuasa dan fungsinya di bawah Akta ini atau perundangan subsidiarinya, boleh merayu kepada Tribunal Rayuan bagi suatu kajian semula merit dan proses keputusan atau arahan tertentu Suruhanjaya, melainkan jika perkara itu tidak tertakluk kepada suatu rayuan kepada Tribunal Rayuan.

Kajian
semula oleh
Tribunal
Rayuan.

(2) Tertakluk kepada subseksyen 17(1), Menteri boleh menentukan keputusan atau arahan Suruhanjaya yang tidak tertakluk kepada rayuan kepada Tribunal Rayuan di bawah subseksyen (1).

121. (1) Seseorang yang terjejas dengan sesuatu keputusan atau tindakan lain Menteri atau Suruhanjaya boleh memohon kepada mahkamah bagi suatu kajian semula kehakiman mengenai keputusan atau tindakan lain sedemikian.

Kajian
semula
kehakiman.

(2) Seseorang tidak boleh memohon kepada mahkamah bagi suatu kajian semula kehakiman melainkan jika orang itu telah menghabiskan segala remedi lain yang diperuntukkan di bawah Akta ini.

Bab 14

Kajian Semula Peraturan

Kajian semula perundangan subsidiari oleh Suruhanjaya.

122. (1) Suruhanjaya hendaklah mengkaji semula semua kaedah dan peraturan yang dibuat di bawah Akta ini yang berkuat kuasa pada masa kajian semula itu.

(2) Suatu kajian semula kaedah-kaedah dan peraturan-peraturan hendaklah dijalankan oleh Suruhanjaya—

(a) tiga tahun sekali; atau

(b) jika dan apabila diarahkan oleh Menteri di bawah seksyen 7.

(3) Suruhanjaya hendaklah memberikan syor bertulis kepada Menteri untuk mengubahsuaikan atau mengubah, atau untuk memansuhkan, mana-mana kaedah atau peraturan yang dibuat di bawah Akta ini—

(a) yang tidak lagi diperlukan demi kepentingan negara;

(b) yang tidak lagi diperlukan untuk memastikan pencapaian matlamat Akta ini; atau

(c) bagi apa-apa sebab lain yang difikirkan oleh Suruhanjaya ada kaitannya.

Bab 15

Pengawasan dan Pelaporan

Laporan kepada Menteri mengenai prestasi industri.

123. (1) Suruhanjaya hendaklah mengawasi semua perkara penting berhubung dengan prestasi pemberi kemudahan rangkaian, pemberi perkhidmatan rangkaian, pemberi perkhidmatan aplikasi dan pemberi aplikasi kandungan dan membuat laporan kepada Menteri pada akhir setiap tahun kewangan.

(2) Dalam melaksanakan fungsinya di bawah subseksyen (1), Suruhanjaya hendaklah mengambil kira apa-apa penunjuk prestasi industri yang difikirkan sesuai oleh Suruhanjaya.

124. Perkara-perkara yang hendaklah diawasi dan dilaporkan oleh Suruhanjaya termasuk, tetapi tidak terhad kepada, yang berikut: Perkara untuk diawasi dan dilaporkan.

- (a) perjalanan dan pentadbiran Akta ini dan perundangan subsidiarinya;
- (b) kecekapan pemegang lesen dalam memberikan kemudahan dan perkhidmatan;
- (c) mutu perkhidmatan;
- (d) kadar yang dibayar oleh pengguna bagi perkhidmatan;
- (e) perkembangan pengawalan kediri industri;
- (f) tahap pematuhan kod industri sukarela, standard mandatori dan aku janji;
- (g) cukupnya dan terdapatnya perkhidmatan di semua bahagian di Malaysia;
- (h) apa-apa kekurangan dalam ruang lingkup atau perjalanan Akta ini dan perundangan subsidiarinya; dan
- (i) perkara-perkara lain yang Suruhanjaya berpuas hati adalah berkaitan.

125. Suruhanjaya hendaklah menyiarkan laporan itu, dengan cara yang difikirkannya sesuai, secepat yang dapat dilaksanakan selepas tarikh Suruhanjaya menyampaikan laporan itu kepada Menteri. Laporan hendaklah disiarkan.

BAHAGIAN VI

PENGAWALSELIAAN EKONOMI

Bab 1

Pelesenan

Pelesenan kemudahan rangkaian, perkhidmatan rangkaian dan perkhidmatan aplikasi.

126. (1) Tertakluk kepada apa-apa pengecualian yang boleh ditentukan oleh Menteri melalui perintah yang disiarkan dalam *Warta*, tiada seorang pun boleh—

- (a) mempunyai atau memberikan apa-apa kemudahan rangkaian;
- (b) memberikan apa-apa perkhidmatan rangkaian; atau
- (c) memberikan apa-apa perkhidmatan aplikasi,

kecuali di bawah dan mengikut terma dan syarat—

- (aa) suatu lesen individu yang sah yang diberikan di bawah Akta ini; atau
- (bb) suatu lesen kelas yang diberikan di bawah Akta ini,

yang secara nyata memberi kuasa bagi pemunyaan atau pemberian kemudahan atau perkhidmatan itu.

(2) Seseorang yang melanggar subseksyen (1) adalah melakukan suatu kesalahan dan apabila disabitkan boleh didenda tidak melebihi lima ratus ribu ringgit atau dipenjarakan selama tempoh tidak melebihi lima tahun atau kedua-duanya dan juga boleh didenda selanjutnya satu ribu ringgit bagi setiap hari atau sebahagian daripada sehari kesalahan itu berterusan selepas pensabitan.

Pematuhan syarat-syarat lesen.

127. (1) Syarat-syarat standard yang berkaitan bagi sesuatu lesen di bawah Bahagian ini hendaklah mengikut Jadual.

(2) Apa-apa syarat khas atau tambahan sesuatu lesen boleh diisytiharkan oleh Menteri dan dimasukkan dalam lesen itu.

(3) Seorang pemegang lesen di bawah Bahagian ini tidak boleh memberikan apa-apa kemudahan atau perkhidmatan kecuali mengikut syarat-syarat suatu lesen yang diberikan kepada pemegang lesen itu di bawah Bahagian ini atau syarat-syarat suatu lesen kelas yang dengannya pemegang lesen itu tertakluk.

128. (1) Menteri boleh menentukan sempadan rangkaian bagi tujuan Akta ini. Takrif sempadan rangkaian.

(2) Jika tiada penentuan sedemikian, sempadan rangkaian ialah—

- (a) soket kelengkapan yang pertama di sesuatu kediaman persendirian;
- (b) kerangka agihan utama dalam sesuatu bangunan; atau
- (c) suatu titik yang dipersetujui oleh pelanggan dan pemberi kemudahan rangkaian.

(3) Pemunyaan mana-mana kemudahan rangkaian dan pemberian mana-mana perkhidmatan rangkaian atau perkhidmatan aplikasi, semata-mata di sebelah pihak pelanggan di sempadan rangkaian adalah, dikecualikan daripada peruntukan Bahagian ini.

129. Seorang pemberi perkhidmatan aplikasi yang tidak tertakluk kepada suatu lesen kelas di bawah seksyen 126 hendaklah disifatkan telah dikecualikan daripada peruntukan Bab ini, tetapi tidak daripada peruntukan Bahagian VII berkenaan dengan pengawalseliaan teknik. Pengecualian bagi pemberi perkhidmatan aplikasi yang tidak tertakluk kepada lesen kelas.

130. (1) Menteri boleh, atas syor Suruhanjaya, menentukan bahawa seseorang pemberi kemudahan rangkaian berlesen, selain pemunya mana-mana kemudahan rangkaian, ialah seorang pemberi kemudahan yang dinamakan bagi kemudahan rangkaian itu bagi maksud Akta ini, jika Menteri berpuas hati bahawa penamaan itu tidak akan menghalang— Pemberi kemudahan yang dinamakan.

- (a) pencapaian matlamat Akta ini; dan
- (b) pentadbiran Akta ini.

(2) Apabila pemberi kemudahan yang dinamakan ditentukan di bawah subseksyen (1), maka pemunya itu hendaklah disifatkan telah dikecualikan daripada peruntukan Bab ini.

Pemberi di bawah lesen kelas hendaklah mendaftarkan.

131. Seseorang tidak boleh menjalankan urusan di bawah suatu lesen kelas berkaitan dengan apa-apa kemudahan rangkaian atau perkhidmatan rangkaian atau perkhidmatan aplikasi melainkan jika orang itu didaftarkan oleh Suruhanjaya.

Lesen berasingan.

132. Lesen yang diperoleh di bawah Bab ini tidak mengecualikan mana-mana orang daripada kewajipan untuk memperoleh lesen di bawah mana-mana seksyen lain yang berkaitan dalam Akta ini.

Bab 2

Amalan Persaingan Am

Larangan terhadap tingkah laku anti-persaingan.

133. Seseorang pemegang lesen tidak boleh membuat apa-apa tingkah laku yang mempunyai maksud mengurangkan persaingan dengan cukup besar dalam suatu pasaran komunikasi.

Suruhanjaya boleh menyiarkan garis panduan.

134. (1) Suruhanjaya boleh menyiarkan garis panduan yang menjelaskan pengertian "mengurangkan persaingan dengan cukup besar".

(2) Garis panduan itu boleh memasukkan rujukan kepada—

- (a) pasaran ekonomi yang berkaitan;
- (b) arah aliran global dalam pasaran yang berkaitan;
- (c) kesan tingkah laku itu terhadap bilangan pesaing dalam sesuatu pasaran dan bahagian pasaran mereka;
- (d) kesan tingkah laku itu terhadap sekatan kemasukan ke dalam pasaran itu;
- (e) kesan tingkah laku itu terhadap julat perkhidmatan dalam pasaran itu;

- (f) kesan tingkah laku itu terhadap kos dan struktur keuntungan dalam pasaran itu; dan
- (g) apa-apa perkara lain yang Suruhanjaya berpuas hati adalah berkaitan.

135. Seseorang pemegang lesen tidak boleh membuat apa-apa persefahaman, perjanjian atau perkiraan, sama ada boleh dikuatkuasakan di sisi undang-undang atau tidak, yang membuat peruntukan tentang—

Larangan terhadap pembuatan perjanjian pakatan sulit.

- (a) penetapan kadar;
- (b) perkongsian pasaran;
- (c) pemuluan pembekal radas; atau
- (d) pemuluan pesaing lain.

136. Seorang pemegang lesen tidak boleh, pada bila-bila masa atau dalam apa-apa keadaan, menjadikan suatu syarat bagi pemberian atau pembekalan sesuatu keluaran atau perkhidmatan dalam suatu pasaran komunikasi bahawa orang yang memperoleh keluaran atau perkhidmatan itu dalam pasaran komunikasi itu adalah juga dikehendaki supaya membeli atau tidak membeli mana-mana keluaran atau perkhidmatan lain sama ada daripadanya atau daripada orang lain.

Larangan terhadap perkiraan kaitan atau pautan.

137. Suruhanjaya boleh menentukan bahawa seorang pemegang lesen berada pada kedudukan dominan dalam suatu pasaran komunikasi.

Penentuan pemegang lesen dominan.

138. (1) Suruhanjaya boleh menyiarkan garis panduan yang menjelaskan bagaimana Suruhanjaya akan menggunakan ujian "kedudukan dominan" terhadap seseorang pemegang lesen.

Garis panduan mengenai maksud "kedudukan dominan".

(2) Garis panduan itu boleh menyatakan perkara-perkara yang boleh diambil kira oleh Suruhanjaya, termasuk—

- (a) pasaran ekonomi yang berkaitan;
- (b) teknologi global dan arah aliran komersial yang mempengaruhi kuasa pasaran;

- (c) bahagian pasaran pemegang lesen itu;
- (d) kuasa pemegang lesen untuk membuat keputusan penentuan kadar dengan bebas;
- (e) tahap perbezaan keluaran atau perkhidmatan dan promosi jualan dalam pasaran itu; dan
- (f) apa-apa perkara lain yang Suruhanjaya berpuas hati adalah berkaitan.

Suruhanjaya boleh mengarahkan pemegang lesen pada kedudukan dominan.

139. (1) Suruhanjaya boleh mengarahkan seseorang pemegang lesen yang berada pada suatu kedudukan dominan dalam suatu pasaran komunikasi supaya menghentikan tingkah laku dalam pasaran komunikasi itu yang mempunyai, atau mungkin mempunyai, kesan mengurangkan persaingan dengan cukup besar dalam mana-mana pasaran komunikasi, dan supaya melaksanakan langkah pemulihan yang sesuai.

(2) Suruhanjaya hanya boleh mengeluarkan suatu arahan di bawah subseksyen (1) jika Suruhanjaya berpuas hati bahawa arahan itu selaras dengan—

- (a) matlamat Akta ini; dan
- (b) mana-mana surat cara yang berkaitan di bawah Akta ini.

Pembenaran tingkah laku.

140. (1) Seseorang pemegang lesen boleh memohon kepada Suruhanjaya, sebelum membuat apa-apa tingkah laku yang boleh ditafsirkan sebagai mempunyai maksud atau kesan mengurangkan persaingan dengan cukup besar dalam suatu pasaran komunikasi, untuk mendapatkan kebenaran bagi tingkah laku itu.

(2) Walau apa pun peruntukan Bab ini, Suruhanjaya hendaklah membenarkan tingkah laku itu jika Suruhanjaya berpuas hati bahawa kebenaran itu adalah demi kepentingan negara.

(3) Sebelum membenarkan tingkah laku itu, Suruhanjaya boleh menghendaki pemegang lesen itu supaya mengemukakan suatu aku janji berkenaan dengan

tingkah lakunya dalam apa-apa perkara yang berkaitan dengan kebenaran itu.

(4) Jika pemegang lesen itu kemudiannya menarik balik aku janji itu, kebenaran itu hendaklah disifatkan tidak pernah diberikan bagi maksud Bab ini.

(5) Seseorang pemegang lesen boleh menarik balik sesuatu permohonan yang dibuat di bawah subseksyen (1) pada bila-bila masa.

141. Suruhanjaya hendaklah menyenggarakan suatu daftar kebenaran tingkah laku semasa di bawah Bab ini mengikut Bab 6 Bahagian V. Daftar kebenaran.

142. (1) Suruhanjaya atau seseorang boleh memohon injunksi interim atau interlokutori terhadap mana-mana tingkah laku yang dilarang dalam Bab ini. Remedi bagi ketakpatuhan.

(2) Seseorang hendaklah memperoleh suatu perakuan daripada Suruhanjaya bagi kebenaran untuk meneruskan tindakan di mahkamah bagi menguatkuasakan peruntukan Bab ini kecuali dalam kes suatu injunksi.

143. Seseorang yang melanggar mana-mana larangan di bawah Bab ini adalah melakukan suatu kesalahan dan apabila disabitkan boleh didenda tidak melebihi lima ratus ribu ringgit atau dipenjarakan selama tempoh tidak melebihi lima tahun atau kedua-duanya dan juga boleh didenda selanjutnya satu ribu ringgit bagi tiap-tiap hari atau sebahagian daripada sehari kesalahan itu berterusan selepas pensabitan. Penalti bagi kesalahan.

144. (1) Tertakluk kepada subseksyen (2), Menteri boleh membuat kaedah-kaedah, yang hendaklah disiarkan dalam *Warta*, berkenaan dengan perjanjian antara pemegang-pemegang lesen, di bawah Akta ini, dengan pemberi kemudahan rangkaian asing dan/atau pemberi perkhidmatan rangkaian. Menteri boleh membuat kaedah-kaedah.

(2) Menteri hanya boleh membuat kaedah-kaedah, di bawah subseksyen (1), yang berhasrat untuk menghalang atau mengurangkan—

- (a) apa-apa tingkah laku oleh pemberi kemudahan rangkaian asing dan/atau pemberi perkhidmatan rangkaian yang akan, atau mungkin akan mengakibatkan, pengurangan persaingan dengan cukup besar dalam suatu pasaran komunikasi; atau
- (b) salah guna kuasa pasaran dalam suatu pasaran komunikasi.

Bab 3

Capaian Kepada Perkhidmatan

Kemudahan dan perkhidmatan yang boleh dimasukkan dalam senarai capaian.

145. (1) Senarai kemudahan dan perkhidmatan yang boleh dimasukkan dalam senarai capaian, sebagaimana yang ditentukan oleh Suruhanjaya di bawah Bab ini, ialah—

- (a) kemudahan rangkaian;
- (b) perkhidmatan rangkaian; dan
- (c) kemudahan dan/atau perkhidmatan lain yang memudahkan pemberian perkhidmatan rangkaian atau perkhidmatan aplikasi, termasuk perkhidmatan aplikasi kandungan.

(2) Kemudahan atau perkhidmatan yang disenaraikan dalam perenggan (1)(c) tidak perlu dipunyai atau diberikan oleh pemegang lesen di bawah Akta ini.

Penentuan kemudahan dan perkhidmatan oleh Suruhanjaya.

146. Tertakluk kepada subseksyen 147(2), Suruhanjaya boleh menentukan bahawa—

- (a) suatu kemudahan rangkaian;
- (b) suatu perkhidmatan rangkaian; atau

- (c) mana-mana kemudahan dan/atau perkhidmatan lain yang memudahkan pemberian perkhidmatan rangkaian atau perkhidmatan aplikasi, termasuk perkhidmatan aplikasi kandungan,

hendaklah dimasukkan atau dikeluarkan daripada senarai capaian.

147. (1) Forum capaian boleh mengesyorkan kepada Suruhanjaya bahawa—

Syor oleh forum capaian.

- (a) suatu kemudahan rangkaian;
- (b) suatu perkhidmatan rangkaian; atau
- (c) mana-mana kemudahan dan/atau perkhidmatan lain yang memudahkan pemberian perkhidmatan rangkaian atau perkhidmatan aplikasi, termasuk perkhidmatan aplikasi kandungan,

hendaklah dimasukkan atau dikeluarkan daripada senarai capaian.

(2) Suruhanjaya hendaklah menentukan bahawa kemudahan rangkaian atau kelas kemudahan rangkaian atau perkhidmatan rangkaian atau kelas perkhidmatan rangkaian yang disyorkan dimasukkan dalam senarai capaian, jika Suruhanjaya berpuas hati bahawa forum capaian itu telah berunding dengan orang yang mempunyai kepentingan dalam syor itu, dan bahawa forum capaian itu telah dengan sebulat suara menyokong syor itu.

(3) Walau apa pun Bab 3 Bahagian V, Suruhanjaya tidak dikehendaki supaya menjalankan suatu siasatan sebelum membuat suatu syor di bawah seksyen 55, jika penentuan itu ada kaitan dengan suatu syor yang dibuat oleh forum capaian di bawah seksyen ini tetapi tiada apa-apa jua dalam seksyen ini boleh menghalang Suruhanjaya daripada menjalankan siasatan jika difikirkannya perlu.

Daftar
senarai
capaian.

148. Suruhanjaya hendaklah menyenggarakan suatu daftar—

- (a) kemudahan rangkaian;
- (b) perkhidmatan rangkaian; dan
- (c) kemudahan dan/atau perkhidmatan lain yang memudahkan pemberian perkhidmatan rangkaian atau perkhidmatan aplikasi, termasuk perkhidmatan aplikasi kandungan,

yang dimasukkan dalam senarai capaian.

Kewajipan
capaian
standard bagi
kemudahan
dan
perkhidmatan.

149. (1) Tertakluk kepada apa-apa pengecualian yang boleh ditentukan oleh Menteri melalui perintah yang disiarkan dalam *Warta*, seseorang pemberi kemudahan rangkaian dan seseorang pemberi perkhidmatan rangkaian hendaklah memberikan capaian kepada kemudahan rangkaian atau perkhidmatan rangkaian mereka yang tersenarai dalam senarai capaian kepada mana-mana—

- (a) pemberi kemudahan rangkaian lain;
- (b) pemberi perkhidmatan rangkaian lain;
- (c) pemberi perkhidmatan aplikasi lain; atau
- (d) pemberi perkhidmatan aplikasi kandungan lain,

yang membuat suatu permintaan bertulis bagi mendapatkan capaian kepada pemberi kemudahan rangkaian atau pemberi perkhidmatan rangkaian itu atas terma dan syarat yang munasabah.

(2) Capaian yang diberikan oleh seseorang pemberi ("pemberi pertama") kepada seorang pemberi lain di bawah subseksyen (1), hendaklah—

- (a) sekurang-kurangnya mempunyai standard dan mutu teknik yang sama dengan atau lebih baik daripada standard dan mutu teknik yang diberikan dalam kemudahan rangkaian atau perkhidmatan rangkaian pemberi pertama; dan
- (b) atas dasar sama rata dan tanpa diskriminasi.

(3) Seseorang yang melanggar subseksyen (1) adalah melakukan suatu kesalahan dan apabila disabitkan boleh didenda tidak melebihi lima ratus ribu ringgit atau dipenjarakan selama tempoh tidak melebihi lima tahun atau kedua-duanya.

150. (1) Sesuatu perjanjian capaian bertulis bagi pemberian kemudahan rangkaian atau perkhidmatan rangkaian tersenarai hendaklah didaftarkan dengan Suruhanjaya mengikut seksyen 91. Pendaftaran perjanjian capaian.

(2) Tiada perjanjian capaian bertulis bagi pemberian kemudahan rangkaian atau perkhidmatan rangkaian tersenarai boleh dikuatkuasakan melainkan jika perjanjian itu telah didaftarkan.

151. (1) Sesuatu pihak kepada suatu pertikaian mengenai pematuhan kewajipan capaian standard di bawah seksyen 149 boleh memberitahu Suruhanjaya mengenai pertikaian itu di bawah Bab 7 Bahagian V. Pemberitahuan pertikaian capaian.

(2) Sesuatu pihak yang cuba menjalankan haknya di bawah kewajipan capaian standard, atau sesuatu pihak yang telah memberitahu Suruhanjaya mengenai pertikaian itu di bawah subseksyen (1), boleh menarik balik pemberitahuan itu secara bertulis pada bila-bila masa.

152. Suruhanjaya boleh menentukan suatu badan industri tunggal untuk menjadi forum capaian bagi maksud Bahagian ini. Forum capaian.

153. (1) Suruhanjaya hendaklah membuat suatu permintaan bertulis kepada forum capaian itu supaya menyediakan suatu kod capaian. Kod capaian.

(2) Suatu kod capaian hendaklah memperuntukkan terma dan syarat contoh bagi pematuhan kewajipan capaian standard.

(3) Perkara-perkara yang boleh ditentukan oleh kod capaian termasuk tetapi tidak terhad kepada—

- (a) tempoh masa dan tatacara bagi perundingan dan pengikatan perjanjian capaian;
- (b) perkaedahan kadar;
- (c) perlindungan harta intelek;
- (d) perlindungan maklumat perdagangan;
- (e) penyediaan kemudahan; dan
- (f) perkongsian maklumat teknik.

(4) Kod capaian boleh mengadakan peruntukan bagi terma dan syarat yang berlainan bagi kemudahan rangkaian dan perkhidmatan rangkaian yang berlainan yang tersenarai dalam senarai capaian.

Pendaftaran
kod capaian.

154. Suruhanjaya tidaklah boleh mendaftarkan suatu kod capaian melainkan jika Suruhanjaya berpuas hati bahawa kod capaian itu selaras dengan kewajipan capaian standard.

Aku janji
capaian
industri.

155. (1) Seorang pemegang lesen boleh memberikan suatu aku janji capaian, mengikut seksyen 110.

(2) Suatu aku janji capaian boleh menyatakan lebih daripada satu set terma dan syarat bagi mendapatkan capaian kepada suatu kemudahan rangkaian atau perkhidmatan rangkaian tertentu yang tersenarai dalam senarai capaian.

Pendaftaran
aku janji.

156. Suruhanjaya tidak boleh mendaftarkan suatu aku janji, mengikut kuasa amnya dalam seksyen 111, melainkan jika Suruhanjaya berpuas hati bahawa aku janji itu selaras dengan kewajipan capaian standard.

BAHAGIAN VII

PENGAWALSELIAAN TEKNIK

Bab 1

Penguntukan Spektrum

157. (1) Tertakluk kepada apa-apa pengecualian yang boleh ditentukan oleh Menteri melalui perintah yang disiarkan dalam *Warta*, tiada seorang pun boleh dengan sengaja membuat penghantaran dalam mana-mana bahagian spektrum untuk memberikan perkhidmatan rangkaian melainkan jika—

Larangan menggunakan spektrum tanpa penguntukan.

- (a) orang itu memegang suatu penguntukan spektrum yang dikeluarkan di bawah Bahagian ini;
- (b) orang itu memegang suatu penguntukan radas yang dikeluarkan di bawah Bahagian ini; atau
- (c) penggunaan spektrum itu adalah tertakluk kepada suatu penguntukan kelas yang dikeluarkan oleh Suruhanjaya di bawah Bahagian ini.

(2) Seseorang yang melanggar mana-mana larangan di bawah Bab ini adalah melakukan suatu kesalahan dan apabila disabitkan boleh didenda tidak melebihi lima ratus ribu ringgit atau dipenjarakan selama tempoh tidak melebihi lima tahun atau kedua-duanya.

158. Menteri boleh membuat peraturan-peraturan berhubung dengan mana-mana perkara di bawah Bahagian ini.

Kuasa Menteri untuk membuat peraturan-peraturan.

159. (1) Suruhanjaya boleh mengeluarkan suatu penguntukan spektrum yang memberikan hak kepada seseorang untuk menggunakan satu jalur frekuensi tertentu atau lebih bagi apa-apa maksud yang selaras dengan syarat-syarat penguntukan itu.

Pengeluaran penguntukan spektrum.

(2) Sesuatu penguntukan spektrum boleh dikeluarkan di bawah seksyen ini hanya apabila jalur frekuensi yang berkaitan bagi penguntukan spektrum telah ditentukan oleh Menteri.

Penguntukan spektrum hendaklah mematuhi rancangan spektrum.

160. Penguntukan spektrum tidak boleh dikeluarkan melainkan jika penguntukan itu selaras dengan rancangan spektrum.

Pengeluaran semula penguntukan spektrum.

161. Kecuali jika Suruhanjaya memutuskan bahawa demi kepentingan negara suatu penguntukan spektrum hendaklah dikeluarkan kepada pemegang penguntukan yang sedia ada, tatacara bagi pengeluaran semula sesuatu penguntukan spektrum hendaklah mengikut seksyen 159 dan 160.

Pindah hakmilik pihak ketiga.

162. Seseorang pemegang penguntukan spektrum boleh memindahkan kepada atau berurusan dengan mana-mana atau semua hak yang diuntukkan di bawah seksyen 159 dengan pihak ketiga hanya jika perbuatan itu mengikut peruntukan seksyen 163.

Kaedah-kaedah pindah hakmilik.

163. (1) Menteri boleh membuat kaedah-kaedah, yang hendaklah disiarkan dalam *Warta*, bagi pemindahan hak pemegang penguntukan spektrum yang diberikan oleh penguntukan spektrum itu.

(2) Suruhanjaya boleh mengarahkan seorang pemegang penguntukan spektrum supaya mematuhi mana-mana kaedah yang dibuat di bawah seksyen ini.

Pengeluaran penguntukan radas.

164. (1) Suruhanjaya boleh mengeluarkan suatu penguntukan radas yang memberikan hak kepada seseorang untuk menggunakan spektrum bagi mengendalikan suatu kemudahan rangkaian daripada jenis tertentu pada frekuensi tertentu atau dalam mana-mana jalur atau jalur-jalur frekuensi tertentu.

(2) Sesuatu penguntukan radas yang dikeluarkan di bawah seksyen ini boleh tertakluk kepada apa-apa syarat yang boleh dikenakan oleh Suruhanjaya.

- 165.** Penguntukan radas tidak boleh dikeluarkan melainkan jika peruntukan itu selaras dengan rancangan spektrum yang diadakan di bawah Bahagian ini. Penguntukan radas hendaklah mematuhi rancangan spektrum.
- 166.** Suruhanjaya tidak boleh mengeluarkan suatu penguntukan radas bagi penggunaan suatu spektrum yang telah ditentukan bagi penguntukan spektrum. Situasi apabila penguntukan radas tidak boleh dikeluarkan.
167. (1) Pemegang sesuatu penguntukan radas boleh membenarkan pihak ketiga untuk mengendalikan suatu kemudahan rangkaian yang merupakan perkara penguntukan radas itu. Pembenaan pihak ketiga.
- (2) Peraturan-peraturan yang dibuat oleh Menteri di bawah seksyen 158 boleh membuat peruntukan bagi pengendalian pihak ketiga suatu kemudahan rangkaian, yang merupakan perkara suatu penguntukan radas, oleh orang yang dibenarkan oleh pemegang penguntukan radas itu.
168. Sesuatu penguntukan radas tidaklah sah selepas tempoh lima tahun dari tarikh pengeluarannya. Tempoh maksimum bagi penguntukan radas.
169. (1) Suruhanjaya boleh mengeluarkan suatu penguntukan kelas yang memberikan hak kepada mana-mana orang untuk menggunakan mana-mana jalur atau jalur-jalur frekuensi bagi suatu maksud tertentu. Penguntukan kelas.
- (2) Sesuatu penguntukan kelas yang dikeluarkan di bawah seksyen ini boleh dijadikan tertakluk kepada apa-apa syarat yang boleh dikenakan oleh Suruhanjaya.
170. Penguntukan kelas tidak boleh dikeluarkan melainkan jika penguntukan itu selaras dengan rancangan spektrum yang diadakan di bawah Bahagian ini. Penguntukan kelas hendaklah mematuhi rancangan spektrum.

Situasi apabila penguntukan kelas tidaklah boleh dikeluarkan.

171. Suruhanjaya tidak boleh mengeluarkan penguntukan kelas yang membenarkan penggunaan spektrum yang telah ditentukan bagi penguntukan spektrum.

Rancangan spektrum.

172. (1) Suruhanjaya boleh mengadakan suatu rancangan spektrum berkenaan dengan mana-mana atau semua spektrum.

(2) Rancangan spektrum hendaklah terbuka kepada orang ramai (termasuk dalam bentuk elektronik) jika dibayar fi yang hendaklah ditentukan oleh Suruhanjaya.

Kandungan rancangan spektrum.

173. (1) Sesuatu rancangan spektrum hendaklah menetapkan bagaimana spektrum akan digunakan dan menetapkan perkaedahan bagi penguntukan dan penguntukan semula spektrum.

(2) Dalam menjalankan fungsi di bawah subseksyen (1) Suruhanjaya hendaklah mengambil kira—

- (a) matlamat Akta;
- (b) kesan rancangan spektrum terhadap pengguna yang sedia ada; dan
- (c) mana-mana standard, konvensyen dan perjanjian antarabangsa yang terpakai termasuk, tetapi tidak terhad kepada, Kesatuan Telekomunikasi Antarabangsa dan peraturan-peraturan radionya sebagaimana yang dipersetujui dan diterimapakai oleh Malaysia.

Hak keutamaan.

174. Menteri boleh menentukan bahawa penguntukan spektrum dan/atau penguntukan radas yang dinyatakan hanya boleh dikeluarkan kepada orang tertentu atau kelas orang tertentu yang memenuhi apa-apa syarat yang dinyatakan dalam penentuan yang disiarkan dalam *Warta*.

Pertikaian mengenai gangguan.

175. (1) Suruhanjaya boleh menyelesaikan pertikaian mengenai gangguan.

(2) Penyelesaian pertikaian di bawah subseksyen (1) hendaklah mematuhi Bab 7 Bahagian V.

176. (1) Menteri boleh, selepas mengambil kira syor Suruhanjaya, menentukan bahawa spektrum tertentu hendaklah diagihkan semula bagi penguntukan spektrum.

Menteri boleh menentukan spektrum bagi penguntukan spektrum.

(2) Penentuan yang dibuat di bawah subseksyen (1) boleh termasuk had mengenai amaun spektrum yang ada, sama ada secara am atau untuk orang atau kelas orang tertentu.

(3) Penentuan yang dibuat di bawah subseksyen (1) hendaklah disifatkan mengandungi terma bahawa penguntukan spektrum itu tidaklah boleh melebihi dua puluh tahun.

177. Rancangan spektrum boleh mengandungi tatacara penguntukan bagi penguntukan spektrum dan penguntukan radas seperti, tetapi tidak terhad kepada, yang berikut:

Rancangan spektrum hendaklah termasuk tatacara bagi penguntukan spektrum dan penguntukan radas.

- (a) tatacara penguntukan bagi penguntukan spektrum dan penguntukan radas melalui lelongan;
- (b) tatacara penguntukan bagi penguntukan spektrum dan penguntukan radas melalui tender;
- (c) tatacara penguntukan bagi penguntukan spektrum pada suatu harga tetap yang ditentukan oleh Menteri;
- (d) tatacara penguntukan bagi penguntukan radas pada suatu harga tetap yang ditentukan oleh Suruhanjaya; dan/atau
- (e) suatu rancangan penukaran bagi penukaran penguntukan radas yang ditentukan kepada penguntukan spektrum.

178. (1) Menteri boleh mengarahkan Suruhanjaya supaya mengadakan tatacara bagi pengambilan wajib oleh Suruhanjaya penguntukan dalam suatu spektrum yang ditentukan.

Pengambtlan wajib penguntukan dalam spektrum yang ditentukan.

(2) Suruhanjaya boleh mengesyorkan kepada Menteri supaya penguntukan dalam suatu spektrum yang ditentukan diambil secara wajib oleh Suruhanjaya mengikut suatu penguntukan semula spektrum selaras dengan rancangan spektrum.

(3) Menteri boleh, selepas mengambil kira syor Suruhanjaya di bawah subseksyen (2), mengarahkan supaya penguntukan dalam suatu spektrum yang ditentukan diambil secara wajib oleh Suruhanjaya.

(4) Suruhanjaya boleh membayar suatu amaun pampasan yang munasabah kepada pemegang suatu penguntukan yang pengentukannya telah diambil sebelum tarikh habis tempohnya, oleh suatu arahan yang dibuat di bawah seksyen ini.

(5) Tiada pampasan boleh dibayar jika suatu penguntukan tidak dibaharui.

Bab 2

Penomboran Dan Pengalamatan Elektronik

Kawalan,
perancangan
dan
pentadbiran
penomboran
dan
pengalamatan
elektronik.

179. (1) Hendaklah diletakhakkan pada Suruhanjaya kawalan, perancangan, pentadbiran, pengurusan dan penguntukan penomboran dan pengalamatan elektronik bagi perkhidmatan rangkaian dan perkhidmatan aplikasi.

(2) Suruhanjaya boleh mewakili mana-mana atau semua fungsinya di bawah Bab ini.

Rancangan
penomboran
dan
pengalamatan
elektronik.

180. (1) Suruhanjaya hendaklah mengadakan rancangan penomboran dan pemberian alamat elektronik bagi penomboran dan pengalamatan elektronik perkhidmatan rangkaian dan perkhidmatan aplikasi.

(2) Rancangan penomboran dan pengalamatan elektronik boleh menyatakan kaedah-kaedah yang termasuk, tetapi tidak terhad kepada—

(a) penggunaan nombor dan alamat elektronik yang berlainan bagi jenis perkhidmatan yang berlainan;

- (b) penguntukan nombor dan alamat elektronik;
- (c) pemindahan hakmilik nombor dan alamat elektronik yang diuntukkan;
- (d) penggunaan nombor dan alamat elektronik yang diuntukkan;
- (e) kemudahan nombor dan alamat elektronik yang diuntukkan;
- (f) kehendak supaya pemberi perkhidmatan rangkaian dan pemberi perkhidmatan aplikasi menyenggarakan suatu rancangan bagi penguntukan dan penguntukan semula nombor dan alamat elektronik; dan
- (g) kadar bagi penguntukan dan pemindahan hakmilik nombor dan alamat elektronik yang boleh dikenakan oleh Suruhanjaya.

(3) Suruhanjaya hendaklah menjadikan rancangan penomboran dan pengalamatan elektronik itu terbuka kepada orang ramai apabila dibayar fi yang hendaklah diputuskan oleh Suruhanjaya.

181. (1) Suruhanjaya boleh melantik orang yang dinyatakan untuk mengurus atau menyenggarakan suatu pangkalan data nombor awam bersepadu atau suatu pangkalan data alamat elektronik bersepadu.

Pengurusan atau penyenggaraan pangkalan data nombor awam atau alamat elektronik bersepadu.

(2) Orang yang dinyatakan di bawah subseksyen (1) hendaklah memberikan capaian komersial tanpa diskriminasi kepada pangkalan data itu dengan terma dan syarat yang sama dengan terma dan syarat yang diberikan olehnya kepada dirinya sendiri.

(3) Suruhanjaya boleh memberikan arahan kepada orang yang dinyatakan di bawah subseksyen (1) berkenaan dengan cara orang itu akan menjalankan kewajipannya di bawah subseksyen (2),

Standard Teknik

- Menghalang kesalingbolehkendalian suatu kesalahan. 182. Seseorang yang menggunakan apa-apa kelengkapan teknik atau sistem yang menghalang kesaling-bolehkendalian rangkaian adalah melakukan suatu kesalahan dan apabila disabitkan boleh didenda tidak melebihi lima ratus ribu ringgit atau dipenjarakan selama tempoh tidak melebihi lima tahun atau kedua-duanya.
- Menjejaskan keselamatan awam suatu kesalahan. 183. Seseorang yang menggunakan apa-apa kelengkapan teknik atau sistem yang menjejaskan keselamatan awam adalah melakukan suatu kesalahan dan apabila disabitkan boleh didenda tidak melebihi lima ratus ribu ringgit atau dipenjarakan selama tempoh tidak melebihi lima tahun atau kedua-duanya.
- Forum standard teknik. 184. Suruhanjaya boleh menetapkan suatu badan industri menjadi forum bagi standard teknik ("forum standard teknik") bagi maksud Bahagian ini.
- Perkara-perkara bagi kod teknik. 185. (1) Suatu kod teknik yang disediakan oleh forum standard teknik atau Suruhanjaya di bawah seksyen ini hendaklah termasuk, tetapi tidak terhad kepada, yang berikut:
- (a) kehendak bagi kesalingbolehkendalian rangkaian, termasuk, tetapi tidak terhad kepada, penyediaan keupayaan rangkaian tertentu seperti keupayaan mengenal pasti talian panggilan dan keupayaan prapilihan; dan
 - (b) penggalakkan keselamatan kemudahan rangkaian.
- (2) Suatu kod teknik yang disediakan oleh forum standard teknik atau Suruhanjaya di bawah seksyen ini boleh termasuk, tetapi tidak terhad kepada, yang berikut:
- (a) penyediaan kemudahan rangkaian, termasuk kehendak bagi pemberi dan pemasang berkelayakan;

- (b) penyediaan perkhidmatan rangkaian, termasuk kehendak bagi pemberi berkelayakan;
- (c) penyediaan perkhidmatan aplikasi, termasuk kehendak bagi pemberi berkelayakan;
- (d) penyediaan kelengkapan dan pengkabelan pelanggan, termasuk kehendak bagi pemasang berkelayakan;
- (e) kelulusan kelengkapan pelanggan dan peranti capaian lain;
- (f) penerimapkaraan standard teknik yang dibuat oleh badan antarabangsa; dan
- (g) penggalakan kekebalan dan keserasian elektromagnet.

186. (1) Suruhanjaya boleh mendaftarkan agensi pemerakuan atau kelas agensi pemerakuan, termasuk agensi di luar Malaysia, bagi maksud memperakui pematuhan kod atau standard di bawah Bahagian ini. Agensi pemerakuan.

(2) Sesuatu kelulusan oleh suatu agensi pemerakuan berdaftar hendaklah disifatkan sebagai suatu kelulusan oleh Suruhanjaya bagi maksud Bab ini.

BAHAGIAN VIII

PELINDUNGAN PENGGUNA

Bab 1

Mutu Perkhidmatan

187. Seseorang pemberi kemudahan rangkaian atau seseorang pemberi perkhidmatan rangkaian atau seseorang pemberi perkhidmatan aplikasi yang tidak memerlukan suatu lesen individu, dan tidak tertakluk kepada suatu lesen kelas, di bawah Bahagian VI, adalah disifatkan telah dikecualikan daripada peruntukan kesalahan dalam seksyen 188. Pengecualian daripada peruntukan kesalahan.

Pemberian perkhidmatan rangkaian atau perkhidmatan aplikasi.

188. (1) Seseorang yang memberikan apa-apa perkhidmatan rangkaian atau perkhidmatan aplikasi hendaklah—

- (a) berurusan dengan cara yang berpatutan dengan pengguna; dan
- (b) melayan dengan cara yang memadai aduan pengguna.

(2) Seseorang yang melanggar subseksyen (1) adalah melakukan suatu kesalahan dan apabila disabitkan boleh didenda tidak melebihi dua puluh ribu ringgit atau dipenjarakan selama tempoh tidak melebihi enam bulan atau kedua-duanya.

Forum pengguna.

189. Suruhanjaya boleh menetapkan suatu badan industri menjadi forum pengguna bagi maksud Bab ini.

Perkara-perkara bagi kod pengguna.

190. (1) Suatu kod pengguna yang disediakan oleh suatu forum pengguna atau Suruhanjaya hendaklah memasukkan tatacara contoh bagi—

- (a) memenuhi kehendak pengguna secara yang munasabah;
- (b) pengendalian aduan dan pertikaian pengguna, termasuk proses timbangtara yang tidak mahal, selain mahkamah, dan tatacara bagi pemberian pampasan kepada pelanggan jika berlaku pelanggaran kod pengguna; dan/atau
- (c) perlindungan maklumat pengguna.

(2) Perkara-perkara yang boleh dikendalikan oleh kod pengguna boleh termasuk, tetapi tidak terhad kepada —

- (a) pemberian maklumat kepada pelanggan mengenai perkhidmatan, kadar dan prestasi;
- (b) pemberian dan pembaikan kerosakan perkhidmatan;
- (c) pengiklanan atau pernyataan perkhidmatan;

- (d) amalan pengenaaan bayaran, penyediaan bil, pengutipan dan hutang pelanggan; dan
- (e) apa-apa perkara lain yang penting kepada pengguna.

191. Setelah suatu kod pengguna disediakan, kod pengguna itu hendaklah disiarkan dan pemberitahuan mengenainya hendaklah diiklankan dalam sekurang-kurangnya satu surat khabar harian nasional bahasa kebangsaan dan satu surat khabar harian nasional bahasa Inggeris selama sekurang-kurangnya tiga hari berturut-turut.

Penyiaran kod pengguna.

Bab 2

Perkhidmatan Aplikasi Dikehendaki

192. (1) Bagi maksud Bahagian ini, Menteri boleh menentukan suatu senarai perkhidmatan aplikasi dikehendaki.

Perkhidmatan aplikasi dikehendaki.

(2) Senarai yang disebut dalam subseksyen (1) boleh termasuk, tetapi tidak terhad kepada—

- (a) perkhidmatan kecemasan (termasuk capaian kepada kemudahan rangkaian terkawal dan perkhidmatan rangkaian bagi maksud memberikan perkhidmatan kecemasan);
- (b) perkhidmatan bantuan direktori (termasuk capaian kepada kemudahan rangkaian terkawal, perkhidmatan rangkaian dan pangkalan data yang berkaitan);
- (c) perkhidmatan bantuan operator; dan
- (d) perkhidmatan bagi pengguna tak upaya.

193. (1) Menteri boleh menentukan kelas pemberi perkhidmatan rangkaian yang hendaklah menyediakan mana-mana atau semua perkhidmatan aplikasi dalam senarai perkhidmatan aplikasi dikehendaki.

Arahan Menteri supaya perkhidmatan aplikasi dikehendaki disediakan.

(2) Suruhanjaya hendaklah mengarahkan kelas pemegang lesen yang memberikan perkhidmatan rangkaian, yang ditentukan di bawah subseksyen (1), supaya memberikan perkhidmatan aplikasi dikehendaki.

Arahan boleh menyatakan perincian pengendalian.

194. Walau apa pun mana-mana peruntukan yang bertentangan dalam Akta ini atau mana-mana surat cara yang dibuat, dikeluarkan atau diberikan di bawah Akta ini, suatu arahan oleh Suruhanjaya yang dikeluarkan di bawah seksyen 193 boleh membuat peruntukan bagi atau menyatakan perincian pengendalian berhubung dengan suatu perkhidmatan aplikasi dikehendaki.

Bab 3

Penyelesaian Pertikaian Pengguna

Periikaaian antara pengguna dengan pemegang lesen.

195. Suruhanjaya boleh menggunakan mana-mana kuasanya di bawah Akta ini dalam menyelesaikan aduan yang diterima daripada pengguna berhubung dengan perkara perkhidmatan pelanggan dan perlindungan pengguna termasuk, tetapi tidak terhad kepada, kegagalan oleh seseorang pemegang lesen untuk mematuhi kod pengguna yang disediakan di bawah Bahagian ini.

Tatacara bagi aduan pengguna.

196. Suruhanjaya hendaklah mewujudkan tatacara atau garis panduan bagi pembuatan, penerimaan dan pengendalian aduan pengguna berkenaan dengan tingkah laku atau perjalanan urusan pemegang lesen.

Bab 4

Pengawalseliaan Kadar

Penetapan kadar oleh pemberi.

197. (1) Kecuali sebagaimana yang diperuntukkan dalam Bab ini, seseorang pemberi kemudahan rangkaian, pemberi perkhidmatan rangkaian, pemberi perkhidmatan aplikasi atau pemberi perkhidmatan aplikasi kandungan boleh menetapkan kadar menurut kadar pasaran.

(2) Semua pemberi yang disebut dalam subseksyen (1) adalah dikehendaki menyiarkan kadar yang dikenakan kepada pelanggan bagi satu perkhidmatan atau lebih.

(3) Bagi maksud Bab ini, "pemberi kemudahan rangkaian" termasuk seseorang pemberi kemudahan yang dinamakan.

198. Kadar yang diwujudkan oleh seorang pemberi yang disebut dalam subseksyen 197(1) hendaklah diasaskan pada prinsip yang berikut:

Prinsip mengenai penetapan kadar.

- (a) kadar mestilah adil dan, bagi orang yang dalam keadaan yang sama, tidak secara yang munasabah tidak adil;
- (b) kadar hendaklah ditetapkan mengikut kos dan, secara amnya, subsidi silang hendaklah dihapuskan;
- (c) kadar tidak sepatutnya mengandungi diskaun yang secara yang tidak munasabah memudaratkan peluang persaingan pemberi lain;
- (d) kadar hendaklah distrukturkan dan peringkat ditetapkan untuk menarik pelaburan kepada industri komunikasi dan multimedia; dan
- (e) kadar hendaklah mengambil kira peraturan-peraturan dan syor organisasi antarabangsa yang dianggotai oleh Malaysia.

199. Walau apa pun seksyen 197, Menteri boleh, atas syor Suruhanjaya, campur tangan secara bebas atau dengan kerap dalam menentukan dan menetapkan kadar bagi mana-mana kemudahan atau perkhidmatan bersaing yang diberikan oleh seseorang pemberi yang disebut dalam subseksyen 197(1) atas sebab yang wajar, atau sebagaimana yang dikehendaki demi kepentingan awam.

Penetapan kadar oleh Menteri.

200. Dalam hal yang berikut, Menteri boleh, atas syor Suruhanjaya, menentukan kaedah pengawalseliaan kadar khas, yang mungkin termasuk penetapan, pengkajian semula dan pelulusan kadar, atau peninggalan pengawalseliaan kadar—

Kuasa Menteri untuk menentukan orang atau kawasan bagi kadar khas.

- (a) jika kadar tidak ditetapkan mengikut prinsip dalam seksyen 198; atau

- (b) berkenaan dengan kemudahan atau perkhidmatan yang diberikan oleh seorang pemberi yang disebutkan dalam subseksyen 197(1), bagi suatu kumpulan orang tertentu atau dalam suatu kawasan tertentu.

Kaedah-
kaedah
mengenai
kadar.

201. (1) Menteri boleh membuat kaedah-kaedah, yang hendaklah disiarkan dalam *Warta*, untuk menetapkan peringkat kadar yang akan dikenakan bagi kemudahan rangkaian, perkhidmatan rangkaian, perkhidmatan aplikasi atau perkhidmatan aplikasi kandungan yang tertentu atau bagi kelas kemudahan atau perkhidmatan itu.

(2) Kaedah-kaedah yang boleh dibuat oleh Menteri di bawah subseksyen (1) boleh termasuk, tetapi tidak terhad kepada—

- (a) kaedah-kaedah mengenai kadar dan perubahan kadar bagi kemudahan rangkaian, perkhidmatan rangkaian, perkhidmatan aplikasi atau perkhidmatan aplikasi kandungan yang tertentu atau bagi kelas kemudahan atau perkhidmatan itu;
- (b) kaedah-kaedah mengenai penyiaran atau pendedahan kadar bagi kemudahan rangkaian, perkhidmatan rangkaian, perkhidmatan aplikasi atau perkhidmatan aplikasi kandungan yang tertentu atau bagi kelas kemudahan atau perkhidmatan itu;
- (c) mekanisme kawalan kadar yang digunakan terhadap pemegang lesen tertentu atau kelas pemegang lesen, atau kemudahan rangkaian, perkhidmatan rangkaian, perkhidmatan aplikasi atau perkhidmatan aplikasi kandungan yang tertentu atau kelas kemudahan atau perkhidmatan itu.

Bab 5

Pemberian Perkhidmatan Sejangat

202. (1) Menteri boleh mengarahkan Suruhanjaya supaya menentukan suatu sistem untuk menggalakkan adanya dan penggunaan secara meluas perkhidmatan rangkaian dan/atau perkhidmatan aplikasi di seluruh Malaysia dengan menggalakkan pemasangan kemudahan rangkaian dan penyediaan perkhidmatan rangkaian dan/atau perkhidmatan aplikasi dalam kawasan yang kurang liputan perkhidmatan atau bagi kumpulan yang kurang diberi perkhidmatan dalam masyarakat.

Sistem pemberian perkhidmatan sejangat.

(2) Menteri boleh membuat peraturan-peraturan di bawah seksyen 16 bagi pelaksanaan subseksyen (1).

203. (1) Suatu penentuan oleh Suruhanjaya di bawah subseksyen 202(1) hendaklah termasuk takrif bagi "kawasan yang kurang liputan perkhidmatan" dan "kumpulan yang kurang diberi perkhidmatan dalam masyarakat".

Takrif "kawasan yang kurang liputan perkhidmatan" dan "kumpulan yang kurang diberi perkhidmatan dalam masyarakat" dll.

(2) Dalam menentukan takrif bagi "kawasan yang kurang liputan perkhidmatan", Suruhanjaya boleh mengambil kira—

- (a) tahap persaingan dalam kawasan atau tempat tertentu;
- (b) adanya perkhidmatan dalam kawasan atau tempat tertentu; dan/atau
- (c) daya maju komersial dalam memasang kemudahan rangkaian atau memberikan perkhidmatan rangkaian atau perkhidmatan aplikasi dalam kawasan atau tempat tertentu.

(3) Dalam menentukan takrif bagi "kumpulan yang kurang diberi perkhidmatan dalam masyarakat", Suruhanjaya boleh mengambil kira—

- (a) adanya perkhidmatan kepada kumpulan sedemikian; dan/atau

(b) apa-apa rintangan bagi penggunaan perkhidmatan yang ada.

Kumpulan
Wang
Pemberian
Perkhidmatan
Sejagat.

204. (1) Bagi tujuan Akta ini, suatu Kumpulan Wang yang dikenali sebagai "Kumpulan Wang Pemberian Perkhidmatan Sejagat" ("Kumpulan Wang PPS") ditubuhkan dan Kumpulan Wang itu hendaklah dikawal dan dikendalikan oleh Suruhanjaya.

(2) Menteri boleh membuat peraturan-peraturan berkenaan dengan caruman oleh pemegang lesen, di bawah Akta ini, kepada Kumpulan Wang PPS dan apa-apa perkara lain berhubung dengan atau bersampingan dengan penubuhan dan pengendalian Kumpulan Wang PPS.

BAHAGIAN IX

PENGAWALSELIAAN SOSIAL

Bab I

Pelesenan

Larangan
terhadap
pemberian
perkhidmatan
aplikasi
kandungan.

205. (1) Tertakluk kepada apa-apa pengecualian yang boleh ditentukan oleh Menteri melalui perintah yang disiarkan dalam *Warta*, tiada seorang pun boleh memberikan suatu perkhidmatan aplikasi kandungan melainkan jika—

- (a) orang itu memegang lesen individu yang sah yang diberikan di bawah Bahagian ini untuk memberikan perkhidmatan aplikasi kandungan; atau
- (b) perkhidmatan aplikasi kandungan itu tertakluk kepada suatu lesen kelas yang sah di bawah Bahagian ini.

(2) Sesuatu lesen yang diperoleh di bawah seksyen ini tidak mengecualikan mana-mana orang daripada kewajipan untuk memperoleh lesen di bawah mana-mana seksyen yang berkaitan yang lain dalam Akta ini.

(3) Seseorang yang raelanggar subseksyen (1) adalah melakukan suatu kesalahan dan apabila disabitkan boleh didenda tidak melebihi lima ratus ribu ringgit atau dipenjarakan selama tempoh tidak melebihi lima tahun atau kedua-duanya dan juga boleh didenda selanjutnya satu ribu ringgit bagi tiap-tiap hari atau sebahagian daripada sehari kesalahan itu diteruskan selepas pensabitan.

206. (1) Syarat-syarat standard yang berkaitan bagi tiap-tiap lesen, yang diberikan di bawah Bahagian ini, hendaklah mengikut Jadual. Pematuhan syarat-syarat lesen.

(2) Apa-apa syarat khas atau tambahan sesuatu lesen boleh diisytiharkan oleh Menteri dan dimasukkan dalam lesen itu.

(3) Seseorang pemberi perkhidmatan aplikasi kandungan tidaklah boleh memberikan apa-apa perkhidmatan kecuali mengikut syarat-syarat lesen yang diberikan kepada pemegang lesen itu di bawah Bab ini atau syarat-syarat suatu lesen kelas yang kepadanya pemberi perkhidmatan aplikasi kandungan sedemikian tertakluk.

207. (1) Menteri boleh menentukan takrif bagi "perkhidmatan aplikasi kandungan tertutup" bagi maksud Akta ini. Perkhidmatan aplikasi kandungan tertutup.

(2) Jika tiada penentuan sedemikian, sesuatu perkhidmatan aplikasi kandungan tertutup hendaklah merupakan—

- (a) suatu perkhidmatan aplikasi kandungan yang terhad kepada suatu tempat tinggal tunggal; atau
- (b) suatu perkhidmatan aplikasi kandungan yang hanya diberikan kepada pekerja atau pegawai suatu pertubuhan perbadanan tunggal.

(3) Pemberian mana-mana perkhidmatan aplikasi kandungan tertutup hendaklah dikecualikan daripada peruntukan Bahagian ini.

Pengecualian bagi kandungan sampingan.

208. (1) Seseorang pemberi perkhidmatan aplikasi adalah dikecualikan daripada peruntukan di bawah seksyen 205 setakat yang kandungan yang berkenaan merupakan kandungan yang bersampingan dengan perkhidmatan yang diberikan.

(2) Bagi maksud seksyen ini, Menteri boleh menentukan garis panduan untuk menjelaskan erti "kandungan yang bersampingan kepada perkhidmatan yang diberikan" dan semua perkara yang berkaitan dengannya.

(3) Garis panduan yang ditentukan oleh Menteri hendaklah disiarkan oleh Suruhanjaya, mengikut cara yang difikirkannya sesuai, dan hendaklah didaftarkan dalam daftar secepat yang dapat dilaksanakan.

Perkhidmatan aplikasi kandungan terhadap.

209. (1) Seseorang yang memberikan suatu perkhidmatan aplikasi kandungan terhadap tidak dikehendaki supaya memegang suatu lesen individu tetapi dia boleh tertakluk kepada suatu lesen kelas.

(2) Seseorang pemberi perkhidmatan aplikasi kandungan terhadap yang tiada lesen kelas terpakai baginya hendaklah disifatkan dikecualikan daripada semua peruntukan di bawah Bahagian ini.

(3) Bagi maksud seksyen ini, Menteri boleh menentukan garis panduan yang menjelaskan atau menambah kriteria yang digunakan dalam mentakrifkan istilah "perkhidmatan aplikasi kandungan tertutup" dan segala perkara yang berkaitan dengannya.

(4) Garis panduan yang ditentukan oleh Menteri hendaklah disiarkan oleh Suruhanjaya, mengikut cara yang difikirkannya sesuai, dan hendaklah didaftarkan dalam daftar secepat yang dapat dilaksanakan.

Pendapat mengenai kategori perkhidmatan.

210. (1) Seseorang boleh memohon kepada Suruhanjaya supaya diputuskan sama ada suatu perkhidmatan aplikasi kandungan dianggap sebagai suatu perkhidmatan aplikasi kandungan terhadap atau sama ada kandungan itu ialah kandungan yang bersampingan dengan perkhidmatan yang diberikan.

(2) Suruhanjaya hendaklah memberikan pendapatnya dalam masa tiga puluh hari dari tarikh penerimaan permohonan itu.

(3) Suruhanjaya hendaklah mengambil kira mana-mana garis panduan Menteri yang berkaitan dan mana-mana pendapat yang diberikan sebelumnya di bawah Bab ini sebelum memberikan pendapatnya.

(4) Pendapat itu hendaklah mengikat Suruhanjaya dan semua pihak yang terlibat selama tempoh tiga tahun dari tarikh pendapat itu diberikan di bawah subseksyen (2).

(5) Walau apa pun subseksyen (4), Suruhanjaya boleh menarik balik sesuatu pendapat jika Suruhanjaya berpuas hati bahawa jenis perkhidmatan itu telah berubah dengan banyaknya.

(6) Suruhanjaya hendaklah menyenggarakan suatu daftar pendapat mengikut Bab 6 Bahagian V.

Bab 2

Kehendak Kandungan

211. (1) Tiada pemberi perkhidmatan aplikasi kandungan, atau orang lain yang menggunakan perkhidmatan aplikasi kandungan, boleh memberikan kandungan yang sumbang, lucah, palsu, mengancam atau jelik sifatnya dengan niat untuk mengacau, mendera, mengugut atau mengganggu mana-mana orang.

Larangan terhadap pemberian kandungan jelik.

(2) Seseorang yang melanggar subseksyen (1) adalah melakukan suatu kesalahan dan apabila disabitkan boleh didenda tidak melebihi lima puluh ribu ringgit atau dipenjarakan selama tempoh tidak melebihi satu tahun atau kedua-duanya dan juga boleh didenda selanjutnya satu ribu ringgit bagi setiap hari atau sebahagian daripada sehari kesalahan itu diteruskan selepas pensabitan.

212. Suruhanjaya boleh menetapkan suatu badan industri menjadi suatu forum kandungan bagi maksud Bahagian ini.

Forum kandungan.

Kod
kandungan.

213. (1) Dalam sesuatu kod kandungan yang disediakan oleh forum kandungan atau Suruhanjaya hendaklah dimasukkan tatacara contoh bagi menangani kandungan jelik atau sumbang.

(2) Perkara-perkara yang boleh dikendalikan dalam kod itu termasuk, tetapi tidak terhad kepada—

- (a) sekatan terhadap pemberian kandungan yang tidak sesuai;
- (b) kaedah untuk mengelaskan kandungan;
- (c) tatacara bagi mengendalikan aduan orang ramai dan bagi melaporkan maklumat mengenai aduan kepada Suruhanjaya;
- (d) gambaran budaya Malaysia dan identiti kebangsaan;
- (e) maklumat dan pendidikan awam berkenaan dengan pengawalseliaan kandungan dan teknologi bagi kawalan kandungan oleh pengguna akhir; dan
- (f) perkara-perkara lain yang penting kepada masyarakat.

BAHAGIAN X

AM

Bab 1

Pemasangan Kemudahan Rangkaian, Capaian Kepada Kemudahan Rangkaian, Dll.

Pemeriksaan
tanah.

214. Seseorang pemberi kemudahan rangkaian, boleh bagi maksud menentukan sama ada mana-mana tanah sesuai atau tidak bagi maksudnya hendak memasang, atau memperoleh capaian kepada, kemudahan rangkaian—

- (a) memasuki, dan memeriksa, tanah itu; dan
- (b) melakukan apa-apa perkara atas tanah itu yang perlu atau wajar bagi maksud itu, termasuklah

melakukan pengukuran, menyukat aras, menggerak, mengambil sampel, menggali lubang dan meneliti tanah.

215. (1) Seseorang pemberi kemudahan rangkaian boleh, bagi maksud yang berkaitan dengan pemberian perkhidmatan rangkaian, menjalankan pemasangan kemudahan rangkaian jika—

Pemasangan kemudahan rangkaian.

- (a) pemberi itu dibenarkan untuk berbuat demikian oleh suatu permit pemasangan kemudahan rangkaian yang dikeluarkan oleh Suruhanjaya di bawah seksyen 226;
- (b) kemudahan rangkaian itu merupakan kemudahan rangkaian berimpak rendah;
- (c) kemudahan rangkaian itu merupakan kemudahan rangkaian sementara untuk digunakan oleh, atau bagi pihak, Kementerian Pertahanan bagi tujuan pertahanan; atau
- (d) pemasangan itu dijalankan semata-mata untuk menyambungkan suatu bangunan atau struktur, atau suatu talian yang menjadi sebahagian daripada suatu kemudahan rangkaian.

(2) Pemasangan kemudahan rangkaian yang dibenarkan oleh seksyen ini mungkin menghendaki kelulusan Pihak Berkuasa Negeri, pihak berkuasa tempatan, atau pihak berkuasa yang berkaitan yang lain, jika perlu.

(3) Jika subseksyen (1) membenarkan seseorang pemberi kemudahan rangkaian untuk menjalankan suatu aktiviti tertentu, pemberi itu boleh, bagi maksud yang berkaitan dengan penjalanan aktiviti itu—

- (a) memasuki, dan menduduki, mana-mana tanah; dan
- (b) di permukaan, di atas atau di bawah tanah itu, melakukan apa-apa jua yang perlu atau wajar bagi maksud itu, termasuklah—
 - (i) membina, mendirikan dan meletakkan apa-apa tiang atau kemudahan rangkaian;

- (ii) menebang dan mencantas pokok dan membersihkan dan membuang tumbuhan dan semak lain;
- (iii) membuat pemotongan dan pengorekan;
- (iv) membaik pulih permukaan tanah dan, bagi maksud itu, mengeluarkan dan melupuskan tanah, tumbuhan dan bahan lain;
- (v) mendirikan bengkel dan bangsal sementara dan bangunan sementara lain; dan
- (vi) meratakan permukaan tanah dan membuat jalan.

(4) Bagi maksud subseksyen (1), Menteri boleh, atas syor Suruhanjaya, menentukan bahawa kemudahan rangkaian tertentu ialah kemudahan rangkaian berimpak rendah.

Kerosakan minimum.

216. Dalam menjalankan sesuatu aktiviti di bawah Bab ini, seseorang pemberi kemudahan rangkaian hendaklah mengambil segala langkah yang munasabah untuk memastikan bahawa dia menyebabkan sesedikit kemudaratan dan kepayahan, dan melakukan sesedikit kerosakan, yang dapat dilaksanakan.

Pemberi kemudahan rangkaian hendaklah membaik pulih tanah.

217. Jika seseorang pemberi kemudahan rangkaian melakukan suatu aktiviti di bawah Bab ini berhubung dengan mana-mana tanah, pemberi itu hendaklah mengambil segala langkah yang munasabah untuk membaik pulih tanah itu sehingga suatu keadaan yang serupa dengan keadaannya sebelum aktiviti itu bermula.

Pengurusan aktiviti.

218. Seseorang pemberi kemudahan rangkaian hendaklah, berkaitan dengan penjalanan suatu aktiviti yang diliputi oleh Bab ini, mengambil segala langkah yang munasabah—

- (a) untuk bertindak mengikut amalan kejuruteraan yang baik;
- (b) untuk melindungi keselamatan orang dan harta;

- (c) untuk memastikan bahawa aktiviti itu mengganggu sesedikit yang dapat dilaksanakan—
 - (i) pengendalian suatu kemudahan awam;
 - (ii) jalan dan lorong awam;
 - (iii) pergerakan lalu lintas; dan
 - (iv) penggunaan tanah; dan
- (d) untuk melindungi alam sekitar.

219. (1) Seseorang pemberi kemudahan rangkaian hendaklah menjalankan segala usaha yang munasabah untuk membuat suatu perjanjian dengan suatu kemudahan awam yang membuat peruntukan tentang cara pemberi itu akan melakukan sesuatu aktiviti yang—

Perjanjian dengan kemudahan awam.

- (a) diliputi oleh Bab ini; dan
- (b) berkemungkinan menjejaskan pengendalian kemudahan itu.

(2) Seseorang pemberi kemudahan rangkaian hendaklah mematuhi perjanjian yang berkuat kuasa di bawah subseksyen (1).

220. Jika—

- (a) seseorang pemberi kemudahan rangkaian melakukan, atau bercadang untuk melakukan, suatu aktiviti yang diliputi oleh Bab ini;
- (b) aktiviti itu dibenarkan atau akan dibenarkan oleh suatu permit pemasangan kemudahan rangkaian; dan
- (c) permit pemasangan kemudahan rangkaian itu tertakluk kepada satu syarat atau lebih,

Syarat-syarat yang kepadanya permit pemasangan kemudahan rangkaian tertakluk.

pemberi kemudahan rangkaian itu hendaklah mematuhi syarat-syarat itu.

Notis kepada
pemunya
tanah.

221. (1) Sebelum melakukan sesuatu aktiviti di bawah Bab ini berkenaan dengan mana-mana tanah, seseorang pemberi kemudahan rangkaian hendaklah memberikan notis bertulis mengenai niatnya untuk berbuat demikian—

(a) kepada pemunya tanah itu; dan

(b) jika tanah itu diduduki oleh seseorang selain pemunya itu, kepada penduduk itu.

(2) Notis itu mesti menyatakan maksud yang baginya pemberi itu berhasrat untuk melakukan aktiviti itu.

(3) Notis di bawah subseksyen (1) mesti mengandungi suatu pernyataan yang bermaksud bahawa jika seseorang mengalami kerugian atau kerosakan kewangan berhubung dengan harta disebabkan oleh apa-apa jua yang dilakukan oleh pemberi itu dalam melakukan aktiviti itu, pampasan bolehlah dibayar.

(4) Notis di bawah subseksyen (1) mesti diberikan sekurang-kurangnya empat belas hari sebelum pemberi itu mula melakukan aktiviti itu.

(5) Seseorang boleh mengetepikan haknya untuk diberi suatu notis di bawah subseksyen (1).

(6) Subseksyen (1) tidak terpakai jika—

(a) pemberi kemudahan rangkaian itu telah mematuhi mana-mana kod teknik dan standard mandatori yang berkaitan dengan aktiviti itu; dan

(b) aktiviti itu perlu dijamin tanpa keJengahan bagi—

(i) keutuhan kemudahan rangkaian;

(ii) kesihatan atau keselamatan orang;

(iii) alam sekitar;

(iv) harta; atau

(v) penyenggaraan suatu tahap perkhidmatan yang mencukupi.

(7) Subseksyen (1) tidak terpakai jika—

- (a) pemberi itu berhasrat untuk melakukan aktiviti di bawah seksyen 214;
- (b) melakukan aktiviti itu tidak melibatkan apa-apa gangguan matan kepada tanah itu; dan
- (c) tanah itu adalah suatu tempat awam.

222. (1) Sekurang-kurangnya empat belas hari sebelum—

- (a) menebang atau mencantas pokok di tanah persendirian; atau
- (b) membersihkan atau membuang semak atau tumbuhan atas tanah persendirian,

Notis kepada pemunya tanah bagi pencantasan pokok, dll.

di bawah seksyen 215, seseorang pemberi kemudahan rangkaian hendaklah memberi—

- (aa) pemunya tanah itu; dan
- (bb) jika tanah itu diduduki oleh seseorang selain pemunya itu, penduduk itu,

suatu notis bertulis yang meminta pokok itu ditebang atau dicantas, atau semak atau tumbuhan itu dibersihkan, mengikut cara, dan dalam tempoh, yang dinyatakan dalam notis itu.

(2) Pemberi itu hanya boleh melakukan aktiviti itu jika permintaan itu tidak dipenuhi.

(3) Seseorang boleh mengetepikan haknya untuk diberi notis di bawah subseksyen (1).

(4) Subseksyen (1) dan (2) tidak terpakai jika—

- (a) pemberi kemudahan rangkaian itu telah mematuhi mana-mana kod teknik dan standard mandatori yang berkaitan dengan aktiviti itu; dan

- (b) aktiviti itu perlu dijalankan tanpa kelengahan bagi melindungi—
- (i) keutuhan kemudahan rangkaian;
 - (ii) kesihatan atau keselamatan orang;
 - (iii) alam sekitar;
 - (iv) harta; atau
 - (v) penyenggaraan suatu tahap perkhidmatan yang mencukupi.

Notis kepada pihak berkuasa jalan raya, kemudahan awam, dll.

223. (1) Tertakluk kepada mana-mana undang-undang bertulis lain yang berkaitan, sekurang-kurangnya empat belas hari sebelum—

- (a) menutup, melencongkan atau menyempitkan sesuatu jalan atau jambatan;
- (b) memasang apa-apa kemudahan rangkaian di atas permukaan, di atas atau di bawah suatu jalan atau jambatan; atau
- (c) mengubah kedudukan sesuatu pembuluh, salur utama gas atau paip,

di bawah seksyen 215, seseorang pemberi kemudahan rangkaian hendaklah memberikan notis bertulis mengenai niatnya untuk berbuat demikian kepada orang atau pihak berkuasa yang bertanggungjawab bagi penjagaan dan pengurusan jalan, jambatan, pembuluh, salur utama gas atau paip itu.

(2) Seseorang atau sesuatu pihak berkuasa boleh mengetepikan hak orang atau pihak berkuasa itu untuk diberi notis di bawah subseksyen (1).

(3) Subseksyen (1) tidak terpakai jika—

- (a) pemberi kemudahan rangkaian itu telah mematuhi mana-mana kod teknik dan standard mandatori yang berkaitan dengan aktiviti itu; dan

- (b) aktiviti itu perlu dijalankan tanpa kelengahan bagi melindungi—
- (i) keutuhan kemudahan rangkaian;
 - (ii) kesihatan atau keselamatan orang;
 - (iii) alam sekitar;
 - (iv) harta; atau
 - (v) penyenggaraan suatu tahap perkhidmatan yang mencukupi.

224. Jika seseorang pemberi kemudahan rangkaian melakukan suatu aktiviti yang diliputi oleh seksyen 215, pemberi itu hendaklah memastikan bahawa kemudahan rangkaian yang dipasang di atas sesuatu jalan, jambatan, lorong atau perairan boleh layar dipasang dengan cara yang akan membenarkan laluan munasabah oleh orang, kenderaan dan vesel.

Jalan, dll. hendaklah terus dibuka bagi laluan.

225. Seseorang pemberi kemudahan rangkaian boleh memohon kepada Suruhanjaya, mengikut cara yang diperuntukkan dalam peraturan-peraturan, bagi mendapatkan suatu permit pemasangan kemudahan rangkaian yang membenarkan pemberi kemudahan rangkaian itu untuk menjalankan pemasangan satu kemudahan rangkaian atau lebih.

Permit pemasangan kemudahan rangkaian.

226. Suruhanjaya hendaklah mengeluarkan suatu permit pemasangan kemudahan rangkaian yang membenarkan seseorang pemberi kemudahan rangkaian untuk menjalankan pemasangan satu kemudahan atau lebih jika pemberi kemudahan rangkaian itu telah memuaskan hati Suruhanjaya bahawa—

Kriteria bagi pengeluaran permit pemasangan kemudahan rangkaian.

- (a) kedua-dua syarat yang berikut telah dipenuhi:
- (i) pemberi itu telah melakukan usaha yang munasabah dengan suci hati dengan setiap tuan punya yang kelulusannya dikehendaki atau akan, jika seksyen 215 tidak diambil kira, dikehendaki, bagi menjalankan pemasangan itu; dan

- (ii) sekurang-kurangnya satu daripada kelulusan itu belum diperolehi dalam tempoh empat belas hari selepas bermulanya rundingan yang berkenaan;
- (b) setiap Pihak Berkuasa Negeri, pihak berkuasa tempatan atau pihak berkuasa lain yang kelulusannya dikehendaki atau akan, jika seksyen 215 tidak diambil kira, dikehendaki, bagi pemasangan kemudahan rangkaian itu sudah memberikan kelulusan sedemikian;
- (c) kemudahan rangkaian itu menjadi, atau mungkin akan menjadi, sebahagian daripada suatu kemudahan rangkaian lain yang bererti kepada negara;
- (d) kemudahan rangkaian itu menjadi, atau mungkin akan menjadi, suatu bahagian penting kemudahan rangkaian lain;
- (e) mana-mana syarat yang berikut telah dipenuhi:
 - (i) kemudahan rangkaian itu menjadi sebahagian daripada suatu kemudahan rangkaian lain, yang sebahagian besarnya sudah pun dipasang;
 - (ii) kemudahan rangkaian itu menjadi sebahagian daripada suatu kemudahan rangkaian lain, yang sebahagian besarnya belum lagi dipasang, tetapi setiap Pihak Berkuasa Negeri, pihak berkuasa tempatan atau pihak berkuasa lain yang kelulusannya dikehendaki atau akan, jika seksyen 215 tidak diambil kira, dikehendaki, bagi pemasangan sebahagian besar daripada rangkaian itu sudah memberikan, atau semunasabahnya mungkin memberikan, kelulusan sedemikian; atau
 - (iii) kemudahan rangkaian itu menjadi sebahagian daripada suatu kemudahan rangkaian lain, yang tiada satu pun telah dipasang, tetapi setiap Pihak Berkuasa Negeri, pihak berkuasa tempatan atau

pihak berkuasa lain yang kelulusannya dikehendaki atau akan, jika seksyen 215 tidak diambil kira, akan dikehendaki, bagi pemasangan sebahagian besar daripada infrastruktur kemudahan rangkaian itu telah memberikan, atau semunasabahnya mungkin memberikan, kelulusan sedemikian; dan

- (f) faedah yang mungkin didapati daripada pengendalian kemudahan rangkaian itu melebihi apa-apa bentuk kecacatan alam sekitar yang mungkin terhasil daripada pemasangan kemudahan rangkaian itu

227. Sesuatu permit pemasangan kemudahan rangkaian mempunyai kuat kuasa tertakluk kepada Akta ini dan mana-mana undang-undang bertulis yang lain yang berkaitan.

Permit pemasangan kemudahan rangkaian mempunyai kuat kuasa tertakluk kepada Akta ini dan undang-undang lain.

228. (1) Walau apa pun peruntukan mana-mana undang-undang bertulis yang lain, seseorang pemberi kemudahan rangkaian atau kemudahan awam hendaklah memberikan seseorang pemberi kemudahan rangkaian akses tanpa diskriminasi kepada mana-mana tiang, kemudahan rangkaian atau hak laluan yang dipunyai atau dikawal olehnya.

Akses kepada tiang, kemudahan rangkaian atau hak laluan,

(2) Walau apa pun subseksyen (1), seseorang pemberi kemudahan rangkaian atau kemudahan awam boleh enggan memberikan akses kepada mana-mana pemberi kemudahan rangkaian kepada tiang, kemudahan rangkaian atau hak laluannya atas dasar tanpa diskriminasi apabila kapasiti tidak mencukupi, atau atas sebab keselamatan, keperluan perlindungan, kebolehpercayaan, atau kesukaran yang bersifat teknik atau kejuruteraan.

Suruhanjaya hendaklah mengawal selia perkara mengenai akses kepada tiang, dll.

229. (1) Suruhanjaya boleh mengawal selia kadar, terma dan syarat bagi akses kepada mana-mana tiang, kemudahan rangkaian atau hak laluan dan mensyaratkan supaya kadar, terma dan syarat sedemikian adalah adil dan munasabah dan boleh menerima pakai tatacara yang perlu dan sesuai untuk mendengar dan menyelesaikan pertikaian mengikut Bab 7 Bahagian V.

(2) Tiada apa-apa jua dalam seksyen ini boleh ditafsirkan sebagai terpakai bagi, atau memberikan Suruhanjaya bidang kuasa berkenaan dengan, akses kepada mana-mana tiang, kemudahan rangkaian atau hak laluan jika perkara sedemikian dikawal selia oleh Pihak Berkuasa Negeri, pihak berkuasa tempatan atau pihak berkuasa lain.

Menteri boleh membuat peraturan.

230. Menteri boleh, atas syor Suruhanjaya, membuat peraturan-peraturan berkenaan dengan cara bagi melaksanakan peruntukan Bab ini.

Bab 2

Kesalahan Dan Penalti Tambahan

Kesalahan jika menggunakan radas atau peranti tanpa kelulusan.

231. Seseorang yang menggunakan apa-apa radas atau peranti dengan niat untuk memperoleh maklumat berkenaan dengan kandungan, penghantar atau orang yang kepadanya dialamatkan apa-apa komunikasi tanpa kelulusan oleh agensi pemerakuan berdaftar di bawah Bab 3 Bahagian VII adalah melakukan suatu kesalahan dan apabila disabitkan boleh didenda tidak melebihi lima puluh ribu ringgit atau dipenjarakan selama tempoh tidak melebihi satu tahun atau kedua-duanya.

Penggunaan secara fraud kemudahan rangkaian, perkhidmatan rangkaian, dll.

232. (1) Seseorang yang—

- (a) secara tidak jujur menghantar atau membenarkan untuk dihantar mana-mana komunikasi atau memperoleh suatu perkhidmatan yang diberikan oleh seorang pemberi kemudahan rangkaian, pemberi perkhidmatan rangkaian, pemberi perkhidmatan aplikasi atau pemberi perkhidmatan aplikasi kandungan berlesen; atau

- (b) secara tidak jujur menerima perkhidmatan aplikasi kandungan dari suatu tempat di dalam Malaysia yang tidak dimaksudkan untuk penerimaan umum,

dengan niat untuk mengelakkan pembayaran apa-apa kadar atau fi yang dikenakan bagi pemberian kemudahan atau perkhidmatan itu adalah melakukan suatu kesalahan.

(2) Seseorang yang memiliki, memperoleh atau mewujudkan suatu sistem yang direka bentuk untuk menggunakan atau memperoleh secara fraud mana-mana kemudahan rangkaian, perkhidmatan rangkaian, perkhidmatan aplikasi atau perkhidmatan aplikasi kandungan, adalah melakukan suatu kesalahan.

(3) Seseorang yang melakukan kesalahan di bawah subseksyen (1) atau (2) apabila disabitkan boleh didenda tidak melebihi tiga ratus ribu ringgit atau dipenjarakan selama tempoh tidak melebihi tiga tahun atau keduanya.

233. (1) Seseorang yang—

- (a) dengan menggunakan mana-mana kemudahan rangkaian atau perkhidmatan rangkaian atau perkhidmatan aplikasi secara sedar—

(i) membuat, mewujudkan atau memintaminta; dan

(ii) memulakan penghantaran,

apa-apa komen, permintaan, cadangan atau komunikasi lain yang lucu, sumbang, palsu, mengancam atau jelik sifatnya dengan niat untuk menyakitkan hati, menganiayai, mengugut atau mengganggu orang lain; atau

- (b) memulakan suatu komunikasi dengan menggunakan mana-mana perkhidmatan aplikasi, sama ada secara berterusan, berulang kali atau

Penggunaan tidak wajar kemudahan rangkaian atau perkhidmatan rangkaian, dll.

selainnya, dan dalam masa itu komunikasi mungkin atau tidak mungkin berlaku, dengan atau tanpa mendedahkan identitinya dan dengan niat untuk menyakitkan hati, menganiayai, mengugut atau mengganggu mana-mana orang di mana-mana nombor atau alamat elektronik,

adalah melakukan suatu kesalahan.

(2) Seseorang yang secara sedar—

- (a) dengan menggunakan suatu perkhidmatan rangkaian atau perkhidmatan aplikasi memberikan apa-apa komunikasi lucah bagi maksud komersial kepada mana-mana orang; atau
- (b) membenarkan suatu perkhidmatan rangkaian atau perkhidmatan aplikasi di bawah kawalan orang itu untuk digunakan bagi suatu aktiviti yang diperihalkan dalam perenggan (a),

adalah melakukan suatu kesalahan.

(3) Seseorang yang melakukan suatu kesalahan di bawah seksyen ini apabila disabitkan boleh didenda tidak melebihi lima puluh ribu ringgit atau dipenjarakan selama tempoh tidak melebihi satu tahun atau kedua-duanya dan hendaklah juga boleh didenda selanjutnya satu ribu ringgit bagi setiap hari kesalahan itu diteruskan selepas pensabitan.

Pemintasan
dan
pendedahan
komunikasi
dilarang.

234. (1) Seseorang yang tanpa kebenaran yang sah di bawah Akta ini atau mana-mana undang-undang bertulis yang lain—

- (a) memintas, cuba untuk memintas, atau mendapatkan mana-mana orang lain supaya memintas, atau cuba untuk memintas, apa-apa komunikasi;
- (b) mendedah, atau cuba untuk mendedahkan, kepada mana-mana orang lain kandungan apa-apa komunikasi, sedangkan dia mengetahui atau mempunyai sebab untuk mempercayai bahawa maklumat itu telah diperolehi melalui pemintasan mana-mana komunikasi dengan melanggar seksyen ini; atau

- (c) menggunakan, atau cuba untuk menggunakan, kandungan apa-apa komunikasi, sedangkan dia mengetahui atau mempunyai sebab untuk mempercayai bahawa maklumat itu telah diperoleh melalui pemintasan apa-apa komunikasi dengan melanggar seksyen ini,

adalah melakukan suatu kesalahan.

(2) Seseorang yang dibenarkan di bawah Akta ini yang dengan sengaja mendedahkan, atau cuba untuk mendedahkan, kepada mana-mana orang lain kandungan apa-apa komunikasi, yang dipintas dengan cara yang dibenarkan oleh Akta ini—

- (a) sedangkan dia mengetahui atau mempunyai sebab untuk mempercayai bahawa maklumat itu telah diperoleh melalui pemintasan komunikasi itu berkaitan dengan suatu penyiasatan jenayah;
- (b) setelah memperoleh atau menerima maklumat itu berkaitan dengan suatu penyiasatan jenayah; atau
- (c) untuk menggalang, menghalang, atau mengganggu suatu penyiasatan jenayah yang diberi kuasa dengan sewajarnya,

adalah melakukan suatu kesalahan.

(3) Seseorang yang melakukan kesalahan di bawah subseksyen (1) atau (2) apabila disabitkan boleh didenda tidak melebihi lima puluh ribu ringgit atau dipenjarakan selama tempoh tidak melebihi satu tahun atau kedua-duanya.

(4) Adalah sah di sisi undang-undang di bawah Bab ini bagi seseorang pegawai, pekerja atau ejen mana-mana pemberi kemudahan rangkaian, pemberi perkhidmatan rangkaian, pemberi perkhidmatan aplikasi atau pemberi perkhidmatan aplikasi kandungan, yang kemudahan atau perkhidmatannya digunakan dalam komunikasi, untuk

memintas, mendedahkan atau menggunakan komunikasi sedemikian dalam perjalanan biasa pekerjaannya sementara melakukan apa-apa aktiviti yang merupakan suatu perkara sampingan yang perlu kepada pemberian kemudahan atau perkhidmatannya atau terhadap perlindungan hak atau harta pemberi kemudahan atau perkhidmatan itu, tetapi pemberi itu tidak boleh menggunakan kemudahan atau perkhidmatan itu bagi pemerhatian atau pengawasan rawak melainkan bagi pemeriksaan kawalan mutu mekanikal atau perkhidmatan.

Kerosakan kepada kemudahan rangkaian, dll.

235. Seseorang yang, dengan apa-apa tindakan atau peninggalan sengaja, tidak jujur atau cuai, memanjangkan, mengusik, mengubahsuaikan, mengubah, mengeluarkan, memusnahkan atau merosakkan apa-apa kemudahan rangkaian atau mana-mana bahagian daripadanya adalah melakukan suatu kesalahan dan apabila disabitkan boleh didenda, tidak melebihi tiga ratus ribu ringgit atau dipenjarakan selama tempoh tidak melebihi tiga tahun atau kedua-duanya.

Fraud dan aktiviti berkaitan berhubung dengan peranti capaian, dll.

236. (1) Seseorang yang secara sedar atau dengan niat untuk melakukan fraud—

- (a) menghasilkan, memasang, menggunakan, mengimport, menjual, membekalkan atau menyewakan apa-apa peranti capaian lancung;
- (b) memiliki apa-apa peranti capaian lancung atau peranti capaian tidak dibenarkan;
- (c) menghasilkan, memasang, menggunakan, mengimport, menjual, membekalkan atau menyewakan, atau mempunyai kawalan atas atau menyimpan, atau memiliki apa-apa kelengkapan pembuat peranti; atau
- (d) menghasilkan, memasang, menggunakan, mengimport, menjual, membekalkan atau menyewakan, atau mempunyai kawalan atas atau menyimpan, atau memiliki—
 - (i) apa-apa kelengkapan, peranti atau radas yang telah diubahsuaikan atau dipinda untuk memperoleh penggunaan tidak dibenarkan mana-mana perkhidmatan rangkaian, perkhidmatan aplikasi atau perkhidmatan aplikasi kandungan; atau

- (ii) perkakasan atau perisian yang digunakan bagi mengubah atau mengubahsuaikan apa-apa kelengkapan, peranti atau radas untuk memperoleh capaian tidak dibenarkan kepada mana-mana perkhidmatan rangkaian, perkhidmatan aplikasi atau perkhidmatan aplikasi kandungan,

adalah melakukan suatu kesalahan.

(2) Seseorang yang tanpa kebenaran pengeluar sesuatu peranti capaian, memujuk rayu seseorang bagi maksud—

- (a) menawarkan suatu peranti capaian; atau
- (b) menjual maklumat mengenai, atau suatu permohonan untuk memperoleh, suatu peranti capaian,

adalah melakukan suatu kesalahan.

(3) Seseorang yang melakukan suatu kesalahan di bawah subseksyen (1) atau (2) apabila disabitkan boleh didenda tidak melebihi lima ratus ribu ringgit atau dipenjarakan selama tempoh tidak melebihi lima tahun atau kedua-duanya.

(4) Bagi maksud seksyen ini—

"kelengkapan pembuat peranti" ertinya apa-apa kelengkapan, mekanisme, atau tera yang direka bentuk atau digunakan terutamanya bagi membuat suatu peranti capaian atau peranti capaian lancung;

"peranti capaian lancung" ertinya apa-apa peranti capaian yang lancung, rekaan, dipinda, atau dipalsukan, atau suatu komponen yang dapat dikenal pasti dalam suatu peranti capaian atau peranti capaian lancung;

"peranti capaian tidak dibenarkan" ertinya apa-apa peranti capaian yang hilang, dicuri, tamat tempoh, dibatalkan, dipotong, atau diperoleh dengan niat untuk meiakukan fraud.

Larangan terhadap perkhidmatan panggil balik.

237. (1) Tiada seorang pun boleh mengendalikan, atau memberikan, atau menggunakan, suatu perkhidmatan panggil balik di bawah Akta ini.

(2) Seseorang yang melanggar subseksyen (1) adalah melakukan suatu kesalahan dan apabila disabitkan boleh didenda tidak melebihi tiga ratus ribu ringgit atau dipenjarakan selama tempoh tidak melebihi tiga tahun atau kedua-duanya.

(3) Bagi maksud seksyen ini, "perkhidmatan panggil balik" ertinya suatu perkhidmatan yang menggunakan mana-mana kemudahan rangkaian, perkhidmatan rangkaian atau perkhidmatan aplikasi yang, melalui pengisyaratan atau peninjauan panggilan tidak lengkap dari lokasi asing, atau sebagai hasil apa-apa pengaturan perisyaratan lain sebagaimana yang ditentukan oleh Suruhanjaya, membolehkan seseorang pengguna di Malaysia memanggil suatu titik asing tanpa membayar kadar yang dikenakan oleh seseorang pemberi kemudahan rangkaian, pemberi perkhidmatan rangkaian dan/atau pemberi perkhidmatan aplikasi Malaysia yang dibenarkan bagi suatu panggilan dari Malaysia ke titik sedemikian.

Pemancaran daripada kelengkapan atau peranti tidak standard.

238. (1) Seseorang yang, dengan sengaja atau tanpa alasan yang munasabah, menyebabkan suatu pancaran radio daripada apa-apa kelengkapan atau peranti yang tidak standard adalah melakukan suatu kesalahan dan apabila disabitkan boleh didenda tidak melebihi lima puluh ribu ringgit atau dipenjarakan selama tempoh tidak melebihi satu tahun atau kedua-duanya.

(2) Bagi maksud Bab ini, "kelengkapan atau peranti tidak standard" ertinya apa-apa kelengkapan atau peranti yang tidak menepati standard teknik atau tatacara yang disediakan atau ditentukan di bawah Akta ini.

239. (1) Seseorang yang—
- (a) menggunakan apa-apa kelengkapan atau peranti tidak standard;
 - (b) ada dalam milikannya apa-apa kelengkapan atau peranti tidak standard yang dia tahu atau ada sebab untuk percaya merupakan suatu kelengkapan atau peranti tidak standard bagi maksud memasang, mengerjakan, mengendalikan atau menggunakan kelengkapan atau peranti itu; atau
 - (c) menawarkan untuk membekalkan, membekalkan atau ada dalam milikannya dengan niat untuk membekalkan apa-apa kelengkapan atau peranti tidak standard sedemikian,

Penggunaan, pemilikan atau pembekalan tidak dibenarkan, kelengkapan atau peranti tidak standard.

adalah melakukan suatu kesalahan dan apabila disabitkan boleh didenda tidak melebihi satu ratus ribu ringgit atau dipenjarakan selama tempoh tidak melebihi dua tahun atau kedua-duanya.

(2) Bagi maksud perenggan (1)(b), seseorang disifatkan ada kelengkapan atau peranti tidak standard dalam milikannya bagi maksud memasang, mengerjakan, mengendalikan atau menggunakannya jika kelengkapan atau peranti itu berada dalam milikannya, selain bagi maksud membekalkannya kepada orang lain, dan dapat dikendalikan dengan melakukan mana-mana daripada yang berikut:

- (a) menyambungkan kelengkapan atau peranti itu kepada suatu bekalan kuasa elektrik dengan menggunakan suatu palam elektrik atau sambungan elektrik lain;
- (b) menghidupkan kelengkapan atau peranti itu;
- (c) menyambungkan suatu mikrofon kepada kelengkapan atau peranti itu dengan memasukkan suatu palam mikrofon ke dalam kelengkapan atau peranti itu;

- (d) menghidupkan apa-apa benda lain yang berkaitan dengan pengendalian kelengkapan atau peranti itu;
- (e) menyelaraskan seting dengan memanipulasikan suis, dail atau kawalan lain luaran kelengkapan atau peranti itu; atau
- (f) menyambung kelengkapan atau peranti itu kepada suatu antena.

(3) Dalam mana-mana prosiding di bawah Akta ini, apa-apa dokumen yang merupakan suatu perakuan yang diberikan oleh seorang pegawai diberi kuasa yang memperakui bahawa mana-mana kelengkapan atau peranti tertentu ialah kelengkapan atau peranti tidak standard hendaklah diterima sebagai keterangan *prima facie* mengenai fakta yang dinyatakan dalam perakuan itu sehingga yang akasnya dibuktikan.

Kesalahan mengagihkan atau mengiklankan apa-apa kelengkapan atau peranti komunikasi bagi pemintasan komunikasi.

240. Seseorang yang dengan sengaja—

- (a) menghantar melalui mel, atau menghantar atau membawa dalam perdagangan dalam negeri atau antarabangsa, apa-apa kelengkapan atau peranti elektronik, mekanikal atau selainnya, sedangkan dia tahu atau mempunyai sebab untuk percaya bahawa reka bentuk kelengkapan atau peranti itu menjadikannya berguna terutamanya bagi maksud pemintasan mana-mana komunikasi secara curi-curi; atau
- (b) meletakkan dalam mana-mana surat khabar, majalah, surat sebaran, atau penerbitan lain apa-apa iklan mengenai—
 - (i) apa-apa kelengkapan atau peranti elektronik, mekanikal atau selainnya, sedangkan dia tahu atau mempunyai sebab untuk percaya bahawa reka bentuk kelengkapan atau peranti itu menjadikannya berguna terutamanya bagi maksud pemintasan mana-mana komunikasi secara curi-curi; atau

- (ii) apa-apa kelengkapan atau peranti elektronik, mekanikal atau selainnya, jika iklan itu menggalakkan penggunaan kelengkapan atau peranti itu bagi maksud pemintasan mana-mana komunikasi secara curi-curi,

sedangkan dia tahu atau mempunyai sebab untuk percaya bahawa iklan itu akan dihantar melalui mel atau diangkut dalam perdagangan dalam negeri atau antarabangsa,

adalah melakukan suatu kesalahan dan apabila disabitkan boleh didenda tidak melebihi satu ratus ribu ringgit atau dipenjarakan selama tempoh tidak melebihi dua tahun atau kedua-duanya.

241. Seseorang yang—

- (a) tertakluk kepada peruntukan subseksyen 256(2), enggan memberi seseorang pegawai diberi kuasa apa-apa maklumat berhubung dengan suatu kesalahan di bawah Akta ini atau perundangan subsidiarinya; atau
- (b) secara sedar memberikan maklumat palsu,

Kesalahan kerana memberikan pernyataan palsu dan mengelamkan.

adalah melakukan suatu kesalahan dan apabila disabitkan boleh didenda tidak melebihi dua puluh ribu ringgit atau dipenjarakan selama tempoh tidak melebihi enam bulan atau kedua-duanya.

242. Tiap-tiap peninggalan atau pengabaian untuk mematuhi, dan setiap tindakan yang dilakukan atau cuba dilakukan bertentangan dengan Akta ini atau perundangan subsidiarinya atau mana-mana surat cara bertulis yang dibuat di bawah Akta ini, atau yang melanggar syarat-syarat yang tertakluk kepadanya mana-mana lesen telah diberikan atau pengumuman dikeluarkan, hendaklah menjadi suatu kesalahan terhadap Akta ini atau perundangan subsidiarinya, dan bagi tiap-tiap kesalahan sedemikian, jika penaltinya tidak diperuntukkan secara

Kesalahan dan penalti am.

khusus, pesalah boleh didenda, sebagai tambahan kepada pelucuthakan apa-apa benda yang disita, tidak melebihi satu ratus ribu ringgit atau dipenjarakan selama tempoh tidak melebihi dua tahun atau kedua-duanya.

Peng-
kompaunan
kesalahan.

243. (1) Pengerusi Suruhanjaya boleh, dengan keizinan secara bertulis Pendakwa Raya, mengkompaunkan apa-apa kesalahan yang dilakukan oleh mana-mana orang di bawah Akta ini atau perundangan subsidiarinya dan ditentukan oleh Menteri sebagai suatu kesalahan yang boleh dikompaunkan melalui peraturan-peraturan yang dibuat di bawah Akta ini dengan membuat tawaran secara bertulis kepada orang yang disyaki telah melakukan kesalahan itu untuk mengkompaunkan kesalahan itu apabila dibayar kepada Pengerusi suatu amaun wang yang tidak melebihi lima puluh peratus daripada amaun denda maksimum bagi kesalahan itu dalam masa yang dinyatakan dalam tawaran itu.

(2) Sesuatu tawaran di bawah subseksyen (1) boleh dibuat pada bila-bila masa selepas kesalahan itu dilakukan, tetapi sebelum apa-apa pendakwaan baginya telah dimulakan, dan jika amaun yang dinyatakan dalam tawaran itu tidak dibayar dalam tempoh masa yang dinyatakan dalam tawaran itu atau dalam apa-apa tempoh lanjutan yang dibenarkan oleh Pengerusi, pendakwaan bagi kesalahan itu boleh dimulakan pada bila-bila masa selepas itu terhadap orang yang kepadanya tawaran itu dibuat.

(3) Jika suatu kesalahan telah dikompaunkan di bawah subseksyen (1), tiada pendakwaan boleh dimulakan berkenaan dengan kesalahan itu terhadap orang yang kepadanya tawaran untuk mengkompaun itu dibuat dan apa-apa benda yang disita berkaitan dengan kesalahan itu boleh dilepaskan atau dilucuthakkan oleh Pengerusi, tertakluk kepada apa-apa terma dan syarat yang difikirkannya patut.

(4) Semua jumlah wang yang diterima oleh Pengerusi di bawah seksyen ini hendaklah dibayar ke dalam dan menjadi sebahagian daripada Kumpulan Wang Disatukan Persekutuan.

244. (1) Jika suatu pertubuhan perbadanan melakukan suatu kesalahan di bawah Akta ini atau perundangan subsidiarinya seseorang yang pada masa pelakuan kesalahan itu merupakan seorang pengarah, ketua pegawai eksekutif, pengurus, setiausaha atau pegawai serupa itu yang lain bagi pertubuhan perbadanan itu atau berupa seperti bertindak atas apa-apa sifat, sedemikian atau telah dengan apa-apa cara atau sehingga apa-apa takat bertanggungjawab bagi pengurusan mana-mana hal ehwal pertubuhan perbadanan itu atau telah membantu dalam pengurusan sedemikian—

Kesalahan
oleh
pertubuhan
perbadanan.

- (a) boleh didakwa secara berasingan atau bersesama dalam prosiding yang sama dengan pertubuhan perbadanan itu; dan
- (b) jika pertubuhan perbadanan itu didapati bersalah atas kesalahan itu, hendaklah disifatkan bersalah atas kesalahan itu melainkan jika, setelah mengambil kira jenis fungsinya atas sifat itu dan semua hal keadaan, dia membuktikan—
 - (i) bahawa kesalahan itu telah dilakukan tanpa pengetahuan, kebenaran atau pembiarannya; dan
 - (ii) bahawa dia telah mengambil semua langkah berjaga-jaga yang munasabah dan telah menjalankan usaha yang wajar untuk mengelakkan pelakuan kesalahan itu.

(2) Jika mana-mana orang akan boleh dikenakan di bawah Akta ini apa-apa hukuman atau penalti bagi apa-apa perbuatan, peninggalan, pengabaian atau kegagalannya, dia boleh dikenakan hukuman atau penalti yang sama bagi tiap-tiap perbuatan, peninggalan, pengabaian atau kegagalan mana-mana pekerja atau ejennya, atau pekerja ejennya, jika tindakan, peninggalan, pengabaian atau kegagalan itu telah dilakukan—

- (a) oleh pekerja orang itu dalam perjalanan pekerjaannya;
- (b) oleh ejen itu apabila bertindak bagi pihak orang itu; atau

- (c) oleh pekerja ejen itu semasa dia digajikan oleh ejen itu atau selainnya bagi pihak ejen itu yang bertindak bagi pihak orang itu.

Bab 3

*Kuasa Untuk Masuk, Penyiasatan Kesalahan
Dan Pendakwaan*

Pegawai
diberi kuasa.

245. (1) Menteri boleh secara bertulis memberi kuasa mana-mana pegawai awam atau pegawai Suruhanjaya untuk menjalankan kuasa penguatkuasaan di bawah Akta ini.

Akta 574.

(2) Mana-mana pegawai yang sedemikian hendaklah disifatkan sebagai pengkhidmat awam mengikut pengertian Kanun Keseksaan.

(3) Dalam menjalankan mana-mana kuasa penguatkuasaan di bawah Akta ini, seseorang pegawai diberi kuasa hendaklah apabila diminta mengemukakan kepada orang yang terhadapnya dia bertindak kuasa yang dikeluarkan kepadanya oleh Menteri.

(4) Bagi maksud subseksyen (1), Suruhanjaya boleh mengeluarkan arahan kepada seseorang pemegang lesen atau orang lain supaya Akta ini atau perundangan subsidiarinya dipatuhi.

Kuasa untuk
menyiasat.

246. (1) Suruhanjaya boleh menyiasat aktiviti seseorang pemegang lesen atau orang lain berkenaan dengan pematuhannya dengan Akta ini atau perundangan subsidiarinya.

(2) Dalam apa-apa hal berhubung dengan pelakuan suatu kesalahan di bawah Akta ini atau perundangan subsidiarinya, mana-mana pegawai diberi kuasa yang menjalankan sesuatu penyiasatan boleh menjalankan semua atau mana-mana kuasa khas yang berhubung dengan penyiasatan polis dalam kes boleh tangkap yang diberikan oleh Kanun Tatacara Jenayah.

*N.M.B.
Bab 6.*

247. (1) Jika pada hemat seseorang Majistret, berdasarkan maklumat bertulis bersumpah dan selepas apa-apa siasatan yang difikirkannya perlu, bahawa terdapat sebab yang munasabah untuk mempercayai bahawa suatu kesalahan di bawah Akta ini atau perundangan subsidiarinya sedang atau telah dilakukan di mana-mana premis, atau bahawa apa-apa keterangan atau benda yang perlu untuk penjalanan sesuatu penyiasatan mengenai suatu kesalahan mungkin didapati di mana-mana premis, Majistret itu boleh mengeluarkan suatu waran yang memberi kuasa mana-mana pegawai polis yang berpangkat tidak rendah daripada Inspektor, atau mana-mana pegawai diberi kuasa yang dinamakan dalam waran itu, untuk memasuki premis itu pada bila-bila masa yang munasabah pada siang hari atau malam hari, dengan atau tanpa bantuan dan jika perlu secara paksa, dan di premis itu menggeledah dan menyita apa-apa keterangan atau benda sedemikian.

Pengeledahan dengan waran.

(2) Tanpa menjejaskan keluasan subseksyen (1), waran yang dikeluarkan oleh Majistret itu boleh memberi kuasa pengeledahan dan penyitaan—

- (a) salinan mana-mana buku, akaun atau dokumen lain, termasuk data berkomputer, yang mengandungi atau dengan munasabah disyaki mengandungi maklumat tentang apa-apa kesalahan yang disyaki telah dilakukan;
- (b) mana-mana papan tanda, kad, surat, risalah, lembaran atau notis yang menyatakan atau yang membayangkan bahawa orang itu mempunyai lesen yang diberikan atau penguntukan yang dikeluarkan di bawah Akta ini; atau
- (c) apa-apa dokumen, kemudahan, radas, kelengkapan, peranti atau perkara lain yang dengan munasabah dipercayai dapat memberikan keterangan mengenai pelakuan kesalahan itu.

(3) Seorang pegawai polis atau pegawai diberi kuasa yang menjalankan pengeledahan di bawah subseksyen (1) boleh, bagi maksud menyiasat kesalahan itu, memeriksa mana-mana orang yang berada dalam atau di premis itu.

(4) Seorang pegawai polis atau pegawai diberi kuasa yang memeriksa seseorang di bawah subseksyen (3) boleh menyita, atau mengambil milik, dan menyimpan dalam jagaan selamat semua benda, selain pakaian yang perlu dipakai, yang dijumpai pada orang itu, dan apa-apa benda lain, yang baginya ada sebab untuk mempercayai bahawa benda-benda itu merupakan alat atau keterangan lain bagi jenayah itu, dan benda-benda itu boleh ditahan sehingga orang itu dilepaskan atau dibebaskan.

(5) Apabila perlu untuk memeriksa seorang wanita, pemeriksaan itu hendaklah dilakukan oleh seorang wanita lain dengan penuh kesopanan.

(6) Jika, oleh sebab sifat, saiz atau amaunnya, tidaklah praktis untuk memindahkan mana-mana buku, akaun, dokumen, data berkomputer, papan tanda, kad, surat, risalah, lembaran, notis, kemudahan, radas, kelengkapan, peranti, benda atau perkara yang disita di bawah seksyen ini, pegawai yang menyita hendaklah, dengan apa-apa cara, mengelak buku, akaun, dokumen, data berkomputer, papan tanda, kad, surat, risalah, lembaran, notis, kemudahan, radas, kelengkapan, peranti, benda atau perkara itu di premis atau bekas tempat ia didapati.

(7) Seseorang yang, tanpa kuasa yang sah, memecahkan, mengusik atau merosakkan lak yang disebut dalam subseksyen (6) atau mengeluarkan mana-mana buku, akaun, dokumen, data berkomputer, papan tanda, kad, surat, risalah, lembaran, notis, kemudahan, radas, kelengkapan, peranti, benda atau perkara yang dilak atau cuba untuk berbuat demikian adalah melakukan suatu kesalahan.

(8) Jika suatu penggeledahan di bawah seksyen ini menunjukkan bahawa terdapat apa-apa kelengkapan yang menyebabkan gangguan, radas radio atau kelengkapan yang peka radio, maka pegawai diberi kuasa boleh mengarahkan supaya langkah perlu diambil untuk memastikan suasana yang bebas daripada gangguan.

248. Jika seseorang pegawai polis yang berpangkat tidak rendah daripada Inspektor dalam mana-mana hal keadaan yang disebut dalam seksyen 247 mempunyai sebab yang munasabah untuk percaya bahawa oleh sebab kelengahan dalam memperoleh suatu waran penggeledahan di bawah seksyen itu penyiasatan akan termudarat atau keterangan pelakuan suatu kesalahan mungkin diganggu, dikeluarkan, dirosakkan atau dimusnahkan, pegawai itu boleh memasuki premis itu dan menjalankan dalam, di dan berkenaan dengan premis itu semua kuasa yang disebut dalam seksyen 247 dengan sepenuhnya dan secukupnya seolah-olah dia diberi kuasa untuk berbuat demikian oleh suatu waran yang dikeluarkan di bawah seksyen itu.

Pengeledahan dan penyitaan tanpa waran.

249. (1) Seseorang pegawai polis yang menjalankan suatu penggeledahan di bawah seksyen 247 atau 248 atau seseorang pegawai diberi kuasa yang menjalankan suatu penggeledahan di bawah seksyen 247 hendaklah diberi capaian kepada data berkomputer sama ada disimpan dalam suatu komputer atau selainnya.

Capaian kepada data berkomputer.

(2) Bagi maksud seksyen ini, "capaian" termasuk—

(a) diberi kata capaian, kod penyulitan, kod penyahsulitan, perisian atau perkakasan yang perlu dan apa-apa cara lain yang dikehendaki untuk membolehkan pemahaman data berkomputer; dan

(b) erti yang diberikan kepadanya oleh subseksyen 2(2) dan (5) Akta Jenayah Komputer 1997. *Akta 563.*

250. (1) Kecuali sebagaimana yang diperuntukkan dalam subseksyen (2), jika apa-apa buku, akaun, dokumen, data berkomputer, papan tanda, kad, surat, risalah, lembaran, notis, kemudahan, radas, kelengkapan, peranti, benda atau perkara disita di bawah seksyen 247 atau 248, pegawai yang menyita hendaklah menyediakan suatu senarai benda yang disita dan secara serta-merta menyerahkan suatu salinan senarai itu yang ditandatangani olehnya kepada penduduk premis yang telah digeledah, atau kepada ejen atau pekerjanya, di premis itu.

Senarai benda yang disita.

(2) Jika premis itu tidak diduduki, pegawai yang menyita hendaklah apabila mungkin menampalkan dengan ketara di premis itu suatu senarai benda yang disita.

Pelepasan
benda yang
disita.

251. (1) Jika apa-apa benda telah disita di bawah Akta ini, seorang pegawai polis yang ditentukan, selain pegawai polis yang membuat penyitaan itu, boleh pada bila-bila masa selepas itu sebelum benda itu dilucuthakkan di bawah Akta ini melepaskan benda itu kepada orang yang diputuskan olehnya sebagai berhak secara sah kepada benda itu jika dia berpuas hati bahawa benda itu tidak boleh dilucuthakkan di bawah Akta ini dan tidak diperlukan selainnya bagi maksud mana-mana prosiding di bawah Akta ini, atau bagi maksud apa-apa pendakwaan di bawah mana-mana undang-undang lain, dan jika ini berlaku baik pegawai yang menjalankan penyitaan itu mahupun pihak Kerajaan atau mana-mana orang yang bertindak bagi pihak Kerajaan tidaklah boleh dikenakan apa-apa prosiding oleh mana-mana orang jika penyitaan dan pelepasan benda itu telah dibuat dengan suci hati.

(2) Suatu rekod bertulis hendaklah dibuat oleh pegawai yang membuat pelepasan mana-mana benda di bawah subseksyen (1) yang menyatakan secara terperinci hal keadaan, dan sebab bagi, pelepasan itu, dan dia hendaklah menghantarkan satu salinan rekod itu kepada Pendakwa Raya dan kepada Ketua Polis Negara dalam tempoh tujuh hari dari pelepasan itu.

Kuasa untuk
memintas
komunikasi.

252. (1) Walau apa pun peruntukan mana-mana undang-undang bertulis yang lain, Pendakwa Raya, jika dia berpendapat bahawa maha-mana komunikasi mungkin mengandungi apa-apa maklumat yang berkaitan bagi raaksud mana-mana penyiasatan mengenai suatu kesalahan di bawah Akta ini atau perundangan subsidiarinya, boleh, atas permohonan seorang pegawai diberi kuasa atau seorang pegawai polis berpangkat Penguasa atau yang lebih tinggi, memberi kuasa pegawai itu untuk memintas atau untuk mendengar mana-mana komunikasi yang dihantar atau diterima melalui mana-mana alat komunikasi.

(2) Apabila mana-mana orang didakwa atas suatu kesalahan di bawah Akta ini atau perundangan subsidiarinya, apa-apa maklumat yang diperolehi oleh seorang pegawai diberi kuasa atau seorang pegawai polis di bawah subseksyen (1), sama ada sebelum atau selepas orang itu didakwa, boleh diterima sebagai keterangan semasa perbicaraannya.

(3) Pemberikuasaan oleh Pendakwa Raya di bawah subseksyen (1) boleh diberikan secara lisan atau bertulis; tetapi jika suatu pemberikuasaan lisan diberikan, Pendakwa Raya hendaklah, secepat yang dapat dilaksanakan, mengubah pemberikuasaan itu ke dalam bentuk bertulis.

(4) Suatu perakuan oleh Pendakwa Raya yang menyatakan bahawa tindakan yang diambil oleh seorang pegawai diberi kuasa atau seorang pegawai polis di bawah subseksyen (1) telah diberi kuasa oleh Pendakwa Raya di bawah subseksyen itu hendaklah menjadi keterangan muktamad bahawa tindakan itu telah diberi kuasa sedemikian, dan perakuan itu boleh diterima sebagai keterangan tanpa bukti tandatangan Pendakwa Raya.

(5) Tiada seorang pun mempunyai mana-mana tugas, kewajipan atau tanggungan, atau boleh dengan apa-apa cara dipaksa, untuk mendedahkan dalam mana-mana prosiding tatacara, kaedah, aturan atau cara, atau apa-apa perkara yang berkaitan dengannya, mengenai apa-apa jua yang dilakukan di bawah subseksyen (1).

253. Seseorang yang menyerang, menghalang, menggalang atau mengganggu seseorang pegawai diberi kuasa, atau enggan memberikan laluan ke mana-mana premis kepada seorang pegawai diberi kuasa dalam pelaksanaan tugas-tugasnya di bawah Akta ini atau perundangan subsidiarinya adalah melakukan suatu kesalahan dan apabila disabitkan boleh didenda tidak melebihi dua puluh ribu ringgit atau dipenjarakan selama tempoh tidak melebihi enam bulan atau kedua-duanya.

Galangan
pengele-
dahan.

Kuasa tambahan.

254. Seorang pegawai diberi kuasa hendaklah, bagi maksud pelaksanaan Akta ini atau perundangan subsidiarinya, mempunyai kuasa untuk melakukan semua atau mana-mana yang berikut:

- (a) menghendaki pengemukaan rekod, akaun, data berkomputer dan dokumen yang disimpan oleh seseorang pemegang lesen atau orang lain dan untuk memeriksa, meneliti dan untuk memuatturunkan daripadanya, membuat salinannya atau mengambil cabutan daripadanya;
- (b) menghendaki pengemukaan mana-mana dokumen pengenalan daripada mana-mana orang berhubung dengan mana-mana kes atau kesalahan di bawah Akta ini atau perundangan subsidiarinya; dan
- (c) membuat apa-apa siasatan yang perlu untuk menentukan sama ada peruntukan Akta ini atau perundangan subsidiarinya telah dipatuhi.

Kuasa untuk menghendaki kehadiran orang yang tahu mengenai kes.

255. (1) Seorang pegawai diberi kuasa yang menjalankan suatu penyiasatan di bawah Akta ini boleh, melalui perintah secara bertulis, menghendaki supaya hadir di hadapannya seseorang yang pada hemat pegawai diberi kuasa itu tahu tentang hal keadaan kes itu, dan orang itu hendaklah hadir sebagaimana yang dikehendaki sedemikian.

(2) Jika orang itu tidak hadir sebagaimana yang dikehendaki, pegawai diberi kuasa itu boleh melaporkan ketidakhadiran itu kepada seorang Majistret yang hendaklah mengeluarkan suatu waran untuk memastikan kehadiran orang itu.

Pemeriksaan orang yang tahu mengenai kes.

256. (1) Seseorang pegawai diberi kuasa yang menjalankan suatu penyiasatan di bawah Akta ini boleh memeriksa secara lisan seseorang yang dijangka tahu mengenai fakta dan hal keadaan kes itu.

(2) Orang itu adalah terikat di sisi undang-undang untuk menjawab semua soalan berkaitan dengan kes itu yang diajukan kepadanya oleh pegawai diberi kuasa itu,

tetapi orang itu boleh enggan menjawab mana-mana soalan yang jawapannya mungkin akan mendedahkannya kepada pertuduhan jenayah atau penalti atau pelucuthakan.

(3) Seseorang yang membuat suatu pernyataan di bawah seksyen ini adalah terikat di sisi undang-undang untuk menyatakan yang sebenar, sama ada pernyataan itu dibuat secara keseluruhannya atau sebahagiannya sebagai jawapan kepada soalan.

(4) Pegawai diberi kuasa yang memperoleh maklumat daripada seseorang hendaklah terlebih dahulu memaklumkan orang itu peruntukan subseksyen (2) dan (3).

(5) Sesuatu pernyataan yang dibuat oleh seseorang di bawah seksyen ini hendaklah, apabila mungkin, diubah ke dalam bentuk bertulis dan ditandatangani oleh orang yang membuatnya atau ditandakan dengan cap ibu jarinya, mengikut mana-mana yang berkenaan, selepas pernyataan itu dibacakan kepadanya dalam bahasa dia membuat pernyataan itu dan selepas dia telah diberi peluang untuk membuat apa-apa pembedulan yang dia mahu.

257. (1) Jika mana-mana orang dipertuduh atas suatu kesalahan di bawah Akta ini, apa-apa pernyataan, sama ada pernyataan itu merupakan suatu pengakuan atau tidak atau sama ada pernyataan itu dibuat secara lisan atau bertulis, yang dibuat pada bila-bila masa, sama ada sebelum atau selepas orang itu dipertuduh dan sama ada dalam perjalanan suatu penyiasatan di bawah Akta ini atau tidak dan sama ada atau tidak secara keseluruhannya atau sebahagiannya sebagai jawapan kepada soalan, oleh orang itu kepada atau dengan didengar oleh seorang pegawai diberi kuasa dan sama ada diterjemahkan kepadanya atau tidak oleh seorang pegawai lain atau orang lain, boleh diterima sebagai keterangan dalam perbicaraannya dan, jika orang yang dipertuduh itu mengemukakan dirinya sebagai seorang saksi, mana-mana pernyataan sedemikian boleh digunakan semasa pemeriksaan balas dan bagi tujuan mencabar kebolehpercayaannya.

Kebolehterimaan pernyataan sebagai keterangan.

(2) Tiada pernyataan di bawah subseksyen (1) boleh diterima atau digunakan—

(a) jika pembuatan pernyataan itu pada hemat mahkamah telah disebabkan oleh apa-apa dorongan, ugutan atau janji yang berkaitan dengan pertuduhan terhadap orang itu yang datang daripada seseorang yang berkuasa dan cukup pada pendapat mahkamah untuk memberi orang yang dipertuduh itu alasan yang pada pandangannya munasabah untuk mengandaikan bahawa dengan membuat pernyataan itu dia akan mendapat apa-apa kelebihan atau mengelakkan apa-apa kemudatan yang bersifat duniawi berkenaan dengan prosiding terhadapnya; atau

(b) dalam hal suatu pernyataan yang dibuat oleh orang itu selepas penangkapannya, melainkan jika mahkamah berpuas hati bahawa dia telah diberi amaran dengan perkataan yang berikut atau perkataan yang mempunyai maksud yang sama:

"Menjadi tugas saya untuk memberikan , amaran kepada anda bahawa anda tidak berkewajipan untuk menyatakan apa-apa atau untuk menjawab apa-apa soalan, tetapi apa-apa yang anda nyatakan, sama ada sebagai jawapan kepada suatu soalan atau tidak, boleh diberikan sebagai keterangan".

(3) Suatu pernyataan yang dibuat oleh seseorang sebelum ada kesempatan untuk memberikan amaran kepadanya tidaklah boleh menjadikan pernyataan itu tidak boleh diterima sebagai keterangan hanya semata-mata kerana orang itu tidak diberi amaran jika dia diberi amaran secepat yang mungkin selepas itu.

258. Apabila selesai penyiastannya mengenai suatu kesalahan di bawah Akta ini atau perundangan subsidiarinya, pegawai diberi kuasa hendaklah dengan segera memberikan semua maklumat yang berhubungan dengan pelakuan kesalahan itu kepada pegawai penjaga suatu balai polis dan seorang pegawai polis boleh menangkap, dengan waran, seseorang yang mungkin telah melakukan suatu kesalahan di bawah Akta ini atau perundangan subsidiarinya.

Pegawai diberi kuasa hendaklah menyempurnakan penyiastan dan menyerahkannya kepada polis.

259. Tiada pendakwaan boleh dimulakan bagi suatu kesalahan di bawah Akta ini tanpa keizinan secara bertulis Pendakwa Raya.

Pendakwaan.

260. (1) Apa-apa kemudahan, radas; kelengkapan, peranti, benda atau perkara yang disita di bawah Akta ini boleh dilucuthakkan.

Pelucuthakan.

(2) Suatu perintah bagi pelucuthakan atau pelepasan raana-mana kemudahan, radas, kelengkapan, peranti, benda atau perkara yang boleh dilucuthakkan di bawah seksyen ini hendaklah dibuat oleh mahkamah yang di hadapannya pendakwaan berkenaan dengannya telah diadakan dan suatu perintah bagi pelucuthakan kemudahan, radas, kelengkapan, peranti, benda atau perkara hendaklah dibuat jika dibuktikan sehingga mahkamah berpuas hati bahawa suatu kesalahan di bawah Akta ini atau perundangan subsidiarinya, atau apa-apa pelanggaran syarat-syarat yang tertakluk kepadanya suatu lesen telah diberikan atau suatu penguntukan telah dikeluarkan, telah dilakukan dan bahawa kemudahan, radas, kelengkapan, peranti, benda atau perkara itu telah digunakan dalam pelakuan kesalahan itu walaupun pada hakikatnya tiada seorang pun telah disabitkan atas kesalahan atau pelanggaran itu.

(3) Jika tiada pendakwaan berkenaan dengan mana-mana kemudahan, radas, kelengkapan, peranti, benda atau perkara yang disita dalam perjalanan mana-mana kuasa yang diberikan di bawah Akta ini, maka kemudahan,

radas, kelengkapan, peranti, benda atau perkara itu hendaklah dianggap atau disifatkan telah dilucuthakkan setelah tamat tempoh satu bulan kalendar dari tarikh ia disita melainkan jika suatu tuntutan dibuat sebelum tarikh itu mengikut cara yang diperuntukkan dalam seksyen ini.

(4) Seseorang yang menegaskan bahawa dialah pemunya mana-mana kemudahan, radas, kelengkapan, peranti, benda atau perkara yang disita di bawah Akta ini dan bahawa kemudahan, radas, kelengkapan, peranti, benda atau perkara itu tidak boleh dilucuthakkan boleh sendiri atau melalui ejennya yang diberi kuasa secara bertulis olehnya memberikan notis bertulis kepada Suruhanjaya atau mana-mana pegawai diberi kuasa mengenai tuntutannya.

(5) Apabila menerima suatu notis di bawah subseksyen (4), Suruhanjaya atau mana-mana pegawai diberi kuasa hendaklah, selepas apa-apa siasatan yang perlu, mengarahkan supaya kemudahan, radas, kelengkapan, peranti, benda atau perkara itu dilepaskan atau dilucuthakkan atau merujuk kes itu kepada Hakim Mahkamah Sesyen bagi keputusannya.

(6) Hakim Mahkamah Sesyen yang kepadanya kes itu dirujuk hendaklah mengeluarkan suatu saman yang menghendaki orang yang menegaskan bahawa dialah pemunya kemudahan, radas, kelengkapan, peranti, benda atau perkara itu dan orang yang daripadanya kemudahan, radas, kelengkapan, peranti, benda atau perkara itu disita hadir di hadapannya dan apabila dia hadir atau tidak hadir, setelah penyampaian wajar saman dibuktikan, Hakim Mahkamah Sesyen itu hendaklah terus memeriksa kes itu dan apabila dibuktikan bahawa suatu kesalahan di bawah Akta ini telah dilakukan dan bahawa kemudahan, radas, kelengkapan, peranti, benda atau perkara itu merupakan hal perkara atau telah digunakan dalam pelakuan kesalahan itu, hendaklah memerintahkan supaya kemudahan, radas, kelengkapan, peranti, benda atau perkara itu dilucuthakkan atau boleh, jika tiada bukti

sedemikian, memerintahkan pelepasan kemudahan, radas, kelengkapan, peranti, benda atau perkara itu kepada orang yang berhak kepadanya.

(7) Mana-mana kemudahan, radas, kelengkapan, peranti, benda atau perkara yang dilucuthakkan atau disifatkan telah dilucuthakkan hendaklah diserahkan kepada Suruhanjaya atau seorang pegawai diberi kuasa yang hendaklah melupuskannya mengikut cara yang difikirkan sesuai oleh Suruhanjaya.

261. Walau apa pun mana-mana undang-undang bertulis lain yang bertentangan, Mahkamah Sesyen hendaklah mempunyai bidang kuasa untuk membicarakan mana-mana kesalahan di bawah Akta ini.

Bidang kuasa untuk membicarakan kesalahan.

262. Suruhanjaya boleh memerintahkan supaya dibayar ganjaran yang difikirkannya sesuai kepada mana-mana pegawai polis atau pegawai awam lain atau orang lain bagi perkhidmatan yang diberikan berkaitan dengan pengesanan mana-mana kesalahan di bawah Akta ini atau perundangan subsidiarinya, atau berhubung dengan mana-mana prosiding pelucuthakan, atau mana-mana penyitaan yang dibuat, di bawah Akta ini.

Ganjaran.

Bab 4

Perkara Kepentingan Negara

263. (1) Seorang pemegang leseri hendaklah dengan sedaya upayanya mencegah kemudahan rangkaian yang dipunyai atau diberikan olehnya atau perkhidmatan rangkaian, perkhidmatan aplikasi atau perkhidmatan aplikasi kandungan yang diberikan olehnya daripada digunakan dalam, atau berhubung dengan, pelakuan apa-apa kesalahan di bawah mana-mana undang-undang Malaysia.

Kewajipan am pemegang lesen.

(2) Seorang pemegang lesen hendaklah, apabila diminta secara bertulis oleh Suruhanjaya atau mana-mana pihak berkuasa lain, membantu Suruhanjaya atau pihak berkuasa lain itu setakat yang semunasabahnya perlu dalam

mencegah pelakuan atau cubaan pelakuan sesuatu kesalahan di bawah mana-mana undang-undang bertulis Malaysia atau selainnya dalam menguatkuasakan undang-undang Malaysia, termasuklah, tetapi tidak terhad kepada, perlindungan hasil awam dan pemeliharaan pertahanan negara.

Orang yang tidak boleh disabitkan bagi perbuatan yang dilakukan dengan suci hati.

264. Mana-mana pemberi kemudahan rangkaian, pemberi perkhidmatan rangkaian, pemberi perkhidmatan aplikasi atau pemberi perkhidmatan aplikasi kandungan atau mana-mana daripada pekerjanya, tidak boleh dikenakan apa-apa prosiding jenayah daripada apa-apa sifat bagi apa-apa ganti rugi (termasuklah ganti rugi punitif), kerugian, kos atau perbelanjaan yang ditanggung atau akan ditanggung (sama ada secara langsung atau tidak) kerana apa-apa perbuatan atau peninggalan yang dilakukan dengan suci hati dalam pelaksanaan kewajipan dikenakan di bawah seksyen 263.

Kemampuan pemintasan rangkaian.

265. (1) Menteri boleh menentukan bahawa seseorang pemegang lesen atau sesuatu kelas pemegang lesen hendaklah melaksanakan kemampuan untuk membolehkan pemintasan komunikasi yang dibenarkan.

(2) Suatu penentuan, di bawah subseksyen (1), boleh menyatakan kehendak teknik bagi kemampuan pemintasan yang dibenarkan.

Kuasa khas semasa darurat.

266. (1) Apabila berlaku apa-apa darurat awam atau demi kepentingan keselamatan awam, Yang di-Pertuan Agong atau Menteri yang diberi kuasa olehnya bagi maksud yang sedemikian boleh—

- (a) menggantung lesen mana-mana pemegang lesen, mengambil kawalan sementara mana-mana kemudahan rangkaian, perkhidmatan rangkaian, perkhidmatan aplikasi dan/atau perkhidmatan aplikasi kandungan yang dipunyai atau diberikan oleh seseorang pemegang lesen mengikut apa-apa cara yang difikirkannya patut;

- (b) menarik balik sama ada keseluruhannya atau sebahagiannya penggunaan mana-mana kemudahan rangkaian, perkhidmatan rangkaian, perkhidmatan aplikasi dan/atau perkhidmatan aplikasi kandungan daripada mana-mana pemegang lesen, orang atau orang ramai;
- (c) memerintahkan bahawa mana-mana komunikasi atau kelas komunikasi kepada atau daripada mana-mana pemegang lesen, orang atau orang ramai berhubung dengan mana-mana perkara tertentu tidaklah boleh disampaikan atau hendaklah dipintas atau ditahan, atau bahawa apa-apa komunikasi sedemikian atau rekodnya hendaklah didedahkan kepada seorang pegawai diberi kuasa yang disebut dalam perintah itu; atau
- (d) memerintahkan pengambilmilikan mana-mana kelengkapan pelanggan.

(2) Jika apa-apa keraguan timbul tentang kewujudan suatu darurat awam atau sama ada mana-mana tindakan yang dilakukan di bawah subseksyen (1) adalah demi kepentingan keselamatan awam, suatu perakuan yang ditandatangani oleh Yang di-Pertuan Agong dan dipamerkan di tempat-tempat sebagaimana yang difikirkan patut oleh Menteri hendaklah menjadi bukti muktamad tentang perkara itu.

(3) Jika Menteri mengambil milikan mana-mana kemudahan rangkaian, perkhidmatan rangkaian, perkhidmatan aplikasi, perkhidmatan aplikasi kandungan atau kelengkapan pelanggan di bawah subseksyen (1), orang yang dilesenkan di bawah Akta ini berkenaan dengan kemudahan, perkhidmatan atau kelengkapan itu hendaklah dibayar pampasan secukupnya yang akan ditentukan oleh Menteri selepas memberi pemegang lesen itu peluang untuk didengar tentang perkara itu.

(4) Tiada apa-apa jua dalam seksyen ini boleh menghalang penggunaan mana-mana kemudahan rangkaian, perkhidmatan rangkaian, perkhidmatan aplikasi, perkhidmatan aplikasi kandungan atau kelengkapan pelanggan bagi maksud membuat suatu panggilan kecemasan.

Rancangan
bencana.

267. Suruhanjaya boleh mengarahkan seseorang pemegang lesen atau sesuatu kelas pemegang lesen supaya mengadakan, dengan berunding dengan pihak berkuasa yang dinyatakan oleh Suruhanjaya, suatu rancangan bencana bagi kebolehterushidupan dan pemulihan mana-mana kemudahan rangkaian, perkhidmatan rangkaian, perkhidmatan aplikasi atau perkhidmatan aplikasi kandungan sekiranya berlaku bencana, krisis atau darurat awam.

Bab 5

Pelbagai

Menteri
boleh
membuat
kaedah-
kaedah
mengenai
penyimpanan
rekod.

268. Menteri boleh membuat kaedah-kaedah, yang hendaklah disiarkan dalam *Warta*, untuk mengadakan peruntukan bagi penyimpanan rekod dan untuk menghendaki seorang pemegang lesen atau lebih atau sesiapa jua untuk menyimpan dan menyenggara rekod.

Kerjasama
dengan pihak
berkuasa
lain.

269. (1) Menteri boleh memberikan arahan kepada Suruhanjaya mengenai perkiraan kerjasama antara Suruhanjaya dengan mana-mana pihak berkuasa lain di Malaysia atau di negara asing, atau mana-mana organisasi antarabangsa.

(2) Menteri boleh membuat kaedah-kaedah, yang hendaklah disiarkan dalam *Warta*, dan/atau menentukan perkiraan bagi kerjasama dengan, atau keanggotaan dalam, organisasi antarabangsa berkenaan dengan perkiraan kerjasama antara pemegang lesen di bawah Akta ini dengan organisasi antarabangsa.

(3) Suruhanjaya boleh mengarahkan seorang pemegang lesen supaya mematuhi kaedah-kaedah yang dibuat dan/atau perkiraan yang ditentukan di bawah subseksyen (2).

Surat cara
yang
diberikan di
bawah Akta
ini.

270. Sesuatu surat cara yang dikeluarkan, dibuat atau diberikan di bawah Akta ini boleh membuat peruntukan berhubung dengan sesuatu perkara dengan memakai, menerima pakai atau memasukkan (dengan atau tanpa ubahsuaian) peruntukan mana-mana undang-undang bertulis lain yang berkuat kuasa pada masa itu.

271. Jika terdapat apa-apa ketidakselarasan atau percanggahan antara Akta ini dengan mana-mana undang-undang bertulis lain yang berkaitan, peruntukan Akta ini hendaklah mengatasinya setakat ketidakselarasan atau percanggahan itu.

Akta ini mengatasi Akta latri.

272. Tiada tindakan atau pendakwaan boleh dibawa, dimulakan atau disenggarakan dalam mana-mana mahkamah terhadap—

Pelindungan pegawai dan orang lain.

- (a) Suruhanjaya atau seseorang pegawai diberi kuasa atau mana-mana orang lain berkenaan dengan mana-mana tindakan yang diarahkan atau dilakukan bagi maksud melaksanakan Akta ini; dan
- (b) mana-mana orang lain berkenaan dengan apa-apa tindakan yang dilakukan atau berupa seperti dilakukan olehnya di bawah perintah, arahan atau petunjuk Suruhanjaya atau seorang pegawai diberi kuasa jika tindakan itu dilakukan dengan suci hati dan dengan kepercayaan munasabah bahawa ia perlu bagi tujuan yang dimaksudkan yang hendak dicapai olehnya.

BAHAGIAN XI

PERUNTUKAN PERALIHAN

Bab I

Pemansuhan Dan Kecualian

273. (1) Akta Telekomunikasi 1950 dan Akta Penyiaran 1988 dimansuhkan ("Akta-Akta yang dimansuhkan").

Pemansuhan. Akta 20. Akta 338.

(2) Mana-mana perundangan subsidiari yang dibuat di bawah Akta-Akta yang dimansuhkan hendaklah terus berkuat kuasa, setakat yang selaras dengan Akta ini, sehingga dibatalkan atau digantikan dengan perundangan subsidiari yang dibuat di bawah Akta ini, dan hendaklah disifatkan bagi semua maksud telah dibuat di bawah Akta ini.

(3) Menteri boleh, apabila pada hematnya perlu atau suaimanfaat untuk berbuat demikian sama ada bagi maksud menghapuskan kesulitan atau akibat daripada lulusnya Akta ini, melalui perintah yang hendaklah disiarkan dalam *Warta*, membuat apa-apa ubahsuaian kepada mana-mana perundangan subsidiari sebagaimana yang disifatkannya sesuai.

Pembubaran
Kumpulan
Wang
Telekomuni-
kasi.

274. (1) Kumpulan Wang Telekomunikasi adalah dibubarkan.

(2) Segala wang yang ada dalam Kumpulan Wang Telekomunikasi hendaklah dipindahkan, pada tarikh Akta ini mula berkuat kuasa, kepada dan diletakhakkan pada Kumpulan Wang yang ditubuhkan di bawah Akta Suruhanjaya Komunikasi dan Multimedia Malaysia 1998.

Kecualian.

275. Mana-mana pendaftaran, tindakan, perintah, arahan, kelulusan atau keputusan yang telah dilakukan, dibuat atau diberikan sebelum tarikh Akta ini mula berkuat kuasa hendaklah disifatkan telah dilakukan, dibuat atau diberikan di bawah Akta ini dan hendaklah terus berkuat kuasa dan berkesan berhubung dengan mereka yang terhadapnya ia terpakai sehingga dipinda atau dibatalkan di bawah Akta ini atau kaedah-kaedah, peraturan-peraturan atau perundangan subsidiari lain yang baru dibuat di bawahnya atau sehingga tarikh habis tempohnya.

Bab 2

Peruntukan Peralihan Bagi Lesen

Lesen lama
hendaklah
berkuat
kuasa.

276. Tertakluk kepada seksyen 278, lesen yang dikeluarkan di bawah Akta-Akta yang dimansuhkan ("lesen lama") hendaklah terus berkuat kuasa di bawah Akta ini.

Lesen kelas
baru
hendaklah
menggantikan
lesen lama.

277. Walau apa pun seksyen 276, suatu lesen lama tidak boleh berkuat kuasa setakat apa-apa percanggahan dengan suatu lesen kelas yang diberikan di bawah Akta ini.

278. Walau apa pun seksyen 276, suatu lesen yang sah yang diberikan di bawah Akta-Akta yang dimansuhkan hendaklah hanya berkuat kuasa selama tempoh dua belas bulan selepas tarikh yang ditetapkan, melainkan jika lesen itu telah didaftarkan ("lesen berdaftar") oleh Suruhanjaya dalam masa dua belas bulan dari tarikh yang ditetapkan.

Lesen lama hendaklah didaftarkan.

279. Akta ini tidak memberikan apa-apa faedah atau hak baru kepada seorang pemegang lesen yang berdaftar di bawah seksyen 278 kecuali jika faedah atau hak itu telah diberikan di bawah lesen lama.

Lesen berdaftar tidak memberikan faedah baru.

280. Seorang pemegang suatu lesen yang diberikan di bawah Akta-Akta yang dimansuhkan hendaklah menyatakan kepada Menteri secara bertulis dalam tempoh dua belas bulan dari tarikh yang ditetapkan sama ada dia berhasrat untuk mendapatkan lesen di bawah Akta ini atau tidak.

Pemegang lesen lama hendaklah menyatakan hasrat.

281. (1) Seseorang pemegang suatu lesen berdaftar, yang diberikan di bawah Akta-Akta yang dimansuhkan, boleh memohon untuk mendapatkan lesen individu di bawah Akta ini untuk menggantikan lesen lamanya.

Pemegang lesen berdaftar boleh memohon untuk mendapatkan lesen individu di bawah Akta ini.

(2) Menteri boleh mengisytiharkan, mengikut seksyen 13, bahawa suatu lesen individu, yang diberikan di bawah subseksyen (1), hendaklah tertakluk kepada apa-apa syarat am atau standard yang ditentukan oleh Menteri bagi setiap jenis lesen dan apa-apa syarat khas atau tambahan yang Menteri berpuas hati adalah demi kepentingan negara.

282. (1) Suruhanjaya hendaklah membuat suatu penentuan, mengikut seksyen 55, berkenaan dengan penyenaian semua kemudahan dan perkhidmatan yang ada kepada pemegang lesen di bawah lesen yang diberikan di bawah Akta Telekomunikasi 1950, bagi maksud memastikan penyambungan titik ke titik antara pengguna-pengguna akhir.

Penentuan kemudahan dan perkhidmatan tersenarai.

Akta 20.

(2) Walau apa pun Bahagian V, Suruhanjaya tidaklah dikehendaki untuk menjalankan suatu siasatan sebelum membuat suatu penentuan di bawah seksyen ini.

JADUAL

(Subseksyen 32(2), 44(2), 127(1) and 206(1))

SYARAT-SYARAT LESEN

1. Lesen Individu Pemberi Kemudahan Rangkaian	
Syarat-syarat standard lesen	
	Pemegang lesen hendaklah merupakan suatu syarikat yang diperbadankan di Malaysia.
	Pemegangan syer syarikat hendaklah mematuhi had pelaburan asing Malaysia yang berkaitan.
	Pemegang lesen hendaklah memaklumkan Menteri apa-apa perubahan tentang pemegangan syer yang dikehendaki supaya dimaklumkan kepada pihak berkuasa yang berkaitan.
	Pemegang lesen hendaklah memaklumkan Menteri apa-apa usaha sama dengan pemegang lesen lain yang dibuat oleh pemegang lesen itu.
	Lesen ini menggantikan mana-mana lesen lain yang diberikan oleh Menteri dan hendaklah menjadi lesen tunggal yang dipegang oleh pemegang lesen berkenaan dengan kemudahan rangkaian yang dibenarkan di bawah lesen ini.
	Pemegang lesen hendaklah mematuhi peruntukan Akta Komunikasi dan Multimedia 1998 ("Akta ini").
	Pemegang lesen hendaklah mematuhi peruntukan mana-mana perundangan subsidiari yang dibuat, atau surat cara, garis panduan atau dasar pengawalseliaan lain yang dikeluarkan, di bawah Akta ini.
	Pemegang lesen hendaklah mematuhi rancangan penomboran dan pengalamatan elektronik yang dikeluarkan di bawah Akta ini.
	Pemegang lesen hendaklah mematuhi rancangan spektrum yang dikeluarkan di bawah Akta ini.

	Pemegang lesen hendaklah mematuhi mana-mana kod pengguna berdaftar di bawah Akta ini yang berkaitan dengan aktiviti pemegang lesen.
	Pemegang lesen hendaklah menanggung rugi Menteri dan Suruhanjaya terhadap apa-apa tuntutan atau prosiding yang timbul daripada apa-apa pelanggaran atau kegagalan pada pihak pemegang lesen.
	Syarat-syarat standard dan perkara lain yang diisytiharkan oleh Menteri, atau diperuntukkan dalam mana-mana perundangan subsidiari, di bawah Akta ini.
Syarat-syarat khas lesen	
	Takrif terma yang digunakan dalam lesen.
	Tempoh lesen.
	Fi permulaan lesen.
	Jadual fi tahunan lesen: Pusing ganti tahunan % RM..... % RM..... % RM..... %
	Kawasan yang dilesenkan.
	Lokasi pusat kawalan.
	Peratusan keseluruhan perkhidmatan yang beroperasi di kawasan yang ditentukan oleh Suruhanjaya sebagai "kawasan yang kurang liputan perkhidmatan" atau diberikan kepada mereka yang ditentukan oleh Suruhanjaya sebagai "kumpulan yang kurang diberi perkhidmatan dalam masyarakat" di bawah seksyen 202 Akta ini.
	Pemasangan inirastruktur jalur lebar.
	Aku janji tertentu berkenaan dengan tahap pelaburan, aktiviti tertentu dan operasi.
	Hak dan keistimewaan tertentu yang dipersetujui antara pemegang lesen dengan Kerajaan yang tertakluk kepada aku janji yang dibuat oleh pemegang lesen itu.
	Kehendak supaya pemegang lesen memindahkan aset kepada Kerajaan pada penghujung tempoh lesen.
	Syarat-syarat khas dan perkara lain yang diisytiharkan oleh Menteri, atau diperuntukkan dalam mana-mana perundangan subsidiari, di bawah Akta ini.

2. Lesen Kelas Pemberi Kemudahan Rangkaian	
Syarat-syarat standard lesen	
	Lesen kelas menggantikan mana-mana lesen lain yang diberikan oleh Menteri dan hendaklah menjadi lesen tunggal yang dipegang oleh pemegang lesen berkenaan dengan kemudahan rangkaian yang dibenarkan di bawah lesen ini.
	Pemegang lesen hendaklah mematuhi peruntukan Akta Komunikasi dan Multimedia 1998 ("Akta ini").
	Pemegang lesen hendaklah mematuhi peruntukan mana-mana perundangan subsidiari yang dibuat, atau surat cara, garis panduan atau dasar pengawalseliaan lain yang dikeluarkan, di bawah Akta ini.
	Pemegang lesen hendaklah mematuhi rancangan penomboran dan pengalamanan elektronik yang dikeluarkan di bawah Akta ini.
	Pemegang lesen hendaklah mematuhi rancangan spektrum yang dikeluarkan di bawah Akta ini.
	Pemegang lesen hendaklah mematuhi mana-mana kod pengguna berdaftar di bawah Akta ini yang berkaitan dengan aktiviti pemegang lesen.
	Pemegang lesen hendaklah menanggung rugi Menteri dan Suruhanjaya terhadap apa-apa tuntutan atau prosiding yang timbul daripada apa-apa pelanggaran atau kegagalan pada pihak pemegang lesen.
	Syarat-syarat standard dan perkara lain yang diisytiharkan oleh Menteri, atau diperuntukkan dalam mana-mana perundangan subsidiari, di bawah Akta ini.
3. Lesen Individu Pemberi Perkhidmatan Rangkaian	
Syarat-syarat standard lesen	
	Pemegang lesen hendaklah merupakan suatu syarikat yang diperbadankan di Malaysia.

	Pemegangan syer syarikat hendaklah mematuhi had pelaburan asing Malaysia yang berkaitan.
	Pemegang lesen hendaklah memaklumkan Menteri apa-apa perubahan tentang pemegangan syer yang dikehendaki supaya dimaklumkan kepada pihak berkuasa yang berkaitan.
	Pemegang lesen hendaklah memaklumkan Menteri apa-apa usaha sama dengan pemegang lesen lain yang dibuat oleh pemegang lesen itu.
	Lesen ini menggantikan mana-mana lesen lain yang dibrikan oleh Menteri dan hendaklah menjadi lesen tunggal yang dipegang oleh pemegang lesen berkenaan dengan perkhidmatan rangkaian yang dibenarkan di bawah lesen ini.
	Pemegang lesen hendaklah mematuhi peruntukan Akta Komunikasi dan Multimedia 1998 ("Akta ini").
	Pemegang lesen hendaklah mematuhi peruntukan mana-mana perundangan subsidiari yang dibuat, atau surat cara, garis panduan atau dasar pengawalseliaan lain yang dikeluarkan, di bawah Akta ini.
	Pemegang lesen hendaklah mematuhi rancangan penomboran dan pengalamatan elektronik yang dikeluarkan di bawah Akta ini.
	Pemegang lesen hendaklah mematuhi rancangan spektrum yang dikeluarkan di bawah Akta ini.
	Pemegang lesen hendaklah mematuhi mana-mana kod pengguna berdaftar di bawah Akta ini yang berkaitan dengan aktiviti pemegang lesen.
	Pemegang lesen hendaklah menanggung rugi Menteri dan Suruhanjaya terhadap apa-apa tuntutan atau prosiding yang timbul daripada apa-apa pelanggaran atau kegagalan pada pihak pemegang lesen.
	Syarat-syarat standard dan perkara lain yang diisytiharkan oleh Menteri, atau diperuntukkan dalam mana-mana perundangan subsidiari, di bawah Akta ini.

Syarat-syarat khas lesen	
	Takrif terma yang digunakan dalam lesen.
	Tempoh lesen.
	Fi permulaan lesen.
	Jadual fi tahunan lesen: Pusing ganti tahunan % RM..... % RM..... % RM..... %
Kawasan yang dilesenkan.	
Lokasi pusat kawalan.	
	Peratusan keseluruhan perkhidmatan yang beroperasi di kawasan yang ditentukan oleh Suruhanjaya sebagai "kawasan yang kurang liputan perkhidmatan" atau diberikan kepada mereka yang ditentukan oleh Suruhanjaya sebagai "kumpulan yang kurang diberi perkhidmatan dalam masyarakat" di bawah seksyen 202 Akta ini.
	Pemberian perkhidmatan rangkaian jalur lebar.
	Aku janji tertentu berkenaan dengan tahap pelaburan, aktiviti tertentu dan operasi.
	Hak dan keistimewaan tertentu yang dipersetujui antara pemegang lesen dengan Kerajaan yang tertakluk kepada aku janji yang dibuat oleh pemegang lesen itu.
	Syarat-syarat khas dan perkara lain yang diisytiharkan oleh Menteri, atau diperuntukkan dalam mana-mana perundangan subsidiari, di bawah Akta ini.

4. Lesen Kelas Pemberi Perkhidmatan Rangkaian	
Syarat-syarat standard lesen	
	Lesen kelas menggantikan mana-mana lesen lain yang diberikan oleh Menteri dan hendaklah menjadi lesen tunggal yang dipegang oleh pemegang lesen berkenaan dengan perkhidmatan rangkaian yang dibenarkan di bawah lesen ini.
	Pemegang lesen hendaklah mematuhi peruntukan Akta Komunikasi dan Multimedia 1998 ("Akta ini").
	Pemegang lesen hendaklah mematuhi peruntukan mana-mana perundangan subsidiari yang dibuat, atau surat cara, garis panduan atau dasar pengawalseliaan lain yang dikeluarkan, di bawah Akta ini.
	Pemegang lesen hendaklah mematuhi rancangan penomboran dan pengalamatan elektronik yang dikeluarkan di bawah Akta ini.
	Pemegang lesen hendaklah mematuhi rancangan spektrum yang dikeluarkan di bawah Akta ini.
	Pemegang lesen hendaklah mematuhi mana-mana kod pengguna berdaftar di bawah Akta ini yang berkaitan dengan aktiviti pemegang lesen.
	Pemegang lesen hendaklah menanggung rugi Menteri dan Suruhanjaya terhadap apa-apa tuntutan atau prosiding yang timbul daripada apa-apa pelanggaran atau kegagalan pada pihak pemegang Lesen.
	Syarat-syarat standard dan perkara lain yang diisytiharkan oleh Menteri, atau diperuntukkan dalam mana-mana perundangan subsidiari, di bawah Akta ini.

5. Lesen Individu Pemberi Perkhidmatan Aplikasi	
Syarat-syarat standard lesen	
	Pemegang lesen hendaklah merupakan suatu syarikat yang diperbadankan di Malaysia.

	Pemegang syer syarikat hendaklah mematuhi had pelaburan asing Malaysia yang berkaitan.
	Pemegang lesen hendaklah memaklumkan Menteri apa-apa perubahan tentang pemegangan syer yang dikehendaki supaya dimaklumkan kepada pihak berkuasa yang berkaitan.
	Pemegang lesen hendaklah memaklumkan Menteri apa-apa usaha sama dengan pemegang lesen lain yang dibuat oleh pemegang lesen itu.
	Lesen ini menggantikan mana-mana lesen lain yang diberikan oleh Menteri dan hendaklah menjadi lesen tunggal yang dipegang oleh pemegang lesen berkenaan dengan perkhidmatan aplikasi yang dibenarkan di bawah lesen ini.
	Pemegang lesen hendaklah mematuhi peruntukan Akta Komunikasi dan Multimedia 1998 ("Akta ini").
	Pemegang lesen hendaklah mematuhi peruntukan mana-mana perundangan subsidiari yang dibuat, atau surat cara, garis panduan atau dasar pengawalseliaan lain yang dikeluarkan, di bawah Akta ini.
	Pemegang lesen hendaklah mematuhi rancangan penomboran dan pengalamatan elektronik yang dikeluarkan di bawah Akta ini.
	Pemegang lesen hendaklah mematuhi mana-mana kod pengguna berdaftar di bawah Akta ini yang berkaitan dengan aktiviti pemegang lesen.
	Pemegang lesen hendaklah menanggung rugi Menteri dan Suruhanjaya terhadap apa-apa tuntutan atau prosiding yang timbul daripada apa-apa pelanggaran atau kegagalan pada pihak pemegang lesen.
	Syarat-syarat standard dan perkara lain yang diisytiharkan oleh Menteri, atau diperuntukkan dalam mana-mana perundangan subsidiari, di bawah Akta ini.

Syarat-syarat khas lesen	
	Takrif terma yang digunakan dalam lesen.
	Tempoh lesen.
	Fi permulaan lesen.
	Jadual fi tahunan lesen: Pusing ganti tahunan % RM..... % RM..... % RM..... %
	Kawasan yang dilesenkan.
	Lokasi pusat kawalan.
	Peratusan jumlah keseluruhan trafik yang dibawa melalui kemudahan rangkaian pemegang lesen yang akan berasal dari, atau ditamat di, atau berasal dari dan tamat di kawasan yang ditentukan oleh Suruhanjaya sebagai "kawasan yang kurang liputan perkhidmatan" atau diberikan kepada mereka yang ditentukan oleh Suruhanjaya sebagai "kumpulan yang kurang diberi perkhidmatan" di bawah seksyen 202 Akta ini.
	Pemberian perkhidmatan aplikasi jalur lebar.
	Aku janji tertentu berkenaan dengan tahap pelaburan, aktiviti tertentu dan operasi.
	Hak dan keistimewaan tertentu yang dipersetujui antara pemegang lesen dengan Kerajaan yang tertakluk kepada aku janji yang dibuat oleh pemegang lesen itu.
	Syarat-syarat khas dan perkara lain yang diisytiharkan oleh Menteri, atau diperuntukkan dalam mana-mana perundangan subsidiari, di bawah Akta ini.

6. Lesen Kelas Pemberi Perkhidmatan Aplikasi	
Syarat-syarat standard lesen	
	Lesen kelas menggantikan mana-mana lesen lain yang diberikan oleh Menteri dan hendaklah menjadi lesen tunggal yang dipegang oleh pemegang lesen berkenaan dengan perkhidmatan aplikasi yang dibenarkan di bawah lesen ini.
	Pemegang lesen hendaklah mematuhi peruntukan Akta Komunikasi dan Multimedia 1998 ("Akta ini").
	Pemegang lesen hendaklah mematuhi peruntukan mana-mana perundangan subsidiari yang dibuat, atau surat cara, garis panduan atau dasar pengawalseliaan lain yang dikeluarkan, di bawah Akta ini.
	Pemegang lesen hendaklah mematuhi rancangan penomboran dan pengalamatan elektronik yang dikeluarkan di bawah Akta ini.
	Pemegang lesen hendaklah mematuhi mana-mana kod pengguna berdaftar di bawah Akta ini yang berkaitan dengan aktiviti pemegang lesen.
	Pemegang lesen hendaklah menanggung rugi Menteri dan Suruhanjaya terhadap apa-apa tuntutan atau prosiding yang timbul daripada apa-apa pelanggaran atau kegagalan pada pihak pemegang lesen.
	Syarat-syarat standard dan perkara lain yang diisytiharkan oleh Menteri, atau diperuntukkan dalam mana-mana perundangan subsidiari, di bawah Akta ini.

7. Lesen Individu Pemberi Perkhidmatan Aplikasi Kandungan	
Syarat-syarat standard lesen	
	Pemegang lesen hendaklah merupakan suatu syarikat yang diperbadankan di Malaysia.
	Pemegang syer syarikat hendaklah mematuhi had pelaburan asing Malaysia yang berkaitan.

	Pemegang lesen hendaklah memaklumkan Menteri apa-apa perubahan tentang pemegangan syer yang dikehendaki supaya dimaklumkan kepada pihak berkuasa yang berkaitan.
	Pemegang lesen hendaklah memaklumkan Menteri apa-apa usaha sama dengan pemegang lesen lain yang dibuat oleh pemegang lesen itu.
	Lesen ini menggantikan mana-mana lesen lain yang diberikan oleh Menteri dan hendaklah menjadi lesen tunggal yang dipegang oleh pemegang lesen berkenaan dengan perkhidmatan aplikasi kandungan yang dibenarkan di bawah lesen ini.
	Pemegang lesen hendaklah mematuhi peruntukan Akta Komunikasi dan Multimedia 1998 ("Akta ini").
	Pemegang lesen hendaklah mematuhi peruntukan mana-mana perundangan subsidiari yang dibuat, atau surat cara, garis panduan atau dasar pengawalseliaan lain yang dikeluarkan, di bawah Akta ini.
	Pemegang lesen hendaklah mematuhi mana-mana kod pengguna berdaftar di bawah Akta ini yang berkaitan dengan aktiviti pemegang lesen.
	Pemegang lesen hendaklah menanggung rugi Menteri dan Suruhanjaya terhadap apa-apa tuntutan atau prosiding yang timbul daripada apa-apa pelanggaran atau kegagalan pada pihak pemegang lesen.
	Syarat-syarat standard dan perkara lain yang diisytiharkan oleh Menteri, atau diperuntukkan dalam mana-mana perundangan subsidiari, di bawah Akta ini.
Syarat-syarat khas lesen	
	Takrif terma yang digunakan dalam lesen.
	Tempoh lesen.
	Fi permulaan lesen.

	Jadual fi tahunan lesen: Pusing ganti tahunan % RM..... % RM..... % RM..... %
	Kawasan yang dilesenkan.
	Lokasi pusat kawalan.
	Nama stesen.
	Waktu operasi.
	Peratusan keseluruhan kawasan perkhidmatan aplikasi kandungan yang diliputi oleh pemegang lesen yang bertempat di kawasan yang ditentukan oleh Suruhanjaya sebagai "kawasan yang kurang liputan perkhidmatan" atau diberikan kepada mereka yang ditentukan oleh Suruhanjaya sebagai "kumpulan yang kurang diberi perkhidmatan dalam masyarakat" di bawah seksyen 202 Akta ini.
	Kehendak supaya diberikan peratusan tertentu kandungan tempatan (termasuk kategori kandungan khas seperti: kehendak kandungan bahasa tertentu, kategori penghasilan tempatan tertentu seperti filem, pengiklanan, dll.).
	Aku janji tertentu berkenaan dengan tahap pelaburan, aktiviti tertentu dan operasi.
	Hak dan keistimewaan tertentu yang dipersetujui antara pemegang lesen dengan Kerajaan yang tertakluk kepada aku janji yang dibuat oleh pemegang lesen itu.
	Syarat-syarat khas dan perkara lain yang diisytiharkan oleh Menteri, atau diperuntukkan dalam mana-mana perundangan subsidiari, di bawah Akta ini.

8. Lesen Kelas Pemberi Perkhidmatan Aplikasi Kandungan

Syarat-syarat standard lesen

	Lesen kelas menggantikan mana-mana lesen lain yang diberikan oleh Menteri dan hendaklah menjadi lesen tunggal yang dipegang oleh pemegang lesen berkenaan dengan perkhidmatan aplikasi kandungan yang dibenarkan di bawah lesen ini.
--	--

	Pemegang lesen hendaklah mematahi peruntukan Akta Komunikasi dan Multimedia 1998 ("Akta ini").
	Pemegang lesen hendaklah mematuhi peruntukan mana-mana perundangan subsidiari yang dibuat, atau surat cara, garis panduan atau dasar pengawalseliaan lain yang dikeluarkan, di bawah Akta ini.
	Pemegang lesen hendaklah mematuhi rancangan penomboran dan pengalamatan elektronik yang dikeluarkan di bawah Akta ini.
	Pemegang lesen hendaklah mematuhi mana-mana kod pengguna berdaftar di bawah Akta ini yang berkaitan dengan aktiviti pemegang lesen.
	Pemegang lesen hendaklah menanggung rugi Menteri dan Suruhanjaya terhadap apa-apa tuntutan atau prosiding yang timbul daripada apa-apa pelanggaran atau kegagalan pada pihak pemegang lesen.
	Syarat-syarat standard dan perkara lain yang diisytiharkan oleh Menteri, atau diperuntukkan dalam mana-mana perundangan subsidiari, di bawah Akta ini.

HURAIAN


Rang Undang-Undang ini bertujuan untuk membuat peruntukan baru dan lebih baik untuk mengawal selia industri komunikasi dan multimedia yang menjurus ke arah percantuman.

PANDANGAN MENYELURUH

2. Ruang lingkup Akta Komunikasi dan Multimedia 1998 ("Akta") yang dicadangkan ini meliputi komunikasi menerusi media elektronik tetapi tidak meliputi media cetak. Ia juga tidak menyentuh pemakaian am undang-undang yang sedia ada mengenai keselamatan negara, kandungan yang salah di sisi undang-undang, fitnah dan hak cipta. Undang-undang sedemikian masih lagi terpakai kepada semua bentuk kandungan, tidak kira bahan taranya.

3. Akta tidak nienyentuh ruang lingkup perundangah lain yang sedia ada yang mengawal selia perkhidmatan media dan kandungan tradisional. Namun, ia mengatasi beberapa peruntukan tertentu yang berkaitan dengan media tradisional yang jika tidak akan mempunyai kesan yang mengehendkan atau tidak produktif ke atas kemajuan industri komunikasi dan multimedia,
4. Akta mewujudkan suatu rangka kerja bagi campur tangan pengawalseliaari untuk memajukan matlamat dasar kebangsaan Malaysia bagi industri komunikasi dan multirriedia. Ini merupakan suatu industri yang sedang berkembang dan dalam industri itu berbagai-bagai industri yang secara tradisionalnya berfungsi secara sendirian sedang menuju ke arah percantuman.
5. Aktiviti dan perkhidmatan yang dikawal selia di bawah Akta ini termasuk penyiaran, telekomunikasi, dan perkhidmatan dalam talian tradisional, termasuklah kemudahan dan rangkaian yang digunakan dalam memberikan perkhidmatan sedemikian, dan juga kandungan yang dibekalkan menerusi kemudahan dan rangkaian itu.
6. Akta bertujuan untuk mengadakan suatu set generik peruntukan pengawalseliaian yang diasaskan kepada takrif generik pasaran dan aktiviti perkhidmatan dan perkhidmatan. Walaupun industri komunikasi dan multimedia boleh merangkumi perkhidmatan dan aktiviti yang dirangkaikan dan tidak dirangkaikan, bidang kuasa Akta ini terhad kepada perkhidmatan dan aktiviti yang dirangkaikan sahaja.
7. Peserta penting dalam industri yang dikawal selia di bawah Akta termasuk yang berikut:
 - pemberi kemudahan rangkaian, yang merupakan pemunya kemudahan, seperti stesen satelit bumi, kabel optik gentian jalur lebar, ibu sawat dan talian telekomunikasi, kelengkapan penghantaran radiokomunikasi, stesen pangkalan komunikasi mudah gerak, dan menara dan kelengkapan penghantaran penyiaran;
 - pemberi perkhidmatan rangkaian, yang menyediakan sambungan dan lebar jalur asas untuk menyokong pelbagai aplikasi;
 - pemberi perkhidmatan aplikasi, yang menyediakan fungsi tertentu seperti perkhidmatan suara, perkhidmatan data, perkhidmatan berasaskan kandungan, dan perdagangan elektronik dan perkhidmatan penghantaran lain; dan
 - pemberi perkhidmatan aplikasi kandungan yang merupakan subset khas kepada pemberi perkhidmatan aplikasi termasuklah perkhidmatan penyiaran tradisional dan perkhidmatan yang lebih baru seperti percetakan dan perkhidmatan maklumat dalam talian.

8. Akta disusun mengikut suatu struktur bermodul mengikut jenis campur .tangan pengawalseliaan yang berbeza yang dikehendaki, seperti yang berikut:



9. Bahagian I Akta menyatakan matlamat perundangan dan memberikan takrif istilah yang digunakan dalam Akta.

10. Bahagian II hingga V Akta mewujudkan kuasa Menteri dan suatu Suruhanjaya pengawal selia baru dan suatu Tribunal Rayuan, dan menyatakan tatacara bagi penjalanan kuasa-kuasa sedemikian.

11. Bahagian VI Akta mewujudkan rangka kerja bagi pengawalseliaan ekonomi industri komunikasi dan multimedia, termasuklah pengawalan kemasukan pasaran melalui pelesenan, perlindungan am untuk menggalakkan persaingan yang adil dan dapat dikekalkan dalam industri dan perlindungan peralihan tertentu, Sebagai tambahan, peruntukan bagi capaian kepada perkhidmatan sambungan memastikan bahawa peserta industri pada setiap peringkat rantaian nilai industri mempunyai capaian kepada kemudahan dan perkhidmatan yang diperlukan untuk memberikan perkhidmatan mereka sendiri.

12. Bahagian VII Akta menyatakan kehendak bagi pengawalseliaan teknik industri, termasuklah penguntukan sumber terhad (spektrum, penomboran dan pengalamatan elektronik) dan juga menyediakan suatu rangka kerja untuk memastikan keselamatan, perlindungan keselamatan dan keutuhan perkhidmatan rangkaian dan perkhidmatan aplikasi melalui kod dan standard teknik.

13. Bahagian VIII Akta menyatakan rangka kerja bagi perlindungan dan peningkatan kepentingan pengguna.


14. Bahagian IX Akta membuat peruntukan rangka kerja bagi pengawalseliaan sosial, termasuklah penggalakan kandungan tempatan, kepelbagaian budaya dan pematuhan kepada nilai-nilai masyarakat yang ada.
15. Bahagian X Akta membuat peruntukan perkara am.
16. Bahagian XI Akta mewujudkan pengaturan dan tatacara bagi peralihan daripada kaedah pengawalseliaan semasa kepada kaedah baru yang diwujudkan di bawah Akta. Akta memansuhkan Akta Telekomunikasi 1950 dan Akta Penyiaran 1988.

BAHAGIAN I

17. Bahagian I Akta bertujuan untuk membuat peruntukan tajuk ringkas dan permulaan kuat kuasa Akta. Ia juga menyatakan matlamat Akta, iaitu untuk menggalakkan sepuluh matlamat dasar kebangsaan bagi industri komunikasi dan multimedia dan untuk mewujudkan rangka kerja pelesenan dan kuasa dan tatacara pengawalseliaan yang perlu.
18. Bahagian I seterusnya bertujuan untuk mewujudkan pemakaian luar wilayah Akta, sesuatu yang perlu untuk memastikan bahawa kaedah itu terpakai bagi pemberi di luar Malaysia yang memberikan perkhidmatan ke, dari, atau di dalam, Malaysia (sebagai contoh, melalui satelit), dan kepada aktiviti pemegang lesen dalam pasaran antarabangsa yang mungkin mempunyai kesan di Malaysia. Menteri diberi kuasa untuk mengecualikan orang, tempat, premis atau kawasan geografi tertentu daripada peruntukan Akta.
19. Bahagian I juga mentakrifkan perkataan atau terma tertentu bagi maksud Akta.

BAHAGIAN II HINGGA V

20. Bahagian II hingga V Akta mewujudkan kuasa Menteri dan Suruhanjaya, berasaskan kepada surat cara pengawalseliaan yang tertentu, dan juga mewujudkan suatu mekanisme bagi rayuan keputusan tertentu yang dibuat menurut Akta. Struktur kuasa dan surat cara Menteri dan Suruhanjaya ditunjukkan dalam rajah di bawah:



Kuasa dan tatacara Menteri:

21. Bahagian II mewujudkan kuasa Menteri dan menyatakan tatacara yang mesti diikuti oleh Menteri dalam mengeluarkan surat cara bawahan tertentu ("surat cara") dan menjalankan kuasa sedemikian. Semua surat cara yang dikeluarkan oleh Menteri mesti selaras dengan matlamat dan peruntukan Akta. Surat cara mesti disiarkan kepada orang ramai, dan disenggarakan dalam daftar awam yang berkaitan oleh Suruhanjaya, bagi menggalakkan ketelusan kaedah pengawalseliaan. Akta ini mengandungi tatacara bagi perubahan atau pemansuhan mana-mana surat cara. Surat cara yang boleh dikeluarkan

oleh Menteri termasuk arahan kepada Suruhanjaya, penentuan sesuatu perkara, pemberian lesen, perisytiharan syarat-syarat lesen, dan peraturan-peraturan.

Arahan kepada Suruhanjaya: Menteri boleh memberikan arahan kepada Suruhanjaya berkenaan dengan penjalanan kuasanya dan pelaksanaan fungsi dan kewajipannya di bawah Akta.

Penentuan sesuatu perkara: Menteri boleh menentukan perkara-perkara di bawah Akta. Sesuatu penentuan boleh dibuat keseluruhannya atas budi bicara Menteri, tertakluk kepada peruntukan Akta, dan tidak memerlukan rundingan dengan Suruhanjaya atau mana-mana orang lain.

Pemberian lesen: Menteri mempunyai budi bicara muktamad berkenaan dengan pemberian lesen di bawah Akta, tetapi mesti memberikan pertimbangan yang wajar kepada syor Suruhanjaya yang berkaitan.

Perisytiharan syarat-syarat lesen: Menteri boleh mengisytiharkan syarat-syarat lesen dan boleh mengubah atau membatalkan syarat-syarat lesen berkenaan dengan lesen yang diberikan di bawah Akta ini seperti lesen individu dan lesen kelas. Menteri mesti berunding dengan pemegang lesen yang terlibat sebelum mengisytiharkan, mengubah atau membatalkan sesuatu syarat lesen. Tatacara bagi rundingan diperuntukkan dalam Akta.

Peraturan-Peraturan: Akta memberikan kuasa kepada Menteri untuk membuat apa-apa peraturan yang mungkin perlu untuk memberikan kuat kuasa penuh kepada Akta.

22. Peruntukan yang luas dan teguh berkenaan dengan kuasa dan tatacara di bawah Akta adalah penting kerana sebab-sebab yang berikut:

- pertamanya, rangka kerja pengawalseliaan meletakkan pergantungan yang kuat pada surat cara untuk mengadakan peruntukan pengawalseliaan khusus yang dijangkakan, dan perlu, berubah mengikut masa;
- keduanya, adalah penting diwujudkan dan dibolehkan suatu rangka kerja yang bersifat pandang ke hadapan dan tidak begitu mudah ditinggalkan oleh kadar perubahan industri;
- ketiganya, perlu ada rangka kerja yang jelas dan telus untuk meningkatkan keyakinan pelabur dalam pendekatan mengenai pengurusan dan pentadbiran dasar dan untuk mengurangkan sumber ketakpastian.

Tribunal Rayuan:

23. Bahagian III Akta bertujuan untuk menubuhkan suatu Tribunal Rayuan bebas ("Tribunal") yang mempunyai kuasa untuk mengkaji semula merit keputusan atau arahan Suruhanjaya apabila dirayu oleh seseorang yang terjejas dengan keputusan atau arahan sedemikian. Suatu penentuan oleh Suruhanjaya tidak boleh dirayukan kepada Tribunal. Rasional bagi penubuhan Tribunal adalah—

- untuk mengadakan suatu badan kajian semula pakar, yang memberi industri suatu laluan penimbangan merit yang tidak diperoleh melalui prosiding mahkamah;
- untuk menggalakkan ketelusan dan menghapuskan tekanan ke atas Menteri untuk mengkaji semula keputusan pentadbiran yang terperinci; dan
- untuk mengadakan suatu laluan rayuan yang cepat dan berkos rendah.

24. Akta memperuntukkan bahawa anggota Tribunal boleh dilantik selama sebilangan tahun, tidak melebihi tiga tahun, tetapi Tribunal hendaklah hanya bermesyuarat atas dasar *ad hoc* sebagaimana dan apabila ia dikehendaki untuk mendengar apa-apa rayuan yang dibuat.

25. Anggota Tribunal dilantik oleh Menteri dan mesti termasuk seorang Pengerusi (yang merupakan Hakim Mahkamah Tinggi) dan sekurang-kurangnya dua orang anggota lain. *Fasal 22* memperuntukkan bahawa kuorum bagi Tribunal tidak kurang daripada tiga orang dan tidak lebih daripada lima orang (termasuk Pengerusi).

26. Bahagian III seterusnya menyatakan tatacara bagi peletakan jawatan atau penamatan pelantikan anggota. Ia juga mewujudkan kriteria dan kelayakan tertentu yang mesti dipenuhi oleh anggota Tribunal. Ia juga bertujuan untuk mewujudkan tatacara Tribunal dalam membuat keputusan dan untuk memberikan kuasa kepada Menteri untuk menentukan tatacara pengendalian bagi Tribunal.

27. Bahagian IV Akta bertujuan untuk mewujudkan tatacara bagi pemberian lesen oleh Menteri. Ini adalah tatacara standard yang mesti diikuti berkenaan dengan pentadbiran mana-mana lesen yang diberikan di bawah pelbagai Bahagian Akta.

28. Akta memperuntukkan dua jenis lesen, iaitu lesen individu dan lesen kelas. Peruntukan pelesenan di bawah Akta direka bentuk untuk memberikan keelenturan berkenaan dengan struktur pelesenan kerana kehendak pelesenan berubah mengikut masa menurut evolusi industri komunikasi dan multimedia. Kuasa untuk menentukan jenis lesen yang manakah yang akan digunakan bagi sesuatu jenis aktiviti tertentu boleh dijalankan mengikut budi bicara Menteri.

29. Syarat-syarat standard lesen terpakai kepada lesen individu dan lesen kelas, kedua-duanya, Syarat-syarat sedemikian dinyatakan dalam Jadual kepada Akta. Semua lesen mesti mengandungi syarat-syarat standard yang berkaitan. Syarat-syarat khas atau tambahan hanya terpakai berhubung dengan lesen individu dan syarat-syarat lesen sedemikian diisytiharkan oleh Menteri.

30. Menteri tidak boleh memberikan suatu lesen individu kepada seseorang jika aktiviti yang baginya lesen individu dipohon tertakluk kepada suatu lesen kelas. Ini adalah untuk memastikan bahawa seseorang tidak boleh menjalankan urusan di bawah lesen individu dan lesen kelas kedua-duanya berhubung dengan aktiviti yang sama.

31. Orang yang memohon suatu lesen individu di bawah Akta mesti mengemukakan suatu permohonan bertulis kepada Suruhanjaya. Suruhanjaya dikehendaki memproses permohonan itu dan memberikan syor kepada Menteri sama ada suatu lesen individu patut diberikan.

32. Menteri mesti memberikan notis bertulis mengenai pemberian suatu lesen individu yang menyatakan (melalui perisytiharan) mana-mana syarat khas atau tambahan yang kepadanya lesen individu itu adalah tertakluk. Menteri juga mesti memberikan suatu notis bertulis bagi keengganannya untuk memberikan lesen individu, termasuk sebab-sebab bagi keengganannya itu.

33. Bahagian IV bertujuan memberikan kuasa kepada Menteri untuk mengubah atau membatalkan syarat-syarat lesen individu pada bila-bila masa, dengan syarat bahawa tatacara yang dinyatakan dalam Bahagian ini, bagi memaklumkan pemegang lesen dan membenarkan pemegang lesen merayu berkenaan dengan perubahan atau pembatalan yang dicadangkan, diikuti.

34. Seseorang pemegang lesen individu boleh menyerahkan lesennya pada bila-bila masa melalui notis bertulis kepada Menteri. Suruhanjaya boleh mengesyorkan kepada Menteri supaya suatu lesen individu dibatalkan dalam keadaan tertentu yang dinyatakan dalam Bahagian ini. Menteri boleh membatalkan suatu lesen individu melalui perisytiharan tetapi mesti memberi pemegang lesen itu peluang untuk merayu terhadap pembatalan yang dicadangkan atau memberikan sebab-sebab bagi tingkah laku atau kedudukannya yang dikatakan itu. Suatu lesen individu tidak boleh diserahkan, disublesenkan atau dipindahkan hakmiliknya kepada mana-mana pihak lain melainkan jika kelulusan bertulis Menteri telah diberikan sebelum itu.

35. Bagi menggalakkan ketelusan kaedah pengawalseliaan, Menteri mesti raemberikan satu salinan semua lesen individu yang diberikan di bawah Akta dan keputusan berkaitan yang dikeluarkan di bawah Bahagian ini, termasuk syarat-syarat lesen individu, perisytiharan perubahan atau pembatalan peruntukan lesen individu dan notis

penyerahan atau pembatalan, kepada Suruhanjaya. Suruhanjaya mesti menyanggarkan daftar lesen individu dan keputusan yang berkaitan dengannya. Menteri boleh memberikan suatu lesen kelas berkenaan dengan mana-mana perkara yang menghendaki suatu lesen di bawah Akta. Seseorang yang berhasrat untuk menjalankari urusan di bawah suatu lesen kelas mesti mengemukakan suatu notis pendaftaran kepada Suruhanjaya, jika dikehendaki di bawah Akta. Pendaftaran hanya membolehkan Suruhanjaya mengawasi aktiviti industri. Suatu kehendak supaya mendahar di bawah suatu lesen kelas tidak membayangkan apa-apa kehendak supaya mendapatkan kelulusan.

Kuasa dan tatacara Suruhanjaya Komunikasi dan Multimedia Malaysia:

36. Bahagian V Akta bertujuan untuk mewujudkan kuasa Suruhanjaya dan menyatakan tatacara yang mesti diikuti oleh Suruhanjaya dalam mengeluarkan surat cara tertentu dan menjalankan kuasa sedemikian, Semua surat cara yang dikeluarkan oleh Suruhanjaya mesti selaras dengan matlamat dan peruntukan Akta. Surat cara mesti diumumkan, dan disenggarakan dalam daftar awam yang berkaitan oleh Suruhanjaya, bagi menggalakkan ketelusan kaedah pengawalseliaan. Akta mengandungi tatacara bagi perubahan atau pemansuhan mana-mana surat cara.

Surat cara, kuasa dan tatacara:

37. Bahagian V Akta seterusnya bertujuan untuk mewujudkan kuasa Suruhanjaya untuk melakukan semua perkara yang perlu bagi pelaksanaan mana-mana fungsi Suruhanjaya. Sebagai tambahan, Suruhanjaya boleh memberikan kuasa kepada mana-mana pekerjanya, atau melantik seseorang yang bukan pegawai atau pekerja Suruhanjaya, untuk melaksanakan mana-mana fungsinya atau menjalankan mana-mana kuasanya.

38. Surat cara tertentu yang boleh dikeluarkan oleh Suruhanjaya, dan tatacara yang boleh dilakukan oleh Suruhanjaya termasuk arahan, penentuan dan siasatan.

Arahan: Suruhanjaya boleh mengeluarkan arahan bertulis kepada mana-mana orang jika Akta membuat peruntukan baginya, termasuk pemegang lesen mengenai pematuhan atau ketakpatuhan syarat-syarat lesen. Sebelum mengeluarkan sesuatu arahan, Suruhanjaya mesti terlebih dahulu memberikan suatu amaran rasmi kepada orang itu dan memberi orang itu peluang untuk didengar atau mengemukakan penghujahan bertulis sebagai pembelaan tingkah lakunya.

Penentuan: Suruhanjaya boleh menentukan apa-apa perkara yang dinyatakan dalam Akta sebagai tertakluk kepada penentuan. Suruhanjaya hanya boleh menjalankan suatu siasatan terbuka

sebelum suatu penentuan hanya jika perkara yang hendak ditentukan mempunyai kepentingan awam atau industri. Siasatan itu mesti kemudiannya dijalankan mengikut tatacara yang standard bagi suatu siasatan terbuka yang dinyatakan di bawah Akta.

Siasatan: Suruhanjaya boleh mengadakan suatu siasatan terbuka berkenaan dengan apa-apa perkara yang berkaitan dengan pentadbiran Akta atau perundangan subsidiarinya. Suatu siasatan terbuka boleh dijalankan oleh Suruhanjaya atas daya usahanya sendiri atau atas permintaan daripada seseorang. Selainnya, Menteri boleh mengarahkan Suruhanjaya supaya menjalankan suatu siasatan terbuka. Suatu siasatan terbuka akan secara amnya melibatkan pengumuman Suruhanjaya mengenai siasatan itu dan permintaan penghujahan berkenaan dengan perkara-perkara yang akan diperiksa.

39. Suruhanjaya boleh membuat laporan dan membuat suatu penentuan secepat yang ia mahu selepas tempoh rundingan sekurang-kurangnya empat puluh lima hari.

Penyiasatan:

40. Akta bertujuan untuk memberikan kuasa kepada Suruhanjaya untuk menjalankan suatu penyiasatan mengenai apa-apa perkara yang berkaitan dengan pentadbiran Akta atau perundangan subsidiarinya. Suatu penyiasatan boleh diadakan hasil suatu aduan yang dibuat oleh seseorang atau suatu arahan daripada Menteri. Sebagai tambahan, Suruhanjaya boleh atas daya usahanya sendiri memulakan suatu penyiasatan mengenai suatu perkara yang berkaitan.

41. Akta mengadakan peruntukan tatacara khusus bagi penjalanan suatu penyiasatan di bawah Akta, termasuk—

- tugas Suruhanjaya untuk membantu seseorang untuk mengungkapkan suatu aduan;
- kehendak supaya Suruhanjaya memberikan notis kepada responden mengenai aduan itu;
- kehendak supaya pengadu atau responden diberi peluang untuk membuat penghujahan berkenaan dengan perkara-perkara yang disiasat; dan
- penyediaan dan penyiaran laporan mengenai sesuatu penyiasatan.

Kuasa untuk mengumpul maklumat:

42. Akta bertujuan untuk memberikan kuasa kepada Suruhanjaya untuk mengarahkan seseorang supaya memberikan apa-apa maklumat yang mungkin dikehendaki oleh Suruhanjaya bagi maksud menjalankan kuasa dan fungsinya di bawah Akta atau perundangan subsidiarinya. Adalah menjadi suatu kesalahan di bawah Akta jika seseorang memberikan maklumat, dokumen atau keterangan yang palsu atau mengelirukan. Kaedah-kaedah penyimpanan rekod boleh dijadikan terpakai terhadap seorang atau lebih seorang pemegang lesen atau orang. Suruhanjaya juga boleh, mengikut budi bicaranya, dan setelah menimbangkan kepentingan perdagangan pihak yang dengannya maklumat itu berkaitan, menyiarkan maklumat yang diterima dalam perjalanan kuasa dan fungsinya. Peruntukan ini bertujuan menggalakkan ketelusan dan untuk mengurangkan maklumat yang tidak sejajar yang mungkin wujud antara pemberi dengan pihak berkepentingan lain dalam industri itu.

Penyelesaian pertikaian:

43. Akta bertujuan membuat peruntukan pertikaian antara pihak mengenai perkara-perkara di bawah Akta hendaklah pertama-tamanya diselesaikan melalui perundingan. Jika salah satu pihak kepada suatu pertikaian telah membuat suatu aku janji berkenaan dengan perkara yang dipertikaikan, pihak-pihak itu boleh membuat keputusan untuk menerima pakai peruntukan aku janji itu. Bagaimanapun, jika pihak-pihak itu tidak dapat menyelesaikan sesuatu pertikaian dan satu pihak tidak mahu menerima pakai syarat-syarat suatu aku janji, pihak-pihak itu boleh mendapatkan pertikaian itu diselesaikan oleh Suruhanjaya jika Akta atau perundangan subsidiarinya secara khusus memperuntukkan penyelesaian sedemikian. Akta memberikan kuasa kepada Suruhanjaya untuk membuat keputusan mengenai pertikaian yang telah diberitahukan. Suruhanjaya mesti mendaftarkan keputusannya mengenai sesuatu pertikaian dan keputusan itu boleh dikuatkuasakan oleh Suruhanjaya.

Pendaftaran perjanjian:

44. Akta membuat peruntukan pihak-pihak kepada suatu perjanjian mesti memohon kepada Suruhanjaya bagi mendaftarkan perjanjian itu jika Akta menghendaki yang sedemikian. Suruhanjaya hendaklah hanya mendaftarkan suatu perjanjian jika ia selaras dengan matlamat dan peruntukan Akta, dan mana-mana surat cara dan perundangan subsidiari yang berkaitan yang dibuat di bawah Akta. Tujuan kehendak supaya perjanjian didaftarkan adalah untuk memastikan bahawa apa-apa perjanjian yang dicapai antara pihak-pihak berkenaan dengan perkara-perkara di bawah Akta adalah selaras dengan matlamat dan peruntukan Akta dan untuk mengetepikan perjanjian antara pihak-pihak yang mungkin memudaratkan pemberi lain. Suruhanjaya mesti


menyenggarakan suatu daftar yang mengandungi maklumat tertentu mengenai perjanjian itu, tetapi tidak terma dan syarat perjanjian itu. Jika sesuatu perjanjian yang memerlukan pendaftaran belum lagi didaftarkan, perjanjian itu tidak boleh dikuatkuasakan.

Porum industri, kod industri sukarela, aku janji dan standard mandatori:

45. Akta bertujuan untuk mewujudkan suatu kaedah pengawalseliaan sendiri industri, yang disokong oleh pelindung pengawalseliaan sandaran yang boleh ditadbirkan oleh Suruhanjaya.

46. Forum dan proses yang diketengahkan bukanlah suatu yang baru. Pengaturan semasa bergantung sebahagian besarnya pada proses jawatankuasa penasihat berasaskan industri dan rundingan. Bahagian ini menjadikan proses sedemikian proses yang formal untuk membolehkan diwujudkan suatu rangka kerja berstruktur yang lebih teguh dalam usaha untuk menguatkan penekanan terhadap pengawalseliaan sendiri dan disiplin sendiri industri yang lebih tinggi tahapnya. Peruntukan itu perlu dinyatakan dengan cara yang membolehkan campur tangan Kerajaan berlaku jika disiplin sendiri atau pematuhan aku janji industri secara jelas telah gagal.

47. Bahagian V Akta bertujuan mewujudkan kuasa dan tatacara am berkenaan dengan penubuhan forum industri, kod industri sukarela, aku janji dan standard mandatori. Kuasa dan tatacara ini digunakan dalam bidang pengawalseliaan Ekonomi, Teknik, Pengguna dan Sosial. Rajah di bawah menunjukkan proses dan perhubungan yang dikaitkan dengan forum industri dan kod industri sukarela:



Forum industri dan kod industri:

48. Suruhanjaya mempunyai kuasa untuk "menetapkan" atau melantik forum industri yang akan bertanggungjawab bagi perumusan kod industri sukarela berkenaan dengan sesuatu perkara yang dikendalikan oleh kod itu, khususnya suatu peruntukan kesalahan. Sebagai contoh, pematuhan kod kandungan berdaftar akan memberikan suatu pembelaan di sisi undang-undang terhadap mana-mana pendakwaan berkenaan dengan pemberian kandungan jelik atau sumbang.

49. Hakikat bahawa kod itu memperuntukkan suatu pembelaan terhadap peruntukan kesalahan asas memberikan insentif yang kuat bagi industri untuk membentuk forum dan mengadakan kod sukarela dan mematuhi. Walaupun tiada kehendak supaya kod dipatuhi, kegagalan mematuhi akan memerlukan seseorang pemegang lesen membuat pembelaannya sendiri jika ada apa-apa tindakan atau prosiding terhadapnya,

50. Jika suatu kod industri sukarela yang memuaskan tidak diadakan oleh suatu forum industri dan Suruhanjaya berpendapat bahawa kod sedemikian tidak akan diadakan, Suruhanjaya sendiri boleh menentukan suatu kod berkenaan dengan perkara yang berkaitan. Ini adalah suatu pelindung pengawalseliaan dan tidak bertujuan untuk digunakan pada mula-mulanya. Suruhanjaya mesti mengikut tatacara biasa bagi suatu penentuan, iaitu, Suruhanjaya mesti menjalankan suatu siasatan terbuka (jika sesuai) mengenai kod itu sebelum menentukan kod itu. Proses ini direka bentuk untuk memastikan akan ada input industri kepada suatu kod yang diadakan oleh Suruhanjaya.

51. Suruhanjaya boleh mengarahkan seseorang atau suatu kelas orang untuk mematuhi peruntukan sesuatu kod. Dalam hal sedemikian, pematuhan adalah mandatori kerana arahan itu boleh dikuatkuasakan, tetapi hanya bagi pemegang lesen yang tertakluk kepada arahan itu. Peruntukan itu bertujuan untuk digunakan jika pada pandangan Suruhanjaya salah seorang atau beberapa orang pemegang lesen yang tertakluk kepada suatu kod industri sukarela melakukan suatu kesalahan. Ini memberikan suatu alternatif kepada proses memulakan suatu tindakan atau prosiding terhadap pemegang lesen atau pemegang-pemegang lesen.

52. Suruhanjaya boleh membatalkan sesuatu kod industri sukarela jika Suruhanjaya berpuas hati bahawa kod itu tidak lagi selaras dengan matlamat atau peruntukan Akta, atau mana-mana surat cara yang berkaitan. Suatu kod baru akan kemudiannya diadakan sebagaimana yang diperihalkan di atas. Mana-raana forum industri boleh pada bila-bila masa mengemukakan suatu kod baru bagi pendaftaran. Suatu kod yang diubahsuaikan atau diubah dianggap sebagai suatu kod baru.

Standard mandatori:

53. Tujuan Akta adalah untuk menjadikan pengawalseliaan sendiri industri sebagai pergantungan yang utama. Bagaimanapun, jika Suruhanjaya berpendapat bahawa suatu kod industri sukarela tidak berkesan dalam mencapai matlamat Akta atau mana-mana surat cara atau peruntukan Akta yang berkaitan, Suruhanjaya boleh menentukan suatu standard mandatori. Menteri juga boleh mengarahkan Suruhanjaya supaya menentukan suatu standard mandatori. Ini merupakan pelindung pengawalseliaan sandaran.

54. Suruhanjaya mesti menentukan suatu standard mengikut tatacara yang dinyatakan dalam Akta, iaitu, Suruhanjaya boleh menjalankan suatu siasatan terbuka (jika sesuai) berkenaan dengan standard mandatori itu sebelum menentukan standard itu. Suatu standard yang diadakan oleh Suruhanjaya mesti selaras dengan Akta atau perundangan subsidiarinya dan mana-mana surat cara yang berkaitan. Pematuhan sesuatu standard mandatori oleh mana-mana orang yang tertakluk kepada standard itu adalah mandatori, dan memberikan suatu pembelaan di sisi undang-undang sebagaimana juga suatu kod industri sukarela.

55. Suruhanjaya boleh mengubah sesuatu standard mandatori pada bila-bila masa jika standard itu tidak lagi selaras dengan matlamat atau peruntukan Akta atau perundangan subsidiarinya dan mana-mana surat cara berkaitan. Sesuatu standard mandatori yang diubahsuaikan atau diubah dianggap sebagai suatu standard mandatori baru.

56. Suatu penalti sivil dalam bentuk denda dikenakan oleh Suruhanjaya jika seseorang tidak mematuhi sesuatu arahan yang dikeluarkan oleh Suruhanjaya berkenaan dengan pematuhan suatu kod industri sukarela atau suatu standard mandatori.

Aku janji:

57. Di bawah Bab 11 Bahagian V, seseorang yang tertakluk kepada suatu lesen individu atau suatu lesen kelas di bawah Akta boleh memberikan suatu aku janji kepada Suruhanjaya berkenaan dengan apa-apa perkara yang mungkin tertakluk kepada suatu kod industri sukarela atau berkenaan dengan apa-apa perkara lain jika Akta membuat peruntukan nyata bahawa suatu aku janji hendaklah diberikan.

58. Suatu aku janji ialah suatu perjanjian oleh orang itu untuk memenuhi syarat-syarat tertentu, untuk melakukan perbuatan tertentu, atau untuk memberikan perkhidmatan atas terma dan syarat tertentu tanpa diskriminasi. Suatu aku janji boleh menyatakan terma dan syarat asal atau ia boleh menerima pakai terma dan syarat suatu kod industri sukarela berdaftar yang berkaitan. Suatu aku janji mesti didaftarkan oleh Suruhanjaya sebelum ia boleh dikuatkuasakan.

59. Suruhanjaya hendaklah hanya mendaftarkan suatu aku janji jika ia selaras dengan matlamat dan peruntukan Akta dan dengan mana-mana surat cara yang berkaitan. Bagaimanapun, Suruhanjaya mesti mendaftarkan suatu aku janji jika aku janji itu hanya menerima pakai terma dan syarat suatu kod industri sukarela berdaftar.

60. Seseorang yang memberikan suatu aku janji boleh mengubahsuaikan, mengubah atau menggantikan aku janji itu pada bila-bila masa. Bagaimanapun, pengubahsuaian, perubahan atau penggantian aku janji itu mesti didaftarkan mengikut tatacara yang sama sebagaimana aku janji yang asal. Sesuatu aku janji boleh dikuatkuasakan di mahkamah dan sama ada Suruhanjaya atau mana-mana orang boleh memohon kepada mahkamah bagi penguatkuasaan suatu aku janji berdaftar.

Peninggalan pengawalseliaan:

01. Akta memperuntukkan bahawa Menteri boleh, atas syor Suruhanjaya, mengarahkan Suruhanjaya supaya meninggalkan pemakaian mana-mana peruntukan Akta terhadap seseorang pemegang lesen atau sesuatu kelas pemegang lesen, atau seseorang atau sesuatu kelas orang. Ini boleh berlaku jika Menteri membuat keputusan bahawa penguatkuasaan Akta atau perundangan subsidiarinya tidak lagi perlu untuk memastikan matlamat Akta, dan tidak perlu bagi perlindungan pengguna, dan peninggalan itu selaras dengan kepentingan negara, dan peninggalan itu tidak akan menghalang pentadbiran Akta.

62. Tujuan peruntukan peninggalan di bawah Akta adalah untuk memberikan kelenturan kepada Akta kerana industri komunikasi dan multimedia berubah mengikut masa. Dalam suatu industri yang berubah dengan cepat, peruntukan tertentu Akta mungkin menjadi tidak berkaitan sama ada secara amnya atau berkenaan dengan orang tertentu yang dikawal selia di bawah Akta.

63. Suruhanjaya boleh menjalankan suatu Siasatan terbuka sebelum membuat suatu penentuan untuk membuat suatu syor kepada Menteri mengenai peninggalan pengawalseliaan. Ini adalah untuk memastikan bahawa terdapat input industri tentang keputusan sedemikian. Siasatan boleh dimulakan oleh Suruhanjaya sendiri, sebagai gerak balas terhadap suatu permintaan bertulis oleh seseorang atau sesuatu kelas orang, atau sebagai gerak balas terhadap suatu arahan daripada Menteri. Keputusan yang dibuat oleh Menteri untuk meninggalkan pemakaian mana-mana peruntukan di bawah Akta atau perundangan subsidiarinya hendaklah disiarkan sebagai suatu perintah pengecualian dalam *Warta*

Kajian semula keputusan:

64. Seseorang yang terkilang atau termudarat oleh mana-mana keputusan Suruhanjaya boleh memohon supaya Suruhanjaya memberikan suatu pernyataan mengenai sebab-sebab bagi keputusan

itu. Suruhanjaya mesti memberikan pernyataan sedemikian yang hendaklah menyatakan sebab-sebab bagi keputusan itu dan memasukkan mana-mana maklumat yang berkaitan yang diambil kira dalam membuat keputusan itu (kecuali bagi bahan atau maklumat yang bersifat sulit atau berkemungkinan menjejaskan pembicaraan adil seseorang).

65. Seseorang yang terkilan atau termudarat oleh mana-mana arahan atau keputusan Suruhanjaya boleh merayu kepada Tribunal bagi suatu kajian semula merit dan proses keputusan itu. Menteri boleh menentukan perkara-perkara di bawah Akta yang tidak boleh dirayukan kepada Tribunal.

66. Seseorang yang terjejas oleh sesuatu keputusan atau apa-apa tindakan lain Suruhanjaya atau Menteri di bawah Akta boleh memohon kepada mahkamah bagi suatu kajian semula kehakiman.

Kajian semula peraturan:

67. Bab 14 Bahagian V bertujuan membuat peruntukan bahawa Suruhanjaya hendaklah mengkaji semula semua kaedah dan peraturan yang dibuat di bawah Akta yang berkuat kuasa pada masa kajian semula itu. Kajian semula ini mesti dilakukan tiga tahun sekali, atau jika dan apabila diarahkan oleh Menteri. Tujuan peruntukan ini adalah untuk memastikan kajian semula tetap kaedah dan peraturan terperinci yang mungkin menjadi tidak berkaitan lagi kerana perubahan teknologi atau perubahan lain yang berlaku apabila industri itu semakin maju dan matang.


Pelaporan kepada Menteri:

68. Akta mewajibkan Suruhanjaya membuat laporan mengenai perkara-perkara penting berkenaan dengan prestasi pemberi kemudahan rangkaian, pemberi perkhidmatan rangkaian, pemberi perkhidmatan aplikasi dan pemberi perkhidmatan aplikasi kandungan. Tujuan Bab 15 Bahagian V adalah untuk memastikan pengawasan berterusan prestasi industri berbanding matlamat dasar. Suatu laporan oleh Suruhanjaya di bawah Bab ini mesti disiarkan bagi memastikan ketelusan dengan menjadikan maklumat mengenai industri tersedia ada kepada orang ramai.

BAHAGIAN VI

69. Bahagian VI Akta bertujuan untuk mewujudkan suatu rangka kerja bagi pengawalseliaan ekonomi industri komunikasi dan multimedia. Tujuan campur tangan pengawalseliaan ekonomi adalah untuk menggalakkan pasaran pengguna yang dapat menawarkan pilihan, mutu dan kebolehpercayaan, sambungan titik-ke-titik, persaingan dalam pasaran dan pelaburan dan inovasi dalam industri

itu. Rajah di bawah menggariskan struktur keseluruhan Bahagian VI dan menunjukkan bidang-bidang tanggungjawab utama bagi Menteri dan Suruhanjaya kedua-duanya:



70. Dalam modul pengawalseliaan ekonomi Akta terdapat tiga Bab utama: pelesenan peserta pasaran, amalan persaingan am, dan pengawalseliaan capaian kepada perkhidmatan. Ini dibincangkan di bawah.

Pelesenan:

71. Bab 1 Bahagian VI mewujudkan kehendak pelesenan industri. Matlamat Bab ini adalah untuk mengawal dan mengawasi kemasukan pemberi kemudahan rangkaian dan pemberi perkhidmatan rangkaian ke dalam pasaran, dan untuk memastikan bahawa semua kemudahan dan perkhidmatan yang diberikan mengikut dasar kebangsaan. Tambahan lagi, pelesenan membolehkan pengenalan pelbagai syarat terhadap penyertaan pasaran.

72. Tertakluk kepada pengecualian yang boleh ditentukan oleh Menteri, Akta mengecualikan pemunyaan kemudahan rangkaian, atau pemberian perkhidmatan rangkaian, atau pemberian perkhidmatan aplikasi kecuali di bawah dan mengikut suatu lesen individu atau suatu lesen kelas yang diberikan oleh Menteri di bawah Akta. Akta tidak memperihalkan suatu struktur pelesenan yang tertentu. Sebaliknya Akta memberi Menteri kelenturan sama ada hendak memberikan

lesen individu atau lesen kelas bagi jenis aktiviti tertentu yang difikirkan sesuai oleh Menteri. Kelenturan ini direka bentuk bagi memastikan bahawa Akta tetap dapat bertahan dalam memenuhi kehendak yang bertukar ganti mengikut perkembangan industri.

73. Bahagian VI Akta membenarkan Menteri mengisytiharkan seorang pemberi kemudahan rangkaian berlesen, selain pemunya mana-mana kemudahan rangkaian, adalah pemberi kemudahan yang dinamakan bagi kemudahan rangkaian itu bagi maksud Akta jika penamaan itu tidak akan menghalang matlamat atau pentadbiran Akta secara berkesan. Peruntukan ini akan membolehkan infrastruktur yang biasanya digunakan oleh pemunyanya yang penggunaannya bukan bagi penggunaan orang ramai dapat pula digunakan oleh seorang pemberi kemudahan rangkaian yang dinamakan untuk memberikan perkhidmatan kepada orang ramai yang dengan sedemikian dapat menggalakkan penggunaan sumber secara berkesan. Peruntukan ini juga akan membolehkan pengaturan pembiayaan yang jika tidak kerana perkara ini menghendaki pembiaya dilesenkan di bawah Akta.

74. Bahagian VI secara khususnya mengecualikan mana-mana pemberi perkhidmatan aplikasi yang tidak tertakluk kepada suatu lesen kelas daripada larangan di bawah Akta. Bahagian ini mengesahkan sesetengah pemberi perkhidmatan aplikasi mungkin tidak tertakluk kepada lesen individu dan juga menjangka sesetengah pemberi perkhidmatan aplikasi tidak perlu mendapatkan lesen di bawah Akta. Tujuan peruntukan dalam Bahagian ini adalah untuk mengecualikan pemberi perkhidmatan aplikasi secara kecil-kecilan atau orang yang mungkin dengan tidak sengaja tergolong dalam takrif seorang pemberi perkhidmatan aplikasi daripada kehendak pelesenan di bawah Akta.

75. Bahagian VI Akta membuat peruntukan bagi tiga kategori pengawalseliaan persaingan, yang terpakai terhadap suatu pasaran komunikasi. Pasaran komunikasi telah ditakrif sebagai suatu pasaran ekonomi bagi—

- perkhidmatan rangkaian;
- perkhidmatan aplikasi;
- barang-barang dan perkhidmatan yang digunakan berserta dengan perkhidmatan di atas; atau
- capaian kepada kemudahan rangkaian yang digunakan berserta dengan suatu perkhidmatan rangkaian atau suatu perkhidmatan aplikasi.

76. Amalan persaingan am yang dibuat peruntukan dalam Akta adalah peruntukan baru. Tujuan peruntukan sedemikian adalah—

- memberikan perlindungan kepada pemberi yang lebih kecil jika tiada dasar persaingan am atau kaedah pengawalseliaan amalan dagangan;

- menyediakan konteks bagi, dan ketentuan tentang, cara kuasa dan tatacara am di bawah Akta sepatutnya dijalankan. Ini menguatkan lagi hasrat pengawalseliaan dasar kebangsaan bagi kemajuan industri komunikasi dan multimedia; dan
- mewujudkan suatu rangka kerja dan kuasa yang jelas bagi Suruhanjaya supaya memastikan bahawa amalan antisaing tidak menjejaskan dasar kebangsaan.

77. Bahagian VI secara nyata—

- melarang apa-apa tingkah laku mana-mana pemegang lesen yang mempunyai tujuan mengurangkan persaingan dengan cukup besar dalam suatu pasaran komunikasi;
- melarang perkiraan dan amalan seperti penetapan kadar, perkongsian pasaran dan pemulauan; dan
- melarang perkiraan kaitan atau pautan mandatori berkenaan dengan pemberian atau pembekalan produk dan perkhidmatan.

78. Akta juga membuat peruntukan bagi Suruhanjaya menyiarkan garis panduan yang akan terpakai apabila Suruhanjaya membuat penilaian mengenai "mengurangkan persaingan dengan cukup besar".

79. Bahagian VI juga memberi kuasa kepada Suruhanjaya membuat arahan tertentu berkenaan dengan tingkah laku seseorang pemegang lesen yang berada pada kedudukan dominan dalam suatu pasaran. Suruhanjaya boleh menentukan bahawa pemegang lesen berada pada kedudukan dominan dalam suatu pasaran, dan boleh menyiarkan garis panduan yang akan digunakan oleh Suruhanjaya dalam membuat penentuan sedemikian. Bagaimanapun, Akta tidak membuat apa-apa anggapan awalan mana-mana pemegang lesen berada pada kedudukan dominan dalam mana-mana pasaran komunikasi di Malaysia.

80. Suruhanjaya boleh mengarahkano seseorang pemegang lesen yang—

- berada pada suatu kedudukan dominan dalam suatu pasaran komunikasi; dan
- melakukan tingkah laku yang telah atau mungkin mempunyai kesan mengurangkan persaingan dengan cukup besar dalam suatu pasaran komunikasi,

untuk menghentikan tingkah laku itu dan melaksanakan langkah pemulihan yang sesuai.

81. Bahagian VI seterusnya bertujuan membuat peruntukan bahawa Menteri boleh membuat kaedah-kaedah berkenaan dengan perjanjian


antara pemegang-pemegang lesen dengan pemberi kemudahan rangkaian dao/atau pemberi perkhidmatan rangkaian asing. Bahagian ini direka bentuk untuk mengecualikan pemberi asing daripada bertindak dengan cara yang memudaratkan persaingan dalam pasaran dalam negeri atau menyebabkan kerugian kepada pemegang lesen tempatan.

Capaian kepada perkhidmatan: senarai capaian dan kewajipan capaian standard:

82. Bab 3 Bahagian VI Akta bertujuan untuk mewujudkan suatu kaedah untuk memastikan bahawa semua pemberi kemudahan rangkaian, pemberi perkhidmatan rangkaian dan pemberi perkhidmatan aplikasi memperoleh capaian kepada kemudahan dan perkhidmatan yang perlu dengan terma dan syarat yang munasabah bagi mengelakkan kesekatlakuan pemberian perkhidmatan hiliran.

83. Perkhidmatan yang termasuk dalam senarai capaian dan tertakluk kepada kewajipan capaian standard, dan pengawalseliaan capaian kepada perkhidmatan sedemikian akan dan mesti berubah mengikut masa. Oleh yang demikian, pengaturan yang dinyatakan dalam Bahagian ini direka bentuk supaya dapat memberikan kelenturan dan keteguhan mengikut masa.

84. Kaedah capaian itu digambarkan dalam rajah di bawah:



85. Akta membuat peruntukan bagi pewujudan suatu senarai capaian kemudahan rangkaian, perkhidmatan rangkaian, dan kemudahan dan perkhidmatan sampingan (seperti penyediaan bil dan pangkalan data) yang dianggap penting kepada pemberian perkhidmatan rangkaian atau perkhidmatan aplikasi. Kemudahan dan perkhidmatan boleh diletakkan dalam senarai capaian (mengikut syor oleh forum capaian), atau dengan penentuan (mengikut suatu siasatan terbuka, jika sesuai) oleh Suruhanjaya. (Tiada siasatan dikehendaki berkenaan dengan apa-apa kemudahan atau perkhidmatan yang disyorkan oleh forum capaian kerana dalam mengungkapkan syor itu forum mesti berunding dengan pihak berkepentingan yang hadir memberikan keputusan secara sebulat suara).

86. Kewajipan capaian standard terpakai terhadap kemudahan dan perkhidmatan yang dimasukkan dalam senarai capaian. Kewajipan capaian standard termasuk kehendak bagi pemberian capaian kepada mana-mana pihak yang meminta capaian dan bahawa pemberi pertama mesti memberikan capaian kepada pemberi kedua sekurang-kurangnya pada standard dan mutu teknik yang sama dan atas dasar sama rata dan tanpa diskriminasi. Oleh yang demikian, kewajipan itu adalah bersaling. Ketakpatuhan dengan kewajipan capaian standard adalah suatu kesalahan.

87. Menteri boleh menentukan bahawa seseorang individu pemegang lesen atau sesuatu kelas pemegang lesen dikecualikan daripada kewajipan capaian standard.


Pertikaian capaian:

88. Suruhanjaya diberi kuasa untuk menyelesaikan pertikaian capaian antara pihak-pihak mengikut kuasa penyelesaian pertikaian standardnya di bawah Bahagian V Akta.

Forum capaian dan kod capaian:

89. Suruhanjaya boleh menentukan suatu badan industri menjadi forum capaian bagi maksud Bahagian ini, mengikut Bab 9 Bahagian V. Forum capaian hendaklah terdiri sama ada daripada wakil industri yang sedang cuba mendapatkan capaian atau yang menyediakan capaian kepada kemudahan dan perkhidmatan yang perlu. Tanggungjawab utama forum capaian adalah mengesyorkan perkhidmatan diletakkan dalam senarai capaian dan menyediakan suatu kod capaian untuk didaftarkan oleh Suruhanjaya. Kod capaian hendaklah membuat peruntukan mengenai terma dan syarat contoh bagi capaian kepada mana-mana atau semua kemudahan dan


perkhidmatan yang dimasukkan dalam senarai capaian. Suruhanjaya hanya boleh mendaftarkan suatu kod capaian jika kod itu selaras dengan kewajipan capaian standard di bawah Akta. Tatacara bagi penentuan suatu forum capaian dan penyediaan suatu kod capaian ditunjukkan dalam rajah di bawah:



90. Seseorang pemegang lesen boleh memberi suatu aku janji yang menyatakan terma dan syarat yang dengannya dia akan memberikan capaian kepada suatu kemudahan atau perkhidmatan tertentu dalam senarai capaian. Suatu aku janji hendaklah dikemukakan mengikut peruntukan am Bahagian V. Suruhanjaya hanya boleh mendaftarkan suatu aku janji yang selaras dengan kewajipan capaian standard.

BAHAGIAN VII

91. Bahagian VII Akta mewujudkan suatu rangka kerja bagi menggalakkan kecekapan pengawalseliaan ekonomi dengan memudahkan kesalingbolehkendalian rangkaian, untuk menggalakkan peruntukkan sumber yang berkesan, dan untuk menggalakkan keselamatan, perlindungan keselamatan dan keutuhan perkhidmatan rangkaian dan perkhidmatan aplikasi. Rajah di bawah menunjukkan struktur keseluruhan Bahagian VII dan menunjukkan bidang-bidang tanggungjawab utama bagi Menteri dan Suruhanjaya kedua-duanya:



92. Dalam struktur menyeluruh ini, aspek penting pengawalseliaan teknik adalah berkenaan dengan penguntukan spektrum, penomboran dan pengalamatan elektronik dan penetapan kod dan standard teknik. Bidang-bidang ini dibincangkan di bawah.

Penguntukan spektrum:

93. Bab 1 Bahagian ini membuat peruntukan mekanisrae bagi memastikan penguntukan irekuensi spektrum secara berkesan. Bab 1 melarang mana-mana orang daripada menggunakan mana-mana bahagian spektrum untuk membekalkan suatu perkhidmatan rangkaian melainkan jika—

- orang itu memegang suatu penguntukan spektrum yang dikeluarkan oleh Suruhanjaya di bawah Bahagian ini;
- orang itu memegang suatu penguntukan radas yang dikeluarkan oleh Suruhanjaya di bawah Bahagian ini;
- penggunaannya tertakluk kepada suatu penguntukan kelas yang dikeluarkan oleh Suruhanjaya di bawah Bahagian ini.

94. Penguntukan spektrum di bawah Bahagian ini dijalankan oleh Suruhanjaya. Apa-apa penguntukan spektrum, penguntukan radas atau penguntukan kelas yang dikeluarkan mesti selaras dengan rancangan spektrum yang diadakan oleh Suruhanjaya.

95. Akta membuat peruntukan bagi tiga jenis penguntukan, iaitu penguntukan spektrum, penguntukan radas dan penguntukan kelas, tetapi memberi Menteri dan Suruhanjaya kelenturan dalam mentadbirkan jenis penguntukan yang berlainan bagi tujuan yang berlainan:

- suatu penguntukan spektrum memberi kuasa kepada seseorang untuk menggunakan satu jalur frekuensi tertentu atau lebih bagi apa-apa maksud yang selaras dengan syarat-syarat penguntukan;
- suatu penguntukan radas memberi kuasa kepada seseorang untuk menggunakan satu jalur frekuensi tertentu atau lebih untuk mengendalikan suatu kemudahan rangkaian daripada jenis tertentu atau bagi suatu maksud tertentu;
- suatu penguntukan kelas yang memberi kuasa kepada mana-mana orang untuk menggunakan satu jalur frekuensi tertentu bagi suatu maksud tertentu.

96. Istilah "penguntukan" digunakan dan bukannya istilah "lesen" bagi menunjukkan perbezaan antara penguntukan hak dan pelesenan sesuatu aktiviti. Walaupun Suruhanjaya boleh menguntukkan hak kepada seseorang menggunakan spektrum, pemunyaan muktamad spektrum kekal dengan Kerajaan. Tambahan lagi, peruntukan yang dibuat oleh Akta bagi hak yang boleh didagang dengan penggunaan spektrum agak sukar dipadankan dengan konsep suatu lesen tunggal, yang tidak boleh dipecahbagikan.

97. Adalah dijangka Menteri akan menentukan spektrum yang hendak diuntukkan sebagai suatu penguntukan spektrum yang boleh didagangkan dalam jalur frekuensi jika terdapat banyak ketaktentuan teknologi mengenai penggunaan muktamad jalur itu. Pasaran kedua dalam hak yang boleh didagang akan seterusnya memastikan penggunaan jalur itu berada pada tahap penggunaan yang paling berkesan.

98. Penguntukan radas boleh membenarkan pemegang penguntukan itu memberikan kuasa kepada pihak ketiga untuk mengendalikan suatu kemudahan rangkaian mengikut penguntukan itu.

99. Akta membuat peruntukan bahawa Menteri boleh menentukan spektrum yang akan digunakan bagi penguntukan spektrum sahaja. Spektrum yang telah ditentukan oleh Menteri bagi penguntukan spektrum tidak boleh diuntukkan dengan cara suatu penguntukan radas atau suatu penguntukan kelas.

100. *Fasal 174* bertujuan membolehkan Menteri menentukan hak keutamaan capaian kepada spektrum. Tujuan peruntukan ini adalah supaya diwujudkan suatu hubungan antara penguntukan spektrum dengan struktur pelesenan bagi kemudahan rangkaian dan perkhidmatan rangkaian. Pengendali atau pemberi yang memegang lesen individu boleh diberikan hak keutamaan capaian kepada spektrum dalam konteks aku janji khusus yang dibuat oleh pemegang lesen itu. Ini adalah sebahagian daripada sistem insentif pengawalseliaan yang ada dalam mencapai matlamat Akta.

101. Bab 1 Bahagian VII bertujuan membuat peruntukan bahawa Suruhanjaya boleh mengadakan suatu rancangan spektrum bagi penggunaan dan penguntukan satu bahagian spektrum atau lebih. Rancangan spektrum boleh menentukan perkaedahan bagi penguntukan dan penguntukan semula dengan cara lelongan, tender atau pada suatu kadar atau harga tetap. Rancangan spektrum juga boleh memasukkan suatu rancangan penukaran bagi penukaran penguntukan radas yang ditentukan kepada penguntukan spektrum.

102. Akta juga bertujuan membuat peruntukan bagi pengambilan wajib oleh Suruhanjaya penguntukan dalam suatu jalur yang ditentukan bagi penguntukan spektrum atas arahan Menteri. Suruhanjaya boleh membayar suatu amaun pampasan yang munasabah kepada pemegang suatu penguntukan yang terpaksa menyerahkan penguntukannya sebelum habis tempohnya disebabkan oleh suatu pengambilan wajib.

Penomboran dan pengalamatan elektronik:

103. Suruhanjaya diletakhak kawalan, perancangan, pentadbiran dan pengurusan penomboran dan pengalamatan elektronik perkhidmatan rangkaian dan perkhidmatan aplikasi yang diberikan kepada orang ramai. Akta menghendaki Suruhanjaya supaya mengadakan suatu rancangan penomboran dan pengalamatan elektronik yang menyatakan kaedah-kaedah mengenai penggunaan, pemindahan hakmilik, penguntukan dan kebolehalihan nombor dan alamat elektronik.

104. Akta bertujuan memberikan kuasa kepada Suruhanjaya untuk melantik seseorang untuk menguruskan pengumpulan penomboran dan/atau pengalamatan elektronik. Suruhanjaya juga boleh melantik seseorang untuk menyenggarakan suatu pangkalan data nombor awam bersepadu dan boleh menurunkan tanggungjawabnya menyenggarakan suatu daftar nombor yang diumpukkan kepada suatu pihak berkuasa yang ditentukan.


Standard teknik:

105. Adalah merupakan suatu kesalahan di bawah Akta untuk menggunakan mana-mana kelengkapan teknik atau sistem yang menghalang kesalingbolehkendalian rangkaian atau menjejaskan keselamatan awam.

Forum standard teknik, kod dan standard teknik:

106. Suruhanjaya boleh menentukan satu forum industri atau lebih di bawah Bahagian ini mengikut kuasa amnya di bawah Bahagian V Akta.

107. Suatu forum standard teknik yang ditentukan di bawah Bahagian ini hendaklah bertanggungjawab bagi penyediaan suatu kod teknik berkenaan dengan suatu perkara atau perkara-perkara. Perkara-perkara yang boleh dikendalikan di bawah kod teknik disenaraikan dalam Akta:




108. Suatu kod teknik tertakluk kepada peruntukan standard berkenaan dengan kod industri di bawah Bahagian V Akta, termasuk peruntukan standard mandatori.

109. Bahagian VII Akta bertujuan membuat peruntukan bahawa Suruhanjaya boleh mendaftarkan agensi pemerakuan atau kelas agensi pemerakuan bagi maksud memperakui pematuhan kod di bawah Bahagian ini.

BAHAGIAN VIII

110. Bahagian VIII Akta mewujudkan suatu rangka kerja bagi perlindungan dan peningkatan kepentingan pengguna dan perkhidmatan multimedia. Rajah di bawah menunjukkan struktur rangka kerja bagi pengawalseliaan pengguna:




111. Bahagian VIII Akta menjadikannya suatu kesalahan bagi pemberi perkhidmatan rangkaian dan pemberi perkhidmatan aplikasi berlesen untuk berurusan dengan cara yang tidak berpatutan dengan pengguna atau tidak menyediakan mekanisme bagi menebus rugi. Tujuannya supaya kod industri sukarela akan menyatakan tatacara contoh bagi memenuhi kehendak pengguna.

Forum pengguna dan kod pengguna:

112. Bahagian VIII Akta bertujuan membuat peruntukan bagi kuasa Suruhanjaya menentukan suatu badan industri menjadi forum pengguna. Forum pengguna akan bertanggungjawab mengadakan satu kod pengguna atau lebih yang mengendalikan perkara-perkara berkenaan dengan perlindungan dan peningkatan kepentingan pengguna terniasuk, tetapi tidak terhad kepada, perkara-perkara yang disenaraikan dalam Akta.

113. Di bawah syarat-syarat standard lesen yang terpakai kepada semua pemegang lesen, pematuhan suatu kod pengguna berdaftar yang berkaitan adalah mandatori. Walaupun pematuhan kod secara amnya sukarela, kelemahan kedudukan pihak pengguna merupakan alasan yang kuat bagi pemakaian pendekatan yang lebih langsung.



114. Suatu kod pengguna tertakluk kepada peruntukan standard berkenaan dengan kod industri di bawah Bahagian V Akta, termasuk peruntukan standard mandatori.

Perkhidmatan aplikasi dikehendaki:

115. Bahagian VIII Akta juga bertujuan untuk mewujudkan kuasa Suruhanjaya mengarahkan seseorang pemegang lesen atau sesuatu kelas pemegang lesen untuk memberi perkhidmatan aplikasi dikehendaki yang tertentu yang mungkin dianggap oleh Suruhanjaya sebagai perkhidmatan yang perlu bagi pengguna, sebagai contoh, perkhidmatan kecemasan.

Aduan pengguna dan penyelesaian pertikaian:

116. Bahagian VIII Akta mengadakan tugas Suruhanjaya membantu menyelesaikan aduan pengguna dan membuat peruntukan Suruhanjaya boleh menggunakan mana-mana atau semua kuasanya untuk melakukan sedemikian. Suruhanjaya dikehendaki mengadakan tatacara bagi mengendalikan aduan pengguna. Suruhanjaya akan menjalankan pengaturan sedemikian apabila mana-mana skim tebus rugi yang diasaskan kepada industri telah gagal untuk menyelesaikan suatu pertikaian pengguna dengan cara yang memuaskan.

Pengawalseliaan kadar:

117. Akta bertujuan untuk mengadakan suatu rangka kerja bagi pengawalseliaan kadar. *Fasal 197* membuat peruntukan pemberi boleh menetapkan kadar mereka mengikut kadar pasaran. Prinsip mengenai penetapan kadar dinyatakan dalam *fasal 198*. Bagaimanapun, apabila perlu, Menteri boleh campur tangan, atas sebab yang wajar atau derai kepentingan awam, dengan menetapkan kadar bagi apa-apa kemudahan atau perkhidmatan persaingan yang diberikan. Menteri juga diberi kuasa di bawah *fasal 200* untuk menentukan kaedah pengawalseliaan kadar khas bagi suatu kumpulan orang tertentu atau bagi suatu kawasan tertentu. Menteri juga boleh membuat kaedah-kaedah untuk memperihalkan perkara-perkara mengenai kadar termasuk, tetapi tidak terhad kepada, tahap kadar dikenakan, perubahan kadar, penyiaran atau pendedahan kadar, dan pengaturan kawalan kadar (sebagai contoh, pengaturan kadar tertinggi). Kaedah-kaedah itu boleh menyatakan tentang kemudahan rangkaian, perkhidmatan rangkaian, perkhidmatan aplikasi (sebagai contoh, perkhidmatan aplikasi suara) atau perkhidmatan aplikasi kandungan yang tertentu atau mengikut kelas, dan/atau terhadap pemegang lesen tertentu atau kelas pemegang lesen tertentu.

Pemberian perkhidmatan sejagat:

118. Bahagian VIII juga bertujuan membuat peruntukan suatu rangka kerja bagi pewujudan suatu sistem pemberian perkhidmatan sejagat yang direka bentuk untuk menggalakkan pewujudan kemudahan baru dan adanya perkhidmatan, terutamanya dalam "kawasan yang kurang liputan perkhidmatan" atau adalah "kumpulan yang kurang diberi perkhidmatan dalam masyarakat" yang dianggap demikian oleh Suruhanjaya. Peruntukan dibuat bagi langkah-langkah tambahan, termasuk penubuhan dan pengendalian suatu Kumpulan Wang Pemberian Perkhidmatan Sejagat yang boleh digunakan jika aku janji industri secara keseluruhannya tidak mencukupi.


BAHAGIAN IX

119. Bahagian IX Akta bertujuan untuk membuat peruntukan suatu rangka kerja pengawalseliaan yang direka bentuk untuk menggalakkan—

- pertumbuhan dan kemajuan perkhidmatan aplikasi kandungan yang mencerminkan kepelbagaian budaya Malaysia;
- adanya perkhidmatan aplikasi kandungan secara meluas yang mencerminkan kepelbagaian budaya Malaysia; dan
- pematuhan nilai-nilai masyarakat oleh pemberi perkhidmatan aplikasi kandungan.

120. Adalah menjadi hasrat Akta bahawa langkah-langkah pengawalseliaan di bawah Bahagian ini akan ditadbirkan dengan cara yang mencerminkan tahap pengaruhnya dalam membentuk pandangan dan nilai-nilai masyarakat. Oleh yang demikian peruntukan Bahagian ini memberi Menteri dan Suruhanjaya kelenturan yang agak besar dalam pemakaiannya. Kelenturan ini perlu kerana, walaupun mungkin perlu untuk mengawal selia perkhidmatan aplikasi kandungan tertentu yang mempunyai tahap pengaruh yang tinggi dalam sebahagian besar masyarakat, terdapat juga banyak perkhidmatan aplikasi kandungan yang hanya akan memerlukan pengawalseliaan langsung yang sedikit, jika perlu.

121. Rajah yang berikut menunjukkan bidang-bidang utama yang dikendalikan di bawah pengawalseliaan sosial dalam Akta dan menunjukkan bidang-bidang tanggungjawab utama bagi Menteri dan Suruhanjaya kedua-duanya:



122. Dalam struktur menyeluruh ini, aspek penting pengawalseliaan sosial bertujuan mengendalikan pelesenan, kehendak kandungan dan kod kandungan. Bidang-bidang sedemikian dibincangkan di bawah.

Pelesenan:

123. Bahagian IX Akta mewujudkan suatu rangka kerja bagi pelesenan pemberi perkhidmatan aplikasi kandungan. Tertakluk kepada pengecualian sebagaimana yang boleh ditentukan oleh Menteri di bawah Akta, tiada seseorang pun boleh memberikan suatu perkhidmatan aplikasi kandungan melainkan jika orang itu memegang suatu lesen individu yang diberikan di bawah Bahagian ini atau

perkhidmatan aplikasi kandungan itu tertakluk kepada suatu lesen kelas yang diberikan di bawah Bahagian ini. Seseorang yang memegang suatu lesen di bawah Bahagian ini tidak dikecualikan daripada kehendak memegang satu lesen lain berkenaan dengan aktiviti lain yang berkaitan di bawah Akta.

124. Pemberian kandungan dalam perjalanan pemberian suatu perkhidmatan lain (iaitu, "kandungan yang bersampingan kepada perkhidmatan yang diberikan") dikecualikan daripada Bahagian ini.

125. Menteri juga boleh menentukan garis panduan untuk menjelaskan erti "kandungan yang bersampingan kepada perkhidmatan yang diberikan". Ini adalah untuk memastikan bahawa perkhidmatan-perkhidmatan yang mungkin secara tidak sengaja memenuhi takrif "perkhidmatan aplikasi kandungan" dan yang tidak memerlukan pengawalseliaan dikecualikan daripada kehendak pelesenan di bawah Bahagian ini. Suatu contoh perkhidmatan sedemikian adalah laman World Wide Web yang menggunakan antara muka grafik (secara teknikalnya merupakan "kandungan") bagi menyediakan perkhidmatan kewangan.

126. "Perkhidmatan aplikasi kandungan tertutup" juga dikecualikan, dan buat permulaannya ditakrifkan sebagai perkhidmatan yang terbatas kepada suatu kediaman atau suatu pertubuhan perbadanan. Terdapat peruntukan bagi Menteri mengubah takrif pada bila-bila masa.

127. Sebagai tambahan kepada pengecualian-pengecualian di atas, seseorang yang memberikan suatu perkhidmatan aplikasi kandungan terhad, yang ditakrif, dalam *fasal 6*, sebagai suatu perkhidmatan yang daya tarikkannya terhad, tidak dikehendaki memegang suatu lesen individu. Menteri boleh menentukan garis panduan yang menjelaskan erti "perkhidmatan aplikasi kandungan terhad".

128. Suruhanjaya hendaklah memberikan pendapat mengenai kategori sesuatu perkhidmatan aplikasi kandungan apabila diminta oleh seseorang.

129. Matlamat peruntukan sedemikian adalah untuk memastikan bahawa perkhidmatan aplikasi kandungan yang tidak perlu pengawalseliaan sosial secara terperinci di bawah Bahagian ini, kerana perkhidmatan itu diberikan hanya kepada golongan masyarakat yang terhad, tidak tertakluk kepada pengawalseliaan berlebihan. Tahap pengawalseliaan yang tinggi terhadap perkhidmatan sedemikian mungkin menghalang kemajuan pemberi kandungan tempatan dan oleh yang demikian tidak selaras dengan matlamat Akta.

130. Sebagaimana dengan peruntukan pelesenan lain di bawah Akta, peruntukan bagi pelesenan perkhidmatan aplikasi kandungan tidaklah terperinci berkenaan dengan jenis lesen bagi jenis


perkhidmatan yang berlainan. Ketiadaan peruntukan pelesenan yang terperinci dalam Bahagian ini adalah terutamanya bagi memberikan kelenturan berkenaan dengan pelesenan berlainan jenis pemberi perkhidmatan aplikasi kandungan bergantung pada tahap pengaruhnya dalam membentuk pandangan dan nilai-nilai masyarakat. Sebagai contoh, walaupun seorang penyiar televisyen mungkin amat sesuai tertakluk kepada suatu lesen individu, perkhidmatan seorang pemberi perkhidmatan aplikasi kandungan lain yang hanya berjaya menarik suatu kelas kecil mungkin tertakluk kepada suatu lesen kelas sahaja. Terdapat suatu julat pemberi perkhidmatan aplikasi kandungan yang sangat luas, yang kebanyakannya mungkin tidak memerlukan apa-apa bentuk pelesenan langsung.

Kehendak kandungan:

131. Adalah merupakan suatu kesalahan untuk memberikan kandungan yang sumbang, lucah, palsu atau mengancam. Adalah menjadi hasrat Akta kod-kod yang mengendalikan perkara-perkara sedemikian diadakan di bawah Bahagian ini.

Forum kandungan dan kod kandungan:

132. Suruhanjaya boleh menentukan satu forum industri atau lebih di bawah Bahagian ini mengikut kuasa amnya untuk menentukan suatu forum industri di bawah Bahagian V.



133. Suatu fomm kandungan yang ditentukan di bawah Bahagian ini hendaklah bertanggungjawab bagi penyediaan suatu kod kandungan mengenai suatu perkara atau perkara-perkara tertentu. Perkara-perkara yang boleh dikendalikan di bawah suatu kod kandungan termasuk, tetapi tidak terhad kepada, perkara-perkara yang disenaraikan dalam Akta. Pada amnya, hasrat kod kandungan adalah untuk mengehadkan pemberian kandungan yang tidak sesuai.

134. Mungkin akan terdapat banyak forum kandungan dan banyak kod kandungan, kerana suatu kod kandungan mungkin berkenaan dengan—

- suatu perkara tertentu;
- suatu jenis pemberi perkhidmatan aplikasi kandungan tertentu; atau
- suatu perkara tertentu bagi suatu jenis pemberi perkhidmatan aplikasi kandungan tertentu.

135. Peruntukan berkenaan dengan kod kandungan di bawah Akta memberikan kelenturan berkenaan dengan perkara ini kerana, walaupun seseorang pemberi perkhidmatan aplikasi kandungan yang memberikan apa-apa perkhidmatan aplikasi kandungan yang mempunyai daya tarikan yang meluas dalam masyarakat am mungkin memerlukan garis panduan yang terperinci dan munasabah tentang jenis kandungan yang boleh diberikan, manakala suatu pemberi perkhidmatan aplikasi yang memberikan apa-apa perkhidmatan aplikasi yang mempunyai daya tarikan yang lebih sedikit mungkin tidak memerlukan pengawalseliaan yang ketat.

136. Suatu kod kandungan tertakluk kepada peruntukan standard berkenaan dengan kod industri di bawah Bahagian V, termasuk peruntukan mengenai standard mandatori.

BAHAGIAN X

137. Bahagian X bertujuan memperkatakan tentang peruntukan am.

Pemasangan kemudahan rangkaian, capaian kepada kemudahan rangkaian, dll.:

138. Bab 1 Bahagian X bertujuan membuat peruntukan bagi pemberi kemudahan rangkaian untuk memasuki tanah dan melakukan apa-apa yang perlu bagi tujuannya. Peruntukan memastikan bahawa pemberi mesti mengambil semua langkah yang munasabah untuk memastikan bahawa dia menyebabkan sesedikit kerosakan dan kesusahan yang dapat dilaksanakan. Dia juga mempunyai tugas untuk membaik pulih tanah itu. Pemberi dikehendaki untuk membuat suatu perjanjian dengan suatu kemudahan awara jika aktiviti yang dilakukan olehnya mungkin menjejaskan pengendalian kemudahan itu. Pemberi

itu seterusnya dikehendaki untuk memberikan notis bertulis kepada pemunya atau penduduk tanah itu sebelum memulakan aktivitinya atas tanah itu. Notis itu mesti menyatakan jika seseorang mengalami kerugian atau kerosakan kewangan berhubung dengan harta disebabkan oleh apa-apa jua yang dilakukan oleh pemberi itu, pampasan bolehlah dibayar.

139. Peruntukan dibuat menghendaki pemberi itu memastikan bahawa mana-mana kemudahan rangkaian yang dipasang di atas suatu jalan raya, jambatan, lorong atau perairan boleh layar dipasang dengan cara yang akan membenarkan laluan munasabah oleh orang, kenderaan dan vesel.

140. Pemberi boleh memohon kepada Suruhanjaya bagi mendapatkan suatu permit pemasangan kemudahan rangkaian yang membenarkan pemberi itu untuk menjalankan pemasangan kemudahan itu. Antara lain, pemberi itu mesti memuaskan hati Suruhanjaya bahawa dia telah melakukan usaha yang munasabah untuk berunding dengan suci hati dengan setiap tuan punya yang kelulusannya dikehendaki bagi menjalankan pemasangan itu dan sekurang-kurangnya salah satu daripada kelulusan itu belum diperolehi dalam tempoh empat belas hari selepas bermulanya rundingan yang berkenaan. Kelulusan yang perlu daripada Pihak Berkuasa Negeri, pihak berkuasa tempatan atau pihak berkuasa lain yang berkaitan mesti diperolehi terlebih dahulu.

141. Walau apa-apa jua peruntukan mana-mana undang-undang bertulis lain, seseorang pemberi kemudahan rangkaian atau sesuatu kemudahan awam hendaklah memberikan kepada seseorang pemberi kemudahan rangkaian akses tanpa diskriminasi kepada mana-mana tiang, kemudahan rangkaian atau hak laluan yang dipunyai atau dikawal olehnya.

Kesalahan dan penalti tambahan:

142. Bab 2 Bahagian X bertujuan membuat peruntukan bagi kesalahan dan penalti tambahan yang belum diperuntukkan dalam Akta. Antara lain, Akta menjadikannya suatu kesalahan bagi seseorang untuk memintas komunikasi tanpa kelulusan yang sah, atau untuk menggunakan secara fraud atau memperoleh apa-apa kemudahan rangkaian, perkhidmatan rangkaian, perkhidmatan aplikasi atau perkhidmatan aplikasi kandungan. Peruntukan yang mencukupi dibuat untuk memasukkan semua kes "pengklonan" kelengkapan atau peranti lain pelanggan untuk mendapatkan capaian yang tidak dibenarkan kepada perkhidmatan-perkhidmatan, dan kesalahan berkenaan dengan pengusikan atau penggunaan kelengkapan atau perisian untuk melakukan fraud.

Kuasa untuk masuk, penyiasatan kesalahan dan pendakwaan:

143. Bab 3 Bahagian X bertujuan memberikan kuasa untuk masuk kepada pegawai diberi kuasa, penyiasatan kesalahan dan pendakwaan.

144. Mahkamah Sesyen hendaklah mempunyai bidang kuasa untuk membicarakan kesalahan di bawah Akta.

Perkara kepentingan negara:


145. Bahagian X Akta juga menyatakan pelbagai kewajipan berkenaan dengan perlindungan perkara kepentingan negara yang boleh dikenakan ke atas pemegang lesen. Ini termasuk peruntukan bagi kawalan Kerajaan ke atas komunikasi semasa darurat, dan rancangan pemulihan semasa bencana.

Pelbagai:

146. Bahagian X juga bertujuan mengadakan peruntukan tentang pelbagai perkara seperti kuasa Menteri untuk membuat kaedah-kaedah mengenai penyimpanan rekod, dan arahan Menteri kepada Suruhanjaya mengenai perkJraan kerjasama dengan pihak berkuasa lain atau mana-mana organisasi antarabangsa. Peruntukan juga dibuat untuk menyatakan secara jelas bahawa Akta mengatasi mana-mana undang-undang bertulis lain yang berkaitan setakat mana-mana ketidakselarasan atau percanggahan antara Akta dengan Akta-akta lain.

BAHAGIAN XI

147. Bahagian XI Akta bertujuan untuk mengadakan perkiraan dan tatacara bagi peralihan lancar daripada kaedah pengawalseliaan semasa kepada kaedah baru di bawah Akta. Peruntukan peralihan diringkaskan dalam rajah di bawah:



148. Bahagian XI memansuhkan Akta Telekomunikasi 1950 dan Akta Penyiaran 1988 ("Akta-Akta yang dimansuhkan") mulai tarikh yang ditetapkan iaitu tarikh mula kuat kuasa Akta. Akta akan menggantikan peruntukan kedua-dua Akta yang terdahulu ini.

149. Akta mengekalkan mana-mana perundangan subsidiari yang dibuat di bawah Akta-Akta yang dimansuhkan sehingga perundangan subsidiari baru dibuat untuk menggantikannya. Menteri diberi kuasa untuk membuat ubahsuaian yang perlu kepada perundangan subsidiari sedemikian bagi tujuan menghapuskan kesulitan atau akibat daripada lulusnya Akta ini.

150. Seseorang yang memegang lesen yang sedia ada yang diberikan di bawah Akta-Akta yang dimansuhkan boleh memohon kepada Suruhanjaya untuk mendapatkan suatu lesen baru di bawah Akta. Suatu lesen lama hendaklah hanya berkuat kuasa selama dua belas bulan selepas tarikh yang ditetapkan. Menteri boleh memberikan suatu lesen baru yang boleh tertakluk kepada apa-apa syarat yang disifatkannya sesuai oleh Menteri demi kepentingan negara.

151. Jika suatu lesen yang diberikan di bawah Akta-Akta yang dimansuhkan bercanggah dengan suatu lesen kelas yang diberikan di bawah Akta Komunikasi dan Multimedia 1998, lesen yang diberikan di bawah Akta-Akta yang dimansuhkan tidak mempunyai kuat kuasa setakat percanggahan itu.

152. Seseorang yang berhasrat untuk terus menjalankan urusan di bawah suatu lesen yang diberikan di bawah Akta-Akta yang dimansuhkan mesti mendaftarkannya dengan Suruhanjaya dalam masa dua belas bulan dari mula berkuatkuasanya Akta baru.

153. Seseorang yang memegang suatu lesen yang diberikan di bawah Akta-Akta yang dimansuhkan selepas Akta Komunikasi dan Multimedia 1998 berkuat kuasa mesti menyatakan kepada Menteri secara bertulis dalam tempoh dua belas bulan dari tarikh yang ditetapkan sama ada dia berhasrat untuk mendapatkan suatu lesen baru atau tidak di bawah Akta baru.

154. Orang yang menjalankan urusan di bawah lesen yang sedia ada yang diberikan di bawah Akta-Akta yang dimansuhkan tidak berhak menerima apa-apa faedah baru yang boleh diterima oleh pemegang lesen baru di bawah Akta.

155. Peruntukan peralihan berkenaan dengan pelesenan bertujuan membolehkan Menteri dan Suruhanjaya untuk mengadakan insentif bagi pemegang lesen yang sedia ada untuk mendapatkan lesen baru di bawah kaedah pelesenan baru. Insentif sedemikian mungkin melibatkan pemakaian peruntukan lain di bawah Akta, termasuk peruntukan pelesenan am dan peruntukan mengenai sistem pemberian perkhidmatan sejangat. Insentif yang ditawarkan kepada pemegang

lesen seharusnya memberikan faedah kepada pemegang lesen itu dan juga membantu pencapaian matlamat Akta, Tujuannya agar keadaan seorang pemegang lesen tidak akan menjadi lebih teruk di bawah suatu lesen baru. Peruntukan itu memastikan perkara ini tidak berlaku dengan membenarkan pemegang lesen yang sedia ada untuk memilih sama ada dan bila (tetapi tidak lewat daripada dua belas bulan) mereka ingin beralih kepada lesen baru.

IMPLIKASI KEWANGAN

Rang Undang-Undang ini akan melibatkan Kerajaan dalam perbelanjaan wang tambahan yang tidak dapat ditentukan pada masa ini.

[PN.(U²) 1995/VII.]